

ADITVS  
AD  
LOGICAM.  
IN VSVM EORVM  
qui primò ACADEMI-  
AM Salutant.

---

*Autore* SAMUELE SMITH,  
*Artium Magistro.*

---

*Editio quinta.*



OXONIÆ,  
Excudebat GUIL: TURNER,  
ipſius impenſis. 1639.  
*Cum Privilegio.*

ADITV

AD

LOGICAM

IN V. S. M. F. O. R. M.

per Bernardum A. B. B.

in studio

-----

-----

-----

-----





DE NVPERA  
LONDINENSI  
EDITIONE,

ad LECTOREM

Περγεσθινός.

**E**Acile deperdit inju-  
ria nomen qua si-  
lenti sapius infer-  
tur; conelamatum  
improbitalis ingenium inter  
licita reponit quicquid impu-  
nè deliquit: faceffit a Tibe-  
riani ſeculi infœlicitas, cum  
in filiorum funere & ipſa pa-  
rentis lachryma capitales: in-  
fra ultionem ſavit, qui factò  
laceſ-

a Tacit.  
Annal. l. 6.

# AD LECTOREM.

laceffitus non nisi querelas re-  
gerit: revivifceret modò pri-  
mæva Comitorum libertas, a-  
pertius vapularet Civium li-  
centia, quam & olim infeftam  
fenfit villana infirmitas; nec  
contarer, vel citato nomine,  
veteri formâ, dicam impin-  
gere, <sup>b</sup> "Εστ τις ἐν τῷ δα παλαιῷ εἰς  
τὸ παρὺς τῷδε. Obstetricante  
quondam Phoebo hunc cere-  
bri, factum forsan intempesti-  
vum, edidit hic noster Faber,  
nec ad incudem redigere per-  
misit malè ferienta quorun-  
dam avaritia; quin nymphe  
vixdum adulta, quam nec ex-  
posuit parens nec abdicavit,  
violentiam intulit raptor Ty-  
pographus; & indignum, re-  
cla-

l Antiquus  
Author.  
ἡμεῖς καὶ ποῦ  
ἡμεῖς.

# AD LECTOREM.

clamantem frustra compres-  
 si, vitiatamque virginem pa-  
 tri remisit non sine pudore suo  
 agnoscendam: Hinc illæ la-  
 chrymæ. Quod si felicitatis  
 pars sit sociata miseria, eadem  
 nobiscum si non & gravio-  
 ra passi olim conquestique  
 Schottus, & Grotius, &  
 Qui è tota Typographorum  
 gente τὸν σέφαιον ἀντίκετο: hoc  
 tantum ultra ceteros hic no-  
 ster ingemit, quòd sordidior  
 pecuniarum hirudo exemplar  
 secutas non ita emaculatam,  
 libellum recudit solo menda-  
 rum numero auctiorem: hinc  
 est quòd veniam petere dedig-  
 natur author, non uno male  
 mulctatus dispendio; qui &  
 lucri

Andr.  
 Schott. de  
 editione  
 Parisiensi  
 Photii.  
 In ep. ad  
 Proverbia  
 Græca à  
 se edita.  
 d De edi-  
 tione Jan-  
 soniana,  
 lib. de Jure  
 Belli An-  
 stelod.  
 e Epitome  
 sui thesauri  
 Græci.

# AD LECTOREM

lucris simul facis & de fama  
 naufragio periclitatus est, qui  
 tanto justius in ultionem ex-  
 canduit, quanto huius quam  
 illius gravior iactura. Imo  
 suffragante Themide quod sui  
 primitus poculi fuerat postli-  
 minio iure repascit, f. Degm.  
 tidus éad. Rev: & s quod no-  
 strum est sine facto nostro  
 ad alium transferri non po-  
 test. Nec enim consulta moror  
 siqua forsam Ambubaiarum  
 collegia clanculum sanxe-  
 rant, cum & nec privatorum  
 convétio juri publico quic-  
 quam deroget, & quantum  
 ab aequitate etiam antehac for-  
 san experti Quirites nisi Ro-  
 mano tuti privilegio b non  
 alios

f Moschus  
 et s. a.  
 g Digest.  
 de reg. ju-  
 ris l. 11.  
 § l. 43.

b Avitus  
 apud Tal-  
 citum An-  
 nal. 1. 16.

## AD LECTOREM

alios Judices quàm seipfos  
paterentur. *Vtcunque discat*  
*audacula ignorantia, non idem*  
*semper honestum quod lici-*  
*tum, & immunitas plurima*  
*immane quantum ab in-*  
*nocentia distat.*

---

---

ADITUS

---





ADITVS  
AD  
LOGICAM.

LIB. I.

CAP. I.

*De Definitione & Divisione  
Logica.*

**L**OGICA est Scientia Logica de-  
de quovis themate pro-  
babiliter, & angustè  
differendi, *Vel ut plans-*  
*ius dicam;* Logica est ar-  
tificiosa & methodica præceptorum  
comprehensio, quâ cognoscimus suc-  
cinctè ratione, uti, ad fidem faciendam  
in qualibet re probabili.

*frustio.*

Differt à *Grammatica*, quia hæc congruè dicere, illa secundum veritatem differere; à *Rhetoricâ*, quia hæc palma expansa, id est, fusè & ornatè, illa pugno contracto, id est, strictè & angustè argumentari docet.

Argumentari verò dicitur, non quòd tota Logicæ vis in argumentatione est sita.

Tria enim sunt } Definire obscura,  
 Logicæ munera } Dividere universa,  
 } Ratiocinari de veri-  
 } similibus:

sed cum inter ista & plura alia Logicæ munera, quæ istis superaddat hujus artis studiosus, primas semper obtinuit Argumentatio, ejus solum in definitione mentionem fecimus, reliqua minoris precii officia reticentes magis quam rejicientes.

*Quare Logica de probabilibus dicitur argumentari.*

Atque ut quælibet Logicæ pars non docet argumentari, sed sola ultima, ita ultima non docet de qualibet re argumentari, sed solum de probabili; vel quòd probabilium argumentorum major est copia, quàm necessariorum, & proinde à parte ulteriori sumitur definitio, vel quia necessaria non sunt omnino Logicæ considerationis. Quatuor enim sunt teste Aristotele de quibus



quibus non est differendum, 1. Ea quæ poenam merentur, ut an Deus sit colendus. 2. Quæ sensui sunt obvia, ut An nix sit alba. 3. Quæ à nobis longè sunt amota, ut An sit aliquid supra coelum ultimum. 4. Quæ possunt demonstrari, ut An homo sit risibilis: quum igitur manifestè vera & manifestè falsa aut demonstratione probari, aut sensu percipi possunt; restat, ut res solæ probabiles sint Logicæ considerationis, aut necessariæ, quatenus speciem præ se ferunt probabilitatis, & pro nostri conceptus imbecillitate nobis videntur probabiles.

Tota Logica in tres partes dividitur; prima agit de vocibus simplicibus; secunda de complexis; tertia de discursu: ut enim pueruli ABCdarii primò litteras & syllabas noscere, inde notas conjungere, ultimò conjunctas legere sunt erudiendi: ita tyrones Logici primò edocendi sunt, quid est vox, quomodo formetur, & quos usus in Logica habet; secundò quomodo ex vocibus simplicibus fiat propositio, & quæ sunt ejus affectiones; ultimo ex quibus propositionibus extruendus est syllogismus: quæ omnia dum nos (annuente Deo) tribus libris ostendere

dere auspicamur, constructionis ordinem sequemur, & à voce simplici exorfi, indeque ad propositionem progressi, in discursu demum consistemus.

## CAP. 2.

*De Definitione & Divisione vocis.*

**V**T vocis natura, quæ primi & secundi Libri subjectum est, melius dignoscatur, ab ejus definitione & divisione exordium sumemus, ut quid sit de quo agitur omnibus innotescat.

*Vocis definitio.*

Vox est signum rei & conceptum ex instituto divino aut humano, certa litterarum aut syllabarum conformatione scriptum, aut pronunciatum.

*Tria ad vocem requisita.*

Ad vocem Logicam tria præcipue requiruntur. Primò, ut sit significans, unde infantium voces propriè non sunt voces, quia non sunt signa rerum. Secundò, ut non significet naturaliter, sicut risus apud omnes lætitiâ, fletus mœstitiâ designat, sed ex instituto vel divino, ut lingua Hebræa; vel humano, ut reliqua omnes à Babelis everfione exorta. Tertiò, ut conformetur litteris & syllabis, sive scribatur, sive pronuntietur;

tietur; Unde differt à sono, quod sonus est collisio duorum corporum solidorum, sed vox non nisi naturalibus instrumentis formetur his versibus comprehensis:

*Instrumenta non veniunt, guttur, lingua, palatum,*

*Quatuor & dentes, ac duo labra simul.*

Multifariam dividitur Vox; primo in simplicem & complexam.

*Prima vox*

Vox simplex est, cujus nulla pars quicquam separatim significat, ut *veritas, domus*; licet enim de & minus separatim sumpta, ut sunt per se vocabula aliquid significant, prout tamen sunt partes illius vocabuli *domus* nihil separatim designant.

Vox complexa est, quæ ex duabus sive pluribus simplicibus conflatur, ut *armata veritas*; de hac voce fusiùs in sequentibus agemus.

*Lib. 2)*

Vox simplex rursus subdividitur in Concretam & Abstractam.

Vox concreta est, quæ res conjunctim significat, ut *album, parietem, hominem, aut tale aliquod subjectum* con- significat cum albedine eidem inharente. Abstracta est, quæ rem separatim significat, ut, *Albedo* qualitatem notat nulli subjecto inharentem.

*Divisio secunda.* Secundò dividitur in { primæ } notionis, seu  
 { secundæ } vocem, { } propositionis.

Vox primæ intentionis est, quæ aliquid extra animum significat, & rei primò est imposita; ut *Aurum, virtus.*

Vox secundæ notionis est, quæ non immediatè rem, sed modum aliquem seu instrumentum, quo mediante res intelligitur, denotat: ut *Genus, Species, omnesque voces artis.* Sic in Grammatica, *lapis* est vox primæ notionis: sed quando dicimus *lapis* est nomen, [*nomen*] erit vox secundæ notionis; sic in Logica *animal* est vox primæ notionis naturam realem animalis significans, sed ut est *Genus* est vox secundæ intentionis.

*Divisio tertia.*

Ultimò vox dividitur in Communiem & Singularem.

Vox singularis est quæ uni tantùm rei attribuitur, ut *Oxonium unius Academia, Socrates animi hominis nomen est.* Hæc vox apud Logicos vulgò appellatur Individuum: & quadrariam

*Individuum Quadruplex.*

dividitur in { 1 Vagum. 2 Signatum,  
 { 3 Demonstrativum.  
 { 4 Ex hypothesi.

1 Individuum vagum est vox communis, quæ aliquo quidem modo sed imperfectè

imperfectè ad rem singularem restringitur : sic si dicam *quidam homo*, verbum illud *quidam* hominem restringit, ita tamen ut quis intelligatur nobis sit incognitum.

2 Determinatum est quod ad determinatam & certam rem singularem significandam ex arbitrio imponendum est institutum ; suntque propria rerum nomina, ut *Gabriel, Alexander, Bucephalus*.

3 Individuum demonstrativum est quando terminum communem cum pronomine demonstrativo sumimus, ad unum aliquod particulare designandum ; ut *Hic homo*.

4 Individuum ex hypothesi, seu suppositione est, quando universale & commune nomen facta suppositione aliquâ, non nisi de uno prædicatur, ut *Sophronisci filius*. Qui ex se quidem est terminus communis, sed quia juxta veritatem uni solum nimirum *Socrati* competit, secundum hanc suppositionem, quod *Sophoniscus* *Socratem* solum genuerit, Individuum dicitur, & rem singularem designat.

Alia apud alios Authores recensentur Individua, ut *Individua xpi* & *Ego*, ut poëta pro *Virgilio*, aut *rex*.

per se, ut fluvius septemfluvius pro Nilo; quæ ad aliquod dictorum individuorum nullo cum negotio reduci possunt.

Vox communis est, quæ multis communicatur, sic homo de hoc & illo homine predicatur, & animal hunc & illa animalia attribuitur.

De voce singulari nulla tractat disciplina, & proinde Plato nos acquiescere jubet, cum semel ad ipsam devenit. Communis verò est hujus primi Libri subjectum, quem obinde in duos tractatus partiti sumus, quorum primus agit de Prædicabilibus, posterior de Prædicamentis. Prædicabile enim à Prædicamento differt, primo, quia Prædicabilia sunt recepta, & res contentæ; at Prædicamentorum gradus sunt receptacula, & res continentæ: secundo, Prædicamenta sunt primæ notiones, & Prædicabilia secundæ: ultimo, quoniam Prædicamenta sunt res quæ prædicantur, Prædicabilia ostendunt, quomodo prædicantur, de utrisque suo loco agemus, & primo de Prædicabilibus.

*Quomodo  
Prædicabi-  
le à Præ-  
dicamento  
differt.*

CAP. III.

De Prædicabilibus.

**P**Rædicabile est vox communis, quæ de pluribus aptè nata est dici, ut *Animal de Homine & Bruto*. Dicimus quod hæc vox aptè nata est dici, seu quod idem sonat, habet potentiam prædicandi de pluribus, quia licet a se quandoque de uno tantum prædicatur, ut *animal de Socrate* in hac propositione, *Socrates est animal*, potentiam tamen habet de pluribus prædicandi, *platonem scilicet, Aristotelem, aut quovislibet animalis*.

*Prædicabile quid.*

Prædicabile verò differt ab Universalis, quod prædicabile dicitur de multis, & universale est in multis, sic *natura humana dicitur universalis*, quia est in quolibet particulari homine, sed *homo dicitur species*, quia de singulis hominibus prædicatur; imò ob eam causam prædicabile dicitur de multis quoniam universale est in multis; ut *homo de Socrate & Platone* ideo prædicatur, quia *humana natura utrisque inest*.

*Quomodo differt ab universalis.*

Quinque enumerantur prædicabilia:

- 1 Genus.
- 2 Species.
- 3 Differentia.
- 4 Proprium.
- 5 Accidens.

*Quinarius prædicabilium numerus.*

Genus

Genus est prædicabile quod prædicatur de pluribus specie differentibus in Quid. *Specie verò ea dicuntur differre, quæ sunt diversæ species ejusdem generis. Sic homo & brutum specie differunt, & de iis animal ut Genus prædicatur.* Prædicari autem in Quid, est respondere ad questionem factam per Quid interroganti enim quid est homo? ritè responderetur Animal.

Quid genus

Genus bifariam dividitur primò in Summum, Subalternum.

Prima divisio generum.

Genus summum est quod nunquam potest esse species, seu quo nullum datur aliud superius genus, ut Substantia, Quantitas, &c. totidem enim sunt summa genera quorū sunt prædicamenta.

Subalternum est quod aliquando est genus, aliquando species, & ideo dicitur subalternum quod alternis vicibus Genus est & Species. Genos respectu inferiorum, & Species respectu superiorum: sic substantia est Genus summum, Corpus subalternum, genus enim est respectu corporis simplicis & compositi, & species respectu Substantiæ.

Divisio secundà dividitur Genus in

Proximum, Remotum.

Proximum



Proximum est quod proximè speciei adjacet.

Remotum longius à specie distat, sic corpus est remotum, animal est proximum hominis generi.

Tertiò Genus est vel  $\left. \begin{array}{l} \text{Perfe-} \\ \text{ctum,} \\ \text{Imper-} \\ \text{fectum} \end{array} \right\} \begin{array}{c} \text{Univo-} \\ \text{cum,} \\ \text{Analo-} \\ \text{gum.} \end{array}$

Divisio ter-  
tia.

Genus perfectum est quod æqualiter communicat naturam suis inferioribus, sic, animal dicitur genus perfectum, quia æquè primò homini convenit, & bruto: brutum enim est æquè corpus animatum ac homo.

Imperfectum genus est quod utrisque speciebus communicatur, sed alteri magis, alteri minus; ita substantia de natura entis magis participat, quàm accidens; accidens enim omnino non esset, nisi substantiæ inesset.

Species est prædicabile quod prædicatur de pluribus numero differentibus in Quid: ut, homo, fortitudo. Numero verò dicuntur differre, quæ sunt individua & numerando solum sunt diversa, ut, Plato & Socrates, qui in humana natura simul conveniunt, sed numerando hunc Platonem ab illo Socrate diversum esse dicimus.

Quid Species.

Bisariam

Bifariam dividitur, Perfectam.  
Species, primò in Imperfectam.

Prima ejus  
divisio.

Perfectæ dicuntur species, quæ sub  
perfecto genere continentur, ut *homo*  
& *brutum sub animali*.

Divisio se-  
cunda.

Imperfectæ sunt, quarum una per-  
fectam, altera imperfectam generis  
participationem habet, sic *substantia*  
*plus habet de natura totius quam acci-*  
*dens*.

Secundò, Spe- Subalternam.  
cies pariter in Ultimam.

Species subalterna cum genere sub-  
alternò in omnibus consentit.

Ima species semper est species &  
nunquam Genus, ut *Homo*, & hæc sola  
in præsentiarum consideratur.

Quid diffe-  
rentia.

Differentia est prædicabile quod  
prædicatur de pluribus specie vel nu-  
mero differentibus in Qualequid. Di-  
citur prædicari *De pluribus specie dif-*  
*ferentibus* propter differentiam generi-  
cam, de *pluribus numero differentibus*  
propter differentiam specificam; Et in  
*Qualequid*, quia essentialem qualita-  
tem notat, ut *rationale*.

Prima ejus  
divisio.

Tribus modis Communem,  
dividitur; pri- Propriam,  
mò in Maxime propriam.

Communem voco, quæ sumitur ab  
acci-

accidente communi, sic idem à seipso  
potest differre. Socrates enim puer à  
seipso jam grandævo differt. Propri-  
am, quæ sumitur ab accidente proprio;  
sic oculatus Oedipus à seipso oculis cap-  
to distinguitur. Maximè propriam (quæ  
maximè ad propositum nostrum spè-  
ctat) eam voco quam jamjam definivi-  
mus, dux enim priores differentię so-  
lummodo αλλοίον qualitate diversum  
aliud ab alio facit, hæc αλλα seu essen-  
tialē quandam discrepantiā con-  
stituit, ut *rationale inter hominem &  
brutum.*

Genericam

Secundò differen-  
tia, illa scilicet quam  
nos maximè propri-  
am vocamus in

dividitur *Divisio, se-  
cunda.*

Specificam.

Genericæ est, quæ de pluribus specie  
differentibus dicitur, ut *sensile de homi-  
ne & bruto.*

Specificæ est, quæ de pluribus nume-  
ro differentibus prædicatur, ut *rationa-  
le de Socrate & Platone.*

Tertiò divi-  
ditur in differe-  
ntiam

Divisivam, quæ dividit *Divisio*  
genus. Constitutivam, *tertia.*  
quæ speciem constituit.

Notandum verò est quòd eadem  
differentia

differentia differenti ratione & divi-  
siva esse potest & constitutiva: Divi-  
siva scilicet ratione sui superioris gene-  
ris, sed constitutiva respectu speciei; ut  
*rationale dividit animal, & constituit*  
*hominem.*

Tria hæc prædicabilia clariùs elu-  
cescent, si arborem illam quam vocant  
**Porphyrianam** istis subjunxero.

## Substantia

Incorporea

*Spiritus*

Corporea

*Corpus*

## Corpus

Compositum

*Compositum*

Simplex

*Elementum*

## Compositum

Animatum

*Animatum*

Inanimatum

*Lapis*

## Animatum

Sensibile

*Animal*

Insensibile

*planta*

## Animal

Rationale

*Homo*

Irrationale

*Brutum*

## Homo

*Arbor Por-  
phyriana.*

SOCRATES

PLATO

CARNEADES

In hac serie *Substantia* est summum genus, *Homo* est species infima, *Corpus*, *Compositum*, *Animatum*, *Animal*, sunt genera subalterna, *Incorporea*, *Corporea*, *Compositum*, *Simplex*, *Animatum*, *Inanimatum*, *Sensile*, *Insensile*, sunt omnes differentie genericæ, *Rationale* & *Irrationale* specificæ, utraque verò pro diversa ratione & divisio esse possunt & constitutivæ. *Socrates*, *Plato*, *Cesar*, sunt individua, sic dicta quòd ulterius dividi nequeunt.

*Proprium* est quod omni, soli, semper, *Quid proprium* & convertibiliter accidit subjecto, ut *primum risibile homini*: Accidit omni, id est, omni individuo, & soli, hoc est, soli speciei, & semper, scilicet, quoad potentiam; licet enim homo semper actu non ridet, potest tamen ridere, si aliquod lepidum objiciatur; denique necessario & convertibiliter accidit, quia fluit à principiis essentialibus speciei materiæ scilicet & formæ totius compositi, ut *risibilitas ab anima rationali cum corpore humano unita*.

*Accidens* est quod potest adesse & *Quid accidere* abesse sine subjecti interitu, ut *albor à dens. pariete*.

Duplex est { Separabile, quod actu potest *Divisiones* separari, ut *calor ab aqua, ejus.*

In

Inseparabile, quod non reipsa  
sed intellectu solum separa-  
tur, ut *canis* & *cygnus*.

Alias etiam dividitur Accidens in  
Prædicabile & Prædicamentale.

Accidens prædicabile est quod con-  
trâ distinguitur Propriis sic, *risibile est  
proprium, sed non accidens*. Prædica-  
mentale est quod opponitur Substan-  
tiæ, sic omnia prædicamenta, Sub-  
stantiâ solum exceptâ, sunt acciden-  
tia, & in hoc sensu Proprium dicatur  
Accidens, id est, non substantia.

Finitâ jam de prædicabilibus tra-  
ctatione, ipsa prædicamenta sequuntur  
enucleanda, prælibatis solum quibus-  
dam ad cognitionem prædicamentorum  
necessariis, quæ obinde ab Ari-  
stotele vocantur Antepædicamenta, &  
proximo in loco intercedunt pertra-  
ctanda.

#### CAP. IV.

##### *De tribus Definitionibus.*

TRACTATUS de prædicamentis in tres  
partes dividitur, quarum prima agit  
de Antepædicamentis, secunda de  
Prædicamentis ipsis, ultima de Post-  
præ-

prædicamentis: de singulis suo ordine.

Antepredicamentum est proemi-  
ale documentum valens ad cognitio-  
nem prædicamentorum à priori.

Tria in genere, septem in specie sunt Antepredicamenta.

Definitiones tres.

Divisiones duæ.

Regulæ duæ.

Prima definitio est *Æquivocorum*, quæ hunc in modum ab Aristotele definiuntur. *Æquivoca seu Homonyma* sunt, quorum nomen solum est commune, sed ad illud nomen accommodata definitio alia est atque alia, quemadmodum *Canis*.

*Æquivocantia*, nomina scilicet communia, ut *Canis*.  
*Æquivocata*, quæ sunt res per illa nomina significatæ, ut *Canis marinus*, *caelestis*, *domesticus*.

*Æquivoca* verò hoc in loco definita sunt *æquivocata*, quæ ab uno *æquivoco* *æquivocante*, ut à nomine communi dependent.

Ad *æquivoca* sicut ex definitione colligitur tres requiruntur conditiones. Prima est, ut unum habeant nomen commune, id est, ut *æquivoca* in uno *æquivoco* *æquivocante* conveniant; Secunda ut diversa sit *æquivocatorum*

*Antepredicamentum quid.*

*Quot sunt antepredicamenta.*

*Æquivocorum denominatio.*

*Æquivoca duplicia.*

*Tria ad æquivocare requiruntur.*

torum definitio & diversus conceptus; Tertia ut illa æquivocatorum definitio ad æquivocum æquivocans applicetur, & illius ratione dicatur diversa, v. g. *Canis marinus & domesticus*, in uno communi nomine conveniunt, quod ambo vocantur *Canes*: sed diversas sortiuntur definitiones & conceptus; ille enim est *Canis qui extra aquas*, hic *qui intra aquas deperere non potest*; & licet ambo ratione alicujus tertii dicantur univoca, & eandem sortiantur definitionem, ut ratione animalis uterque dicatur *corpus animatum sensile*, hæc tamen definitio non est ad idem nomen accommodata, scilicet ad æquivocum æquivocans, *Canem*.

**Nota.**

Notandum autem est quod æquivocatio semper sumenda est respectu rerum verè existentium, nam si latius extendatur ad res apparentes, fictas, aut pictas, quodlibet vocabulum erit ambiguum; nihil enim est quod non fingi potest aut pingi.

**Definitio  
Univoco-  
rum.**

Secunda definitio est Univocorum. Univoca autem sunt quorum & nomen commune est, & ad illud nomen accommodata definitio est eadem; sic *homo & bestia* in uno communi nomine conveniunt, quod ambo appellantur

tur



tur animalia, eandemque definitionem habent ad univocum univocans applicatam, quia brutum est corpus animalium sensibile, non aliter quàm homo.

Univocantia, nomina scilicet communia,  
 Univoca sunt ut, *Animal*. Univoca duplicia.  
 duplicia. Univocata, quæ sunt res significatæ, ut, *homo, brutum*.

Æquivoca & univoca in eo conveniunt, quòd ambo habent unum nomen commune: sed differunt quod æquivocorum solum nomen commune est; univocorum verò tum nomen tum definitio.

Inter æquivoca & univoca media sunt Analoga, quippe quæ nec planè eandem, ut univoca, nec prorsus diversam ut æquivoca definitionem sortiuntur, sed naturam suam secundum prius & posterius analogatis communicant: sic, *Ens de Substantia dicitur, & ratione Substantia de Accidente*; sic *sanitas medicina, urina, & animalibus attribuitur*, cujus illa quidem causa, ista signum, hoc verò subiectum dicitur.

Tertia definitio est Denominativorum. Denominativa verò dicuntur quæ

Definitio denominativorum.

quæcunque ab aliquo ita ut casu differant, nominis appellationem habent, ut à fortitudine fortis.

**Duo ad denominationem requiruntur,**

Ad denominativa duo requiruntur, primò, ut ab aliquo nomine appellationem habeant, id est, ut ab aliquo vocabulo deriventur; secunda, ut ab eodem nomine casu, hoc est, ultimâ seu finali syllabâ differant, unde Grammatica ars, & Grammatica mulier non habentur denominativa, quia casu non differunt, & proinde inter æquivoca non sunt enumeranda.

**Denominativa triplicia.**

1. Re tantum, ut virtus & studiosus.
2. Vocem tantum, ut vinum & vinolentus.
3. Re & voce simul, ut vinum & vinosus: quæ sola in præsentiarum definiuntur.

**Tria ad denominationem requisita.**

Ad omnem denominationem tria requiruntur, Nomen Substantivum, quod vocant Denominans; Nomen Adjectivum, quod est denominativum; Subiectum, quod vocatur denominatum: ut iustus, Casar est iustus, Casar est Denominans, Iustus Denominativum, Iustus Denominans, quæ tria faciunt ut ipse iustus denominetur.

**CAP.**

## CAP. V.

## De Duabus Divisionibus.

**V**ox sunt divisiones, una vocum,  
altera rerum.

Incomplexam quæ si-  
ne conjunctione effertur, ut *homo vincit.* *Prima di-  
visio vocum*  
Vox divi-  
ditur in  
Complexam, quæ ex  
simplicibus conflatur, ut  
*homo vincit.*

Tribus modis vox  
complexa & in-  
complexa dicitur,  
vel  
Re tantum.  
Voce tantum.  
Re & voce si-  
mul.  
*Tribus mo-  
di vox cō-  
plexa &  
Incomplexa*

Vox illa quæ sub uno nomine plures  
significationes complectitur, est voce  
tantum simplex re tantum complexa,  
ut *Canis* licet sit voce simplex, res ta-  
men plures in ea voce latent.

Cum plures voces ad unam rem sim-  
plicem exprimendam conjunguntur ob  
defectum proprii nominis, vox est re  
simplex & voce tantum complexa, ut  
*corpus animatum.*

Quando simplex dictio rem simpli-  
cem significat, vocatur vox re & voce  
simplex, ut *homo*. Re & voce complexa  
est, cum plures voces ad multas res sig-  
nificandas destinantur, ut, *Labor omnia  
vincit*

vincit: Index animi sermo.

Est, que vel  $\left\{ \begin{array}{l} \text{Distans.} \\ \text{Indistans.} \end{array} \right.$

Distans est cujus extrema copulâ  
verbali vel conjunctionali uniuntur, ut  
*Homo est Animal.*

Indistans est cujus extrema compo-  
nuntur, ut determinatum & determi-  
nabile; ut, *Homo iustus.*

**Nota.**

Ex omnibus complexis, complexum  
voce tantum in Prædicamentis repo-  
nitur: ex omnibus incomplexis, in-  
complexum voce tantum excluditur.

*Quadruplex divi-  
sio rerum.*

Res om- nes sunt vel	$\left\{ \begin{array}{l} \text{Substan-} \\ \text{tiz,} \\ \text{Acciden-} \\ \text{tia.} \end{array} \right.$	$\left\{ \begin{array}{l} \text{utraq; vel} \\ \text{utraq; vel} \end{array} \right.$	Universal- lia.
			Particula- ria.

1 Universales substantiæ dicuntur  
de subiecto, sed non sunt in subiecto,  
ut *homo de Socrate & Platone dicitur,*  
*sed nulli subiecto inhaeret.*

2 Particularis substantia, nec dicitur  
de subiecto, nec est in subiecto, quia est  
individualis substantia, ut *Socrates.*

3 Universalia accidentia dicuntur  
de, & sunt in subiecto, ut *albedo de hac*  
*& illa albedine dicitur, & homini, pa-*  
*rieti, aut navi inest.*

4 Particulare accidens, de subiecto  
nullo

nullo dicitur, sed in aliquo est : ut *hec albedo in Socrate*.

Illud verò in subiecto esse dicitur, *Inesse in* quod cùm in aliquo non quasi pars sit, *subiecto.* non tamen potest esse sine eo, cui inest.

In qua definitione tres ordine continentur inessendi conditiones. *Tres inessendi con-* Prima est, ut in aliquo insit, id est, ut in *ditiones.* *hæc* sit in subiecto, & non ratione intentionis, ut *res est in fine*, qui intenditur; nec ratione gubernationis, ut *rex in regno*; nec ratione locationis, ut *locatum in loco*. Secunda, ut non sit ejus pars, unde *nec genus in specie, nec species in genere* propriè *in esse* dicatur, quia illud est speciei pars materialis vicem materiæ supplens, hæc generis pars subiectiva & ipsi subordinatur. Tertia, ut non possit esse sine eo cui inest; unde *vestes & arma* propriè *corpore non insunt*, quia esse possunt corpore sublato.

Octo sunt inessendi modi his versiculis comprehensi.

*Insunt 1 Pars, 2 Totum, 3 Genus,*

*& 4 Species, 5 Calor ignis,*

*6 Rex in regno, 7 Res in fine, 8 Lo-* *Modi inessendi 8.*

*coque locatum.*

Ex his omnibus modis ille solum est intelligendus, qui est; ut *calor in igne*

igne, id est, inhæsiuè, ut accidens in  
 subjecto; reliqui omnes contra unam  
 aut alteram ex dictis inestendi condi-  
 tionibus offendunt.

*Subiectum  
 duplex.*

Præterea operæ-premium est notare  
 quod duplex est subiectum, unum  
 Prædicationis, alterum Inhæfionis.  
 Subiectum prædicationis est quod a-  
 licui universali subijcitur, sic, *homo ani-  
 mali, animal corpori, corpus substantia  
 subordinatur.* Subiectum inhæfionis  
 est, quod accidenti alicui subijcitur, ut  
 sustentaculum quo suffulcitur, sic, *al-  
 bedo est in pariete, à pariete enim su-  
 stentatur, ipsoque absumpto, consumit-  
 tur eadem albedo.*

*Nota.*

Ubicunque verò in dicta rerum di-  
 visione inveniuntur hæc verba [ *De-  
 cuntur de subiecto* ] intelligendum est  
 subiectum prædicationis: ubi autem  
 illa verba [ *Sunt in subiecto* ] subaudire  
 debemus subiectum inhæfionis.

## G A P. VI.

### *De duabus Regulis.*

*Reg. I.*

**D**Uæ sunt Regulæ, quarum prima  
 est, Quodcunque dicitur de prædi-  
 cato, idem dicatur de subiecto; ut,  
 Socra

*Socrates sit homo, & animal de homine dicatur, ut etiam de Socrate predicetur necessum est.*

Multæ sunt hujus Regulæ limitati- *Exception-*  
ones, inter quas istæ notatu dignissi- *nes.*  
mæ.

Primò, ut non sit progressus à vocibus ad res, id est, à vocibus primæ ad voces secundæ intentionis; unde non sequitur, *Animal est genus, Homo est animal, ergo, Homo est genus.* Secundo, ut non sit transitus ab uno latere seriei prædicamentalis ad aliud latus, unde non sequitur; *Homo est animal, Animal est vel rationale, vel irrationale, ergo, Homo est vel rationalis, vel irrationalis.*

Tertiò, ut non procedatur à concreto ad abstractum, unde non sequitur, *Homo est Justus, Justitia est qualitas, ergo, Homo est qualitas.*

Secunda Regula Antepredicamentalis in duas partes distrahitur. *Reg. 2.* Prima est, diversorum generum non subalternatum positorum diversæ sunt species & differentię: sic, *species & differentia Qualitatis diversa sunt à speciebus, & differentiis Substantiarum Quantitatis.* Secunda est, Generum subalternatum positorum, nihil

prohibet, easdem esse species & differentias; sic, corporea est differentia corporis constituens, qua corpori composito, animato, sensui attribuitur, quia hac omnia ipsi subordinantur.

## CAP. VII.

## De Prædicamentis in genere.

*Prædicamentum  
Quid.*

**A**bsolutis Antepædicamentis ad ipsorum prædicamentorum tractationem perveniendum est, perspectâ primò generali eorum naturâ, ut quid postea de singulis sit dicendum cognitum habeamus.

Prædicamentum est vocum res simplices exprimentium ordinata quædam series.

*Quomodo  
res, et quomodo  
voces  
in serie prædicamentorum  
reponuntur.*

Ex hac definitione constat, quòd res & voces ad seriem prædicamentalem constituendam simul conveniunt. Res enim ut sunt res apud Logicos non considerantur, sed quatenus sunt vocum fundamenta, sic corpus naturale in Substantia ponitur, & in illius serie consideratur, sed non ut ex principiis, materia scilicet aut forma constat, nec ut affectiones habet, in motu nimirum, in loco, in tempore esse, sed



sed ut est fundamentum secundæ intentionis, seu, ut est Genus quod per differentias divisivas potest dividi. Ut enim medico oculum curaturo necessarium est aliquam, licet non exquisitam oculi cognitionem habere, ita in Logico requiritur, ut tantam rerum cognitionem haberet, quanta sufficeret ad notiones secundas super easdem fundandas & stabiliendas.

Quodcunque verò in serie prædicamentali reponitur est ens reale & positivum, simplex & per se unum, universale, completum, finitum, voce distincta ac certâ significatum. *Quæ collata sunt in serie prædicamentali.*

*Hinc excluduntur.*

*Vox artis, consignificans, privatio, fictum, Quæ excludenda.*

*Pars, Deus, excedens, complexum, seu polysemon.*

*Ista Categoriarum non possunt verba locari.*

Excluditur Vox Artis, quia est notio secunda seu ens rationis, quod nobis non cogitantibus non existit, ut *Zodiacus, Genus, Prædicamentum.*

Deus, quia propter suam eminentiam sub genere non est, & differentiâ constituyente carer, ita ut magis sit supra seriem, quam in serie.

Consignificans, quod nihil certi significat, ut sunt adverbia, nomina partitiva, interrogativa, universalia, & particularia signa, ut, *omnis, aliquis, quidam, nullus*.

Privatio quia non denotat ens positivum, sed rei absentiam, ut, *tenebra*.

Fictum præcipue impossibile, quod nihil interum natura ponit.

Pars præsertim essentialis & integralis, quia non sunt entia completa.

Excedens seu transcendens, quia per omnia Prædicamenta pervagatur, ut, *Eius, aliquid, unum, bonum, verum*.

Complexum re & voce simul, quia unam rem simplicem non significat, ut *homo albus*.

Polysemon seu æquivocum ante factam distinctionem, ut, *Canis*.

*Rerum collocatio in prædicamentis.*  
 Observandum est denique, quod ex his quæ in serie prædicamentali reponuntur, quædam sunt  $\text{X}^{\text{a}}$   $\text{S}^{\text{a}}$   $\text{P}^{\text{a}}$   $\text{Q}^{\text{a}}$ , quædam  $\text{X}^{\text{a}}$   $\text{M}^{\text{a}}$   $\text{P}^{\text{a}}$   $\text{Q}^{\text{a}}$ , id est, quædam in serie directa, ut, *genera & species*, quædam collateraliter, ut, *differentia* collocantur, quædam etiam propter indivisibilitatem naturæ in serie propriè non sunt, sed veluti graduum bases & statumina substeruntur, ut Individua omnia quæ perfecte nec dividi

vidi possunt, nec defini.

Decem ab Aristotele enumerantur  
Predicamenta, seu rerum capita, nec  
datur ens aliquod finitum & comple-  
tum quod sub uno horum non com-  
prehendatur.

*Pradica-  
mentorum  
numera.*

Horum unum est substantia, Sub-  
stantia vulgò dictum, novem verò ac-  
cidentis, 1 Quantitas, 2 Qualitas, 3  
Actio, 4 Passio, 5 Relatio, 6 Ubi, 7  
Quando, 8 Situs, 9 Habitus.

*Singulorum exempla sunt hoc di-  
stincta inclusa 1 Arbor, 2 Sca, 6 Sen-  
tus, 3 Fer vore, 4 Refrigerat, 5 U-  
stus*

*7 Ruri, 8 Cras, 9 Strabo, nec id Tu-  
nusque erit.*

Ex his quædam sunt absoluta præ-  
dicamenta, quæ obinde vocantur Prin-  
cipalia, & sunt tria, Substantia, Quan-  
titas, Qualitas; cætera septem sunt  
minùs Principalia, quia notant respec-  
tum aliquem inter duas res, ut Re-  
latio quæ connotat respectum inter  
relatum & correlatum; Actio & Pas-  
sio, quæ resultant ex unione alienius  
qualitatis cum substantia; Ubi &  
Quando, quæ oriuntur ex Substantia  
considerata cum circumstantiis Loci  
& Temporis, Situs qui fit ex respectu

*Diviso.*

partium ad totum, Habitus, qui procedit ex applicatione integumenti ad corpus.

## CAP. VIII.

*De Substantia.*

*Substantia  
definitio.*

**I**Nter Prædicamenta primas semper obtinuit Substantia, quod omnium accidentium est fundamentum.

Substantia verò definitur ens per se subsistens accidentibus subjectum : ut *homo*, quia nulla re nusus, albedinis, virtutis, & id genus aliorum accidentium est fundamentum.

*Ejus divi-  
sio.*

Substantia est duplex : Prima, vel Secunda.

*Substantia  
prima.*

Substantia prima, quæ maximè & propriè substantia dicitur est quæ nec est in subjecto, nec dicitur de subjecto : non est in subjecto, quia est substantia, nec dicitur de subjecto, quia est individuum, ut, *Socrates, hac arbor.*

*Cur ita di-  
sta.*

Individua enim primæ substantiæ dicuntur duplici de causa : primò, quia substant reliquis omnibus rebus, sive sint accidentia quæ eis inhzrent, sive secundæ substantiæ, quæ de ipsis prædicantur, & in ipsis existunt : secundo, quia

quia singularia primò feriunt sensus, priùs enim *Socratem* videmus quàm *hominem*, primariò enim & per se Individua agunt & sentiuntur.

Secundæ Substantiæ sunt prima- *Substantia*  
rum genera & species: ut, *Homo, Corpus, secunda.*

*Animal*: & ideò vocantur Secundæ, quia secundo loco vi intelligentiæ no- *Quare sic*  
stræ ex primis colliguntur: videndo *appellata.*  
enim *Socratem, Platonem*, & alios particulares homines, quid homo illorum species sit, statim colligimus.

Inter secundas verò eæ magis sub- *Nota,*  
stantiæ dicuntur, quæ primis sunt viciniore, ut Species suis generibus,

Proprietates ejus sex sunt.

Substantia non est in subiecto, nimirum inhesionis, sic enim duo corpora essent in eodem loco. Melius nullo modo hæc proprietas exprimi potest, quàm supponendo hominem per fores clausas & non cedentes penetrare potuisse, quod si fieret duo corpora in ipso transitu eodem loco comprehenderentur.

1  
*Proprietat.*

Secundæ Substantiæ, & earum differentiæ univocè de primis prædicantur. *Univocè verò prædicari* est attribui primis, & secundum non è, & nominis rationem; sic, *Animal, & quod*

2  
*Proprietat.*

animal constituit sensile, de Socrate  
 predicatur, & secundum nomen, quia  
 Socrates est animal, & nominis ra-  
 tionem, quia Socrates est corpus ani-  
 matum sensibile, quia est animalis desig-  
 natio.

3 *Proprietates.* Omnis Substantia videtur significa-  
 re hoc aliquid. Hoc singularitatem, a-  
 liquid substantiam significat, ita ut  
 sensus sit, Omnis Substantia singula-  
 rem & substantialem essentiam desig-  
 nare videtur; quod quidem revera  
 cernitur in primis Substantiis. Nam  
 Socrates singularem Substantiam deno-  
 tat, & solum videtur esse in secundis,  
 quatenus nimirum de primis prædi-  
 cantur: ut, quando dico, Socrates est ho-  
 mo: Homo quodammodo Socratem, &  
 ita singularem substantiam significare  
 videtur.

4. 5 *Proprietates.* Substantiæ nihil est contrarium.  
 Non recipit magis aut minus. Utræque  
 hæ proprietates sunt intelligendæ de  
 substantia quoad ejus essentiam, &  
 non secundum qualitates ipsi inhæ-  
 rentes. Ignis enim aqua contrariatur:  
 & hac aqua illa magis minusve cali-  
 da dicatur: sed hoc accidit propter ca-  
 lorem & frigus in subjectis, & non  
 ratione ipsorum subjectorum, qua  
 nunquam

I.

te

na

a-

ni-

fo

ca-

a-

ut

la-

g-

ra

am

oo-

is,

di-

bo-

o

ave

m.

eq;

de

&

z-

ur:

li-

ca-

on

na

am

## \* Substantiæ series prædicamentalis.

	Substantia.	Intelligentia cuius ordo est,	1 Seraphin. 2 Cherubin. 3 Thronus. 4 Potestas. 5 Dominatio. 6 Virtus. 7 Principatus. 8 Archangelus. 9 Angelus.
Corporea,	Incorporea seu spiritus, cujus duæ sunt species,	{	1 Vegetativa. 2 Sensitiva. 3 Rationalis.
	Corpus.		1 Cælum empyreum. 2 Primum mobile. 3 Cælum ChrySTALLINUM. 4 Firmamentum. 5 Cælum Saturni. 6 Jovis. 7 Martis. 8 Solis. 9 Vene- ris. 10 Mercurii. 11 Lunæ.
Corruptibile.	Incorruptibile, five orbes cœlestes	{	Elementum, { Ignis, Aëris, { Aquæ, Terræ. { Lapis, ut Marmor. { Mineralia, { Metalla, ut Aurum. { Medium, ut Sulphur.
Animatum,	Inanimatum quod est vel ———		1 Arbor, ut Cerasus, Laurus. 2 Frutex, ut Myrtica, Arundo. 3 Herba, ut Nasturtius, Beta. 4 Volatilis, ut Avis.
Sensibile,	Insensibile seu planta, cuius tres sunt species,	{	5 Gradiens, ut Equus, Leo. 6 Aquatilis, ut Hæc. 7 Reptilis, ut Vipera.
	Animal, Rationale, Irrationale, ut Bestia, quæ est vel Homo,		

Substantia  
Series

Cassianus

Socrates

Plato

Cato



*nunquam sibi in vicem contrariantur.*

Substantia una & eadem numero 6.  
 permanens est contrariorum suscep- proprietas.  
 tibilis, id est, Quamvis Substantia ni-  
 hil habet sibi contrarium, in se tamen  
 successivè, in gradibus intensis, aut si-  
 mul in remissis, eadem recipere potest,  
 quatenus est eorum fundamentum, sic,  
*eadem aqua qua nunc valde calida*  
*est, statim erit frigida.* Exceptio.  
 Excipiendæ verò sunt illæ substantiæ, quæ unam  
 qualitatem naturaliter impressam ha-  
 bent: ut, *ignis cum naturaliter sit ca-*  
*lidus, nunquam frigidus esse potest.*

Sequitur ejus Series.

**\* SUB-**

Nulla datur substantia completa, quæ non in hac serie continetur: Incompletæ verò substantiæ cujuscumque sunt partes omnes, ut. *Manus, Pes, Caput, Ramus*, non directè sed reductivè hic collocantur, quatenus scilicet ad suum totum reduci possunt: ut, *Pes ad animal gradivum, & Ramus ad arborem vegetantem*.

## CAP. IX.

## De Quantitate.

Quantitas  
sive definitio

**Q**uantitas est secundum quam aliquid quantum aut quotum dicitur. Res enim omnes ob magnitudinem quantæ, ob multitudinem quotæ dicuntur: Sic, ob superficiem campus amplissimus, ob numerum ingentem exercitus copiosus appellatur.

Prima di-  
visio.

Aliàs etiam definitur Quantitas, Accidens quod substantiæ communicat, ut in partes dividi possit. Quum verò partes sunt duplices, discretæ, vel continuæ, hinc nascitur prima Quantitatis divisio in Continuum & Discretam.

Quantitas continua est cujus partes communi termino copulantur. Terminus verò communis est, qui duo con-

connectit, quorum unius extremum est, initiumque alterius.

Quinque sunt species quantitatibus continuae,  
 1 Linea.  
 2 Superficies.  
 3 Corpus.  
 4 Tempus.  
 5 Locus.

Quantitas continua quinque species.

Cujus partes } Puncto  
 } Linea  
 } Superficie  
 } Nunc } tanquam termino communis copulantur.

Linea est Longitudo, latitudinis expers, cujus extrema sunt duo puncta. *Linea.*

Superficies est quæ longitudinem & latitudinem tantum habet, cujus extrema sunt lineæ. Utræque hæ species more Mathematicorum sunt intelligendæ, non de lineis pictis, seu verè existentibus, animi tantum non corporis oculis conspicuis. *Superficies.*

Corpus longitudinem, latitudinem, & profunditatem habet, ejusque extrema sunt superficies. *Corpus.*

Locus est superficies concava corporis ambientis: sic, *turris locus est aer, piscis locus est aqua,* *Locus.*

Tempus est spacium ex solis cœlique, hoc est, astrorum vertigine collectum: sic, *die est spatium illud in quo Sol ab Oriente in occidentem rapitur.* *Tempus.*

Discreta

*Discreta  
quantita-  
tis species.*

Discreta quantitas est, cujus partes sepe-  
ratæ sunt & disjunctæ, nulloque  
communi termino copulantur. Ejus  
duæ sunt species, Numerus, Oratio.

*Numerus.*

Numerus est unitatum multitudo,  
sic, *quatuor est multitudo quatuor uni-  
tatum*, quæ nulla connexionē uniun-  
tur.

*Oratio.*

Oratio est mensura literarum & syl-  
labarum, secundum longitudinem, &  
brevitatem; Est quantitas, quia men-  
suratur; & discreta, quia literæ & syl-  
labæ distincte pronunciantur, ut, ho-mi-ni,  
A-ni-mal.

*Secunda  
divisio  
Quantita-  
tis.*

Hæ duæ quan- titatis species rursus, subdivi- duntur in Quan- titatem	<table border="0"> <tr> <td>Haben- tem,</td> <td rowspan="3">} Partium positio- nem.</td> </tr> <tr> <td>Non</td> </tr> <tr> <td>haben- tem,</td> </tr> </table>	Haben- tem,	} Partium positio- nem.	Non	haben- tem,
Haben- tem,	} Partium positio- nem.				
Non					
haben- tem,					

*Quæ requi-  
runtur ad  
partium  
positionem.*

Tria verò requiruntur ut quantitas  
habeat partium positionem; primò ut  
partes termino communi copulentur,  
unde Numerus, & Oratio excludun-  
tur quia sunt discreta quantitates; se-  
cundò ut sint alicubi sitæ, ita ut digito  
demonstrari possunt; tertio ut simul  
sint ac permaneant; Per utrasque con-  
ditiones oratio, & tempus amittuntur,  
quòd propter perpetuum suum fluxum,  
nec situm habeant, nec permanentiam;

Restat

Restat igitur quòd quatuor sint species quantitatis partium positionem habentis; 1 Linea, 2 Superficies; 3 Corpus, 4 Locus; tres non habentes, 1 Numerus, 2 Oratio, 3 Tempus.

Qualitates aliquando quantitatis nomen sortiuntur; ut, *Platonem magnum Philosophum, Archimedem magnum Mathematicum* vocamus, sed quantitates quas prius nominavimus sunt per se, hæ solùm ex accidenti.

*Nota.*

Tres sunt proprietates Quantitatis.

1 Nihil est quantitati contrarium. Contrarietas enim est solarum qualitatum pugna.

2 Non recipit magis & minus; ita *Gygæ licet sit Pygmao major ratione corporis, non tamen est magis Quantitas, quam Pygmaus; aquæ enim extenduntur, licet æqualem extensionem non habent.*

3 Iste dux proprietates Substantiæ cum Quantitate sunt communes; Maxime verò Quantitati proprium est, ut exinde res dicantur, æquales aut inæquales; sic, *corpus bicubitum est tricubito inæquale, alteri verò bicubito æquale.*

## Series Quantitatis.

Quantitas est vel	Continua, estque vel	Imperfecta, quæ est vel	Perfecta; ut, corpus quod trinas dimensiones habet.
			Longitudo tantum; ut, linea.
			Latitudo tantum; ut, superficies.
		Discreta, cujus duæ sunt species	
		Numerus. Oratio.	

Ad hanc seriem analogicè reduci possunt extensiones graduales; ut, calor calore major vel minor dicitur, & extensiones gravitatis, seu ponderositatis, quæ quidem magis intentiones, quàm extensiones reverà dici debent.

## CAP. X.

## De Qualitate.

Qualitatis definitio.

Qualitas est forma accidentalis, à qua subjectum denominatur Qualis sic, à gravitate lapis gravis, à velocitate equus velox appellatur.

Ejus divisio.

Qualitatis quatuor sunt species; Habitus, Potentia naturalis, Qualitas patibilis, Forma. Sed quia quælibet ista-

istarum specierum latitudinem habet, quatuor quasi gradus his speciebus adduntur, **Habitui dispositio, Potentia, Impotentia, Qualitati paribili Passio, Formæ Figura.**

**Habitus** est qualitas perfecta & consummata, multis actionibus acquisita, *Habitus* vel divinitus infusa, quæ ita inhaeret subjecto, ut propter firmitatem, & constantiam, non facile permutetur contrario; ut vera & acquisita dicendi scientia in Cicerone, aut pugnandi in Alexandro.

**Habitus** primò dividitur ratione subjecti in **Habitus corporis**, cujus modi est *sanitas firma in corpore absolute salubri, saltandi etiam & nandi experientia*, & in **habitus animi**, cujus generis sunt *virtutes, & disciplina omnes*.

Secundò ratione ad perfectionis, **habitus & præsertim animi dividitur**

**Infusum.**  
**Acquisitum.**

*Divisio secunda.*

**Infusus** est, qui singulari spiritus sancti gratiâ infunditur in hominum mentes, vel extraordinariè: ut, *doctrina in Apostolis, vel ordinariè ut fides in electis.*

**Acquisitus** est qui crebris actionibus

bus acquiritur, ut, dicendi & differendi potentia; & licet Spiritus Sancti gratia ad istam etiam requiritur, non tamen ea peculiari modo quo ad infusum.

**Dispositio.** Dispositio seu affectio est qualitas fluxa & transiens, quæ quia nondum penitus fideliterque est infixæ, excuti non ægrè potest; sic, cum quis præ rudi Minerva literas aut syllabas depingere potest, est in inclinatione ad scribendum, quum verò artificioso easdem queat exarare, habitum acquisivit; unde habitus ætati virili, dispositio juvenili comparatur, quod ille est dispositio perfecta, hæc habitus inchoatus.

**Potentia naturalis.**

**Quomodo differt à dispositione.**

Potentia naturalis est qualitas naturaliter subiectis infusa, quæ habilitatem conciliat, ut ad præstandas certas actiones, aut acquirendos habitus magis idonea habeamur; ut, bona valetudo, memoria tenax, ingenium acutum. Et licet hæc potentia ad habitum requiritur tanquam prævia quædam dispositio, & naturalis inclinatio; à dispositione tamen differt, quod potentia est quid infusum, & vi naturæ generatur; Dispositio est quid adventitium & per aliquos actus acquiritur.

Potentia



**Cap. X. De Prædicamentis.**

**41**

Potentia duobus modis  $\left\{ \begin{array}{l} \text{Activam.} \\ \text{Passivam.} \end{array} \right.$  *Divisio po-*  
dividitur. Primò in *tentia.*

Activa est, quâ sumus ad agendum *Activa.*  
potentes; sic, ignis potentiam activam  
habet ad urendum, cultrum ad secan-  
dum.

Passiva est, quâ res aptæ sunt ad a- *Passiva.*  
liquid patiendum; sic, molle potentiam  
habet ut secetur. Utræque hæc potentia  
actu perficiuntur bifariam, vel scilicet  
cum in opus exeunt; ut, quando ignis  
urit, vel cum in habitum vertuntur; ut,  
quando puer discit literas.

Secundò potentia  $\left\{ \begin{array}{l} \text{Primam.} \\ \text{Secundam.} \end{array} \right.$  *Secunda*  
dividitur in *divisio.*

Prima est quæ proximè emanat è *Prima.*  
forma subiecti; ut, potentia loquendi in  
homine; sentiendi in brutis, illa ab ani-  
ma rationali, hæc à sensitiva fluit.

Secunda est dispositio organi & *Secunda.*  
temperamenti, per quam potentia illa  
prima in actum producitur, atque hæc  
omnibus non æqualiter communica-  
tur, sicut illa prima; Luscus enim prop-  
ter organi debilitatem non tam clarè  
videt, quàm qui magna acie est prædi-  
tus, licet uterque primam potentiam  
æqualiter sortitur.

Impotentia est imbecillitas facul- *Impotentia*  
tatum naturalium in substantiis, sive  
animatarum.

animatae sunt, five inanimatae; ut, *Sterilitas in agro, stupiditas in homine.*

*Qualitas  
patibilis.*

Qualitas patibilis est quæ infer passionem sensui; ita, *tactus frigore & calore, molli & duro afficitur, visus coloribus, auditus sonis, sapor gustu, odore olfactu.*

Passio est subita animi commotio, ex qua oritur color sensum afficiens, *rubor quo vultus ex verecundia suffunditur*: Differt à patibili qualitate, quia non est stabilis & permanens; ut, *candor in pariete*; sed qualitas citò amota, ut, *pavor ex metu.*

*Figura.*

Figura est terminatio quantitatis, quæ termino aut terminis clauditur, ut, *Circulus, Triangulus, Quadratum.*

*Forma.*

Forma est constitutio membrorum, & partium in ipsa figura, sub sensum videndi cadens; membrorum quidem in animalibus, ut, *in homine, aut leone*, partium in reliquis corporibus; ut, *forma Pyramidis, aut Amphitheatris.*

*Vel ut alii planius definiunt, Forma est coloris totius corporis in primis verò faciei suavitas. Figura est lineamentorum, seu partium corporis optimus situs; sic, Aethiops bene figuratus esse potest, sed non valde formosus, Anglus etiam formosus satus, sed male figuratus.*

Pro-





Proprietates ejus sunt tres.

1 Sola qualitas propriè & per se contrarietatem recipit; sic, *calidum frigidum, album nigro contrariatur.*

2 Qualia magis & minùs recipiunt, id est, Qualitates in subje ctum suum, non in instanti, sed paulatim & per gradus ingrediuntur; ut, *aqua primò teporem, inde calorem, ultimò fervorem recipit;* unde non ipsa qualitas, sed potius qualitatis receptio dicitur esse secundum magis & minùs.

Utræque hæ proprietates soli, sed non omni qualitari conveniunt, Potentiæ enim naturales, & Figura, nec contrarietatem, nec gradus recipiunt. Patibiles qualitates etiam contrariantur, sed non omnes: mediis enim coloribus nihil reperitur contrarium.

3 A qualitate res dicuntur similes aut dissimiles, sicut à quantitate æquales aut inæquales: sic, *qui eodem calore imbuti sunt, similes, qui diverso, dissimiles appellantur.*

## CAP. XI.

## De Relatione.

*Relatorum  
divisio.*

**R**elata sunt du-  
plicia.

Propria, seu secun-  
dum Esse.

Impropria, seu se-  
cundum Dici.

*Relata se-  
cundum  
Dici.*

Relata secundum dici sunt, quae se invicem modo quopiam sunt affe-  
cta, quorum uno existente, non neces-  
se est alterum sequi: sic, scientia  
scibile refertur; scibilia enim multa  
primordio mundi existerunt, prout  
creabatur homo qui ipsa sciret.

*Relata se-  
cundum  
Esse.*

Relata secundum Esse sunt, quorum  
totum esse in respectu consistit,  
quorum uno existente & cognito, al-  
terum necessario existit, & cognoscitur:  
sic, pater sine filio, ut pater, non  
existit, nec cognoscitur.

*Quomodo  
inter se  
differunt.*

Duobus modis relata secundum  
Dici differunt à Relatis secundum  
Esse, primò quòd illa habent essentiam  
aliquam absolutam in alio prædicamento,  
sic, scientia est in qualitate  
& in Actione, licet illa ad scibile, haec  
ad scibile referatur; hæc verò totum  
suum esse in relatione habent; Pater  
enim nihil est, nisi ad filium referatur.

ratu

tur: secundò relato secundùm Dici cognito, non necessariò cognoscitur ejus correlatum. *Sensibilia enim multa sunt in terra visceribus, quæ sensum ad quem referuntur non ferunt; existente verò & cognito uno relato secundùm Esse, necessariò cognoscitur ejus correlatum: Neminem enim Patrem, neminem Dominum vocamus, nisi quem servos, aut filios habere certò scimus.*

Ad relationem tria præcipuè requiruntur. 1. Fundamentum, cui relatio innititur. 2. Terminus duplex, Relatum, & Correlatum. 3. Relatio seu respectus quidam inter illos terminos: Sic, homo est fundamentum, pater & filius sunt duo termini relativi; paternitas, & filiatio sunt relationes inter eos terminos.

*Quæ requiruntur ad relationem.*

Proprietates relatorum sunt quatuor.

1 Relata dicuntur ad convertentiam, id est, Cuilibet relatio suum correlatum ita respondet, ut unum possit dici alterius: ut, *Scientia est scibile scientia, & scibile est scientiâ scibile: pater est filius pater, & filius est patri filius.*

2 Relata recipiunt magis & minùs.

3 Re-

3 Relata recipiunt contraria. Si  
*virtus, qua ad studiosum refertur, vi-*  
*tio contrariatur, & amicitia Pyladi*  
*& Orestis minor fuit, quàm Johannis*  
*& Petri Apostolorum.* Sed istæ duæ  
 proprietates novissimè nominatæ, ne-  
 que omnibus relatis competunt; nihil  
 enim contrariatur duplo & dimidio  
 nec solis, quia conveniunt etiam Qua-  
 litati; nec relatis ut sunt relata, sed ut  
 qualitate fundantur. Sic enim scien-  
 tia ignorantia contrariatur, ut est habi-  
 tus, sed non ut ad scibile refertur.

4 Relata simul sunt naturâ. Simul  
 verò naturâ discuntur, quæ posita se  
 ponunt, & perempta se perimunt invi-  
 cem, & quorum alterum non est alte-  
 rius causa, sic, posito patre ponitur filius,  
 nec pater ut pater est filii causa, sed ut  
 homo.

Prima proprietas utrisque relatis  
 convenit; secunda, & tertia solùm re-  
 latis secundùm dici; quarta solùm re-  
 latis secundùm esse.



Series Relationis.

¶ Dicitur quæ proprie ad hoc prædicamentum non spectant.

Relata sunt vel secundum

Esse, quæ dividuntur vel

Secundum  
fundamen-  
tum, & ita  
quædã fun-  
dantur vel  
in

Quantitate, ut,  
aqualis & ina-  
quale.

Qualitate, ut,  
simile & Dis-  
simile.

Substantiâ, ut,  
Pater & Fi-  
lius.

Æquiparantiæ  
quorû termini  
sunt ejusdem  
dignitatis; ut,  
simile, aqualis.

Secundum  
terminos,  
& sic sunt  
vel relata

Disquiparantiæ  
quorum unum  
alterum superat,  
ut, Pater & Fi-  
lius, Dominus,  
& Servus.

CAP. XII.

De Actione & Passione.

Actio est vis agentis in passum, se-  
cundum quam in id, quod subji-  
citur

citer agere dicatur, ut *calefactio*, *frige-*  
*factio*.

**Qua ad a-**  
**ctionem re-**  
**quiruntur.**

Quatuor ad omnem actionem re-  
quiruntur. Primo agens, ut *ignis*: se-  
cundo qualitas, secundum quam agit,  
ut *calor*: tertio patiens, ut *aqua*: quarto  
actionis receptio, ut *ingressus calorem in*  
*aquam*.

**Actio du-**  
**plex.**

Transiens, quae immu-  
tationem extrinsecus ad-  
fert, & est proprie hujus  
considerationis; ut *cum*  
*ignis aquam calefacit*.

Immanens, quae in eo-  
dem subjecto, quo excita-  
ta est terminatur, ut *volu-*  
*ntas, intellectus, sensus*.

Proprietates ejus sunt tres.

- 1 Actio omnis passionem infert.
- 2 Actio recipit magis & minus.
- 3 Actio recipit contraria.

Sed hae duae posteriores proprietates  
actioni per se non insunt, sed per  
propter Qualitates; *Calefactio enim*  
*& frige factio contrariantur, quia calor*  
*& frigus sunt contrariae qualitates, &*  
*aliud alio magis minusque calefacit,*  
*prout magis minusve calet.*

Actio dividitur vel ratione

fieri

Est duplex vel

fert  
duc  
cepr  
nen

I  
dum

# Cap. XII. De Prædicamentis.

42

## Series Actionis.

Actio dicitur vel ratione

Modi secundum quem agit, & ita est vel

Immanens.

Transiens.

Naturalis, & hujus tot sunt species, quot sunt potentia- rum naturalium.

Series Actio- nis.

Volun- taria

Corporis, ut saltatio, natatio, &c.

Intellectus. Animi, quæ est vel

Voluntas.

Passio est actionis receptio, ut cale. Passio.

fieri, frigesceri.

Transmutativa, cum re alia qua mutatio fit in patiente; ut cum aqua calefit; hæc transeunti actioni respondet.

Est duplex vel

Intentionalis cum nulla fiat evidens mutatio, ut visio; hæc immanens.

Passionis divisio.

Hæc passio ab illa in qualitate differt, quia hæc receptio & introductio Qualitatis, illa est qualitas recepta & introducta, licet non permanens.

Quomodo a passione in Qualitate differt.

In utroque prædicamento notandum, quod quædam vocabula, & figuræ

*Nota.*

vocis, & terminatione, vim habent actionem aut passionem significandi; ut, *docere* & *doceri*, *scribere* & *scribi*; quædam terminatione sunt activa, & significatione passiva, ut *timere*, *intelligere*, *videre*, & *omnia verba sensus*; quædam denique sunt terminatione passiva, & significatione activa, ut *insidiari*, *proficisci*.

1.2.3.

Proprietates ejus tres sunt.  
Passio præsupponit actionem. Recipit contraria. Intenditur & remittitur.

Series passionis.

Series passionis.	Passio est	{	Natura	{	Animi,	{	Intellectus.
			lis.				Voluntatis.
			Volun-				
			taria.				Corporis.

C A P. XIII.

*De quatuor ultimis predicamentis.*

*Ubi.*

**U**bi est loci notatio, rei, personæ, aut facti accommodata. Ut, *in foro esse*.

*Quando.*

**Q**uando est temporis notatio, rei, personæ, aut facti accommodata, ut *nudiſterrius*.

*Quomodo hic sumuntur.*

**U**bi & **Q**uando nec interrogative hic

# Cap. XIII. De Prædicamentis.

51

hic sumuntur, ut, quando rediit herus? ubi illic scelus qui me perdidit? nec indefinite, ut, quando venit plenitudo temporis. Deus misit filium suum, sed relative. Quando enim idem significat quod Aliquando, vel esse in tempore, & indicat affectionem rei, quæ est, fuit, vel erit in tempore: & ubi ponitur pro Alicubi esse, seu esse in loco, habitudinem notans rei locatæ ad locum, quo circumscribitur, & in quo continetur.

Situs est rei ejusque partium positio; *Situs* ut *Sessio*, *Statio*.

Habitus est integumentum ad corpus *Habitus* applicatio, ut *togatum esse*, *orneatum esse*.

Proprietates singulorum tres sunt.

- 1 Non intenduntur & remittuntur
- 2 Non habent contraria.
- 3 Rebus competunt, præsertim corporeis.

Series quatuor prædicamentorum minus principalium.

Ubi est vel  
Natu-  
rale,  
Fortui-  
tum,

Utrum-  
que vel

Comune, ut  
in fora esse.

Propriū quā-  
do aliquid in  
proprio loco  
continetur.

Series Ubi.

C 3

Præ-

Series  
Quando.

Præteritum, ut  
in præterito } Saeculo,  
Quando } Futurum, ut } Mense,  
in futuro } vel Anno  
Præsens, ut } Sæpe.  
in præsens }

Series Si-  
tus.

Animatorum, ut, ca-  
pitis vel pedis sursum  
Natus } & deorsum.  
inanimatorum, ut hoc  
vel illo modo situm suum  
habeant.  
Voluntarius vel fortuitus, ut pro  
libito sedeamus, stemus, accu-  
bamur.

Series Ha-  
bitus.

Naturalis in bruto, ut, cal-  
car in gallo, promusci in Ele-  
phante.  
Habitus est } Voluntarius } Indumenti.  
in homine, est } Ornamenti.  
que rursus vel } Poenæ.

### C A P. XIIII.

De oppositione, & ante oppositionem pri-  
mo de Idemitate & Diversitate.

Tertia pars tractationis de Catego-  
ris sequitur, quæ agit de distinctio-  
ne

# Cap. XIV. De Prædicamentis.

ne quorundam vocabulorum, quæ ad pleniorẽ prædicamentorum cognitionem conducunt à Posteriori, & obinde appellantur Postprædicamenta.

Postprædicamentum verò definitur Supplementum quoddam traditum immediate post prædicamenta, valens ad eorum cognitionem à posteriori.

*Postprædicamentum quid.*

Quinq; sunt Postprædicamenta

- 1 Oppositio,
- 2 Modi priorum,
- 3 Modi simul,
- 4 Motus,
- 5 Modi habendi,

*Quot sunt.*

Quæ omnia his versiculis comprehenduntur.

*1 Op. 2 pri. 3 mo. 4 simul. 5 ha.  
tot sunt postprædicamenta.*

Primum igitur postprædicamentum est Oppositio, sed quia ex rerum convenientiâ melius cognoscetur earum oppositio, pauca præmittemus de rerum identitate & diversitate, postea ad oppositionem descendemus.

Quæcunq; sunt in prædicamentis vel

}	Conveniunt,	}	Genere.
	& sunt idem,		Specie.
	aut		Numero.
	Diff. runt, &		Diversæ.
	sunt res, vel		Oppositæ

Conveniunt quibus aliquid est commune.

**Qua con-  
veniunt  
genere.**

Ea Genere conveniunt quæ eidem generi, vel proximo vel remoto sub-  
jiciuntur: sic, *homo & brutum in ani-  
mali ut in proximo, in substantia ut in  
remoto genere conveniunt.*

**Species.**

Conveniunt specie quæ sunt ejus-  
dem speciei individua: ut, *Socrates &  
Plato.*

**Numero seu  
individuo  
conveniunt,  
quæ eandem  
rem singula-  
rem design-  
nant, five  
sint**

- 1 Plura nomina ejus-  
dem rei: ut, *gladius  
& ensis.*
- 2 Definitum & defini-  
tio, ut, *hic homo, hoc  
animal rationale.*
- 3 Proprium & ejus sub-  
jectum, ut, *Socrates,  
& hoc risibile.*
- 4 Accidens & subje-  
ctum: ut, *Rex & hic  
purpuratus.*

**Regula:**

Quæcunque individuo conveniunt,  
etiam specie, & quæ specie genere con-  
veniunt, non contrà. Sic *Socrates &  
Sophronisci filius in individuo conveni-  
unt, scilicet in uno particulari homine,  
& proinde in homine, proinde in ani-  
mali conveniunt; homo autem & bru-  
tum in genere conveniunt, sed nec in  
una specie, nec in uno individuo.*

Diversæ res dicuntur quæ inter se  
differunt,



differunt, sine omni pugna, ut *aurum* & *lapis*.

Tripliciter vero res dicuntur diverse { Realiter, Res quæ  
{ Formaliter, modis di-  
{ Modaliter. cantur di-

Realiter dicuntur differre, quæ se habent ut res sepe ratæ, & à se invicem sejunctæ, ut *homo* & *arbor*. versa,

Hæc autem realis distinctio est { Interna, per internos terminos Realis di-  
{ Externa, per externos. stinctio

Interna distinctio rursus est { Subordinata quæ fit per  
{ quæ fit per terminos Generica,  
{ subordinatos Specifica,  
{ estque vel Numerica;  
{ Coordinata quæ fit per terminos coordinatos. Interna.

Generica distinctio est eorum quæ differunt genere vel proximo, vel remoto, ut *homo*, & *virtus*. Generica.

Specifica est eorum quæ ex uno genere orta per essentielles differentias separantur, vel quæ sub specibus disparatis ponuntur, ut Individua diversa, sic, *homo* à *bruto*, *Bucephalus* ab *Alexandro* separatur. Specifica.

Individualis distinctio, est separatio duorum, aut plurium individuorum sub una specie positorum, quæ nume-

no differre dicuntur; ut, *Petrus, & Paulus, hac & illa arbo.*

**Coordinata** Coordinata distinctio est quando res per suas causas, siue proximas, siue remotas, vel subjectum per sua accidentia, vel accidentia per subjecta distinguuntur, ut *logus & balare subjecto, risus & fletus causa efficiente differunt.*

**Externa.** Externa differentia fit, quando res per objecta, adjuncta, circumstantias loci aut temporis distinguuntur; ut, *si unus ab altero per vestes, arma, aut loci distantiam separatur.*

**Modalis distinctio.** Modalis distinctio est, cum duo eorum modis distinguuntur, ut *Essentia, & Existentia;* quarum hæc singularium est, illa universalium; sic etiam qualitarum gradus distinguuntur, ut, *calor in primo gradu à calore in secundo modaliter differt.*

**Formalis distinctio.** Formaliter dicuntur differre, quorum unum sub alterius definitione sumitur; sic omnia quæ sibi invicem subordinantur inter se differunt, ut, *homo & animal, animal & animatum.* His prælibatis ad oppositionem redeo.

**Oppositio.** Oppositio est duorum simplicium terminorum repugnantia, ita ut nec unus alteri, nec uterque tertio possit secundum idem, eodémque modo & tempore

pote convenire: idem enim, eodemque respectu, simul pater non est, & filius.

Dicuntur autem opposita } R. lativè, Privativè, Opposita  
tem opposita } Contrariè, Contradi- quadrupli-  
quadrisariam } ctoriè. cia.

Relative opposita sunt quorum unū consistit ratione alterius, ut, Pater & Filius. Hæc ex iis quæ superius in Relatione dicta sunt planius elucescunt.

Contraria sunt quæ sub eodem genere posita maximè à se invicem distant, & eidem susceptibili vicissim insunt, à quo se mutuo expellunt, nisi alterum eorum insit à natura.

Ad contraria igitur tria requiruntur, Quæ requi-  
primò ut sint sub eodem genere, scilicet runtur ad  
Qualitatis: nam solarum Qualitatum contraria, est contrarietas; secundo ut maximè à se invicem distent in natura positiva, id est, ut ambo extrema sint positiva; tertio ut se invicem expellant, nisi alterum eorum insit à natura; sic, calor & frigus in aqua, in pariete albedo & nigredo contrariantur.

Contraria sunt duplicia, Mediate, Contraria  
vel Immediata. duplicia.

Mediate sunt quæ medium aliquod Mediate,  
habent: sic, inter calidum & frigidum admittitur tepidum, inter album & nigrum inter venit flavum.

Immediata

Immediata sunt quæ nullum admittunt *medium*, ut *par*, & *impar*; *sanum* & *agrum*.

**Trixplex  
medium.**

Notandum verò quod triplex est medium, Subjecti vel abnegationis, cui nullum oppositorum convenit, sic, *lapis nec pater est, nec filius, nec cæcus, nec videns*: huiusmodi medium habent relata, & privantia; vel medium proportionis inter excessum & defectum: sic, *virtus moralis dicitur in medio consistere*, vel participationis: sic, *color viridis est medium*: cuiusmodi medium intelligimus quando contraria mediata nominamus.

**Privativa.** Privativa opposita sunt privatio, & habitus; quorum hic præsentiam, illa rei absentiam denotat in subjecto capaci: sic, *cæcitas est privatio visus*.

**Ad privationem tria** Ad privationem igitur tria requiruntur: primo, ut ambo opposita habeant fieri circa idem subjectum, unde, *cæcitas non est auditus, sed visus privatio*, quia ambo habent fieri circa oculum; secundo ut fiant circa idem subjectum ordine irreversibili: sic, à *privatione ad habitum non datur regressus*, si modo privatio illa sit totalis: tertio ut tempus sit à natura determinatus; unde, *catulus ante diem decimum non dicitur cæcus*.

Privatio

Privatio verò duplex est : Totalis, *privatio;*  
vel Partialis.

Privatio totalis est privatio & actûs *Totalis*  
& potentiz, ut, *si homo nascatur cæcus.*  
Hic verò primam potentiam non in-  
telligo, quæ ab anima sentiente fuit,  
& omnibus æqualiter inest, sed secun-  
dam, quæ à recta organi dispositione  
emanat, & potest demi.

Privatio partialis seu actualis est *partialis*  
quæ actum tollit, sed non potentiam;  
ut, *in convulso aut dormiente est pri-*  
*vatio visus, sed non totalis.* Atque hæ  
duz species per regressum distinguun-  
tur; à partiali enim, sed non à totali  
privatione concedendus est regressus, *Quomodo*  
ut, *distinguun-*  
ut, *ad vitam.*

Contradictoria opposita est affir-  
matio & negatio ejusdem vocis sim-  
plicitis, ut, *homo, non homo.*

Hæc omnium est fortissima, quia *Contradi-*  
caret cùm participationis, tum abne- *ctoria.*  
gationis medio; *nihil enim datur quod*  
*partim est homo, partim non homo: aut*  
*quod neque homo est, neque non homo.*

## CAP. XV.

## De modis Priorum &amp; Simul.

Quinque  
modi prio-  
rum.

**Q**uinque modis aliud alio dicatur prius, qui omnes his versiculis comprehenduntur.

1 Tempore, 2 Natura, 3 Prius ordine,  
4 Honore.

5 Causa causato dicimus esse prius.

Tempore.

Tempore prius dicitur, quod est altero antiquius, ut, *senex puero*.

Natura.

Naturâ prius, à quo non retrò commineat consequutio, ut si unum sit non necesse est duo esse, sic genera speciebus priora sunt, & species individuis, ut, *animal homine, homo Socrate*.

Dignitate.

Dignitate prius quod altero excellentius dicitur, ut *miles armigero*.

Ordine.

Ordine prius dicitur, quod prius disponitur, ut *Exordium narratione*.

Causa.

Causâ prius est, cum consequentia valet ab uno ad alterum, & unum est alterius causa, sic, *hominem esse convertitur cum hac propositione homo est; quia enim homo revera est in rerum naturâ, idè hæc propositio verificetur, homo est*.

Tres sunt modi simul.

1 Tempore,

1. Tempore, quorum generatio est in eodem tempore, ut, Hippocrati gemellorum.

2. Naturā, quæcunque convertuntur secundum essendi consequutionem, & neutrum est causa alterius; ut, Pater & Filius, Dominus & Servus.

3. Divisione, cujusmodi sunt differentia & species idem genus condividentes; ut, rationale & irrationale, homo & brutum.

C A P. XVI.

De Motu & Modis habendi.

**M**OTUS est successiva vel instantanea mutatio substantiæ aut accidentis, in potentia ad aliam formam, sive internam, sive externam suscipiendam, cum homo generetur mutatur substantia ad animam rationalem acquirendam; cum puer de albetur externa forma inducitur.

Motus  
quid.

Ejus sex sunt species, 1 Generatio, 2 Corruptio, 3 Augmentatio, 4 Diminutio, 5 Alteratio, 6 Latio; quæ, per terminos à quibus & ad quos moventur, definiuntur.

Sex species  
motus.

Generatio est motus à Non esse, ad . 1

Esse; Generatio.

Esse, ut quando ex semine patris quod est non ens homo generatur.

2  
Corruptio. Corruptio est motus ab Esse ad Non esse, ut quando ex homine vivente, fit cadaver.

3  
Argumentatio. Argumentatio est motus à Minore, ad Majorem quantitatem; ut, cum ex parvo surculo crescit arbor.

4  
Diminutio. Diminutio est motus ex Majore ad Minorem quantitatem; ut, quando homo pinguis fit macilentus.

5  
Alteratio. Alteratio est motus ab Una qualitate ad Aliam, ut, si aqua frigida fit calida.

6  
Latio. Latio est motus ab uno loco ad alium, ut, si quis iter faciat ab Oxonio, aliòve ad Londinum.

Nota. Generatio & Corruptio versatur circa Substantiam, & fiunt in momento, Argumentatio & Diminutio circa Quantitatem. Alteratio circa Qualitatem, Latio circa Ubi, & in tempore successivo perficiuntur.

Octo habendi modi. Octo sunt habendi modi, vel scilicet 1 Qualitatem, ut Virtutem; vel 2 Quantitatem, ut Bicubitum; vel 3 Vestimentum, ut Tunicam; vel 4 Aliquid in parte, ut Annulum supra pollicem; vel 5 Partem, ut Oculum; vel 6 Aliquid in vase, ut Vinum in amphora; vel 7 Possessio.



Cap. XVI. De Postpradie.

Possessionem, ut, *Domum*, vel & Mulie-  
rem, ut, *Uxorem*; sed iste habendi mo-  
dos postremus ab Aristotele habitus  
pessimus: Hi octo modi his versiculis  
comprehenduntur.

- 1 *Affectum*, 2 *Quantum*, 3 *Vesti-*  
*sum* *dis* *velut*, 4 *Aurum*,  
5 *Membrum*, 6 *Contentum*, *Pes-*  
*sessio*, 8 *Vir* *Mulierem*.

Plures forsan Modi istis possunt ad-  
di, sed hi quos recensuimus sunt vul-  
gares & præcipui.

Hactenus vox simplex nos protra-  
xit: restat complexa proximo libro e-  
nucleanda.

LIBER



# LIBER

## SECUNDVS.

### CAP. I.

*De divisione huius Libri secundum  
partitionem vocis complexæ.*

**V**Ox complexa quæ est huius  
secundi Libri } Voce tan-  
Subiectum, in } tum.  
tres partes (ut } Re tantum.  
superius ostensum est) } Re & Voce  
dividitur in complexam, } simul.

De complexa voce tantum agemus  
in tractatu de Definitione & Divisio-  
ne. Definitio enim, ut, *animal ratio-  
nale*, & Divisio, ut, *rationale & irra-  
tionale*, licet plures sunt voces, unam  
tamen rem designant, illa hominem,  
hæc autem animal.

De voce complexa Re tantum in  
tracta.

## Cap. II. De Defin. & Divis. &c. 6

tractatione de Distinctione, & Limitatione loquemur; ubi docebimus quomodo Ambigua sunt distinguenda, aut Obscura limitanda & explianda.

De voce complexâ re & voce simul ultimo tractabimus in propositione, ubi primò ejus partes, deinde essentiali, tertio divisiones multiplices, ultimo affectiones fusiùs declarabimus.

### C A P. II.

#### De Definitione & Divisione.

**D**efinitio est definiti explicatio, seu *Definitio* evolutio; sic nomen unum per ali- *definitio-*ud explicatur; ut, *Solstitium est Solis nu-* *statio;* item res una per aliam priorem evolvitur, ut, *Homo est animal ratio-* *nale.*

Hinc elicitur duplex definitio, No- *Definitio* *duplex.* *nominalis,* aut *Realis.*

**N**ominalis est quæ vocis significa- *Nomina-* *lis.* tionem declarat, & fit duobus modis; *lis.* vel cum ignotius vocabulum notiori explicatur, ut si dicam, *Honestum est quod decet;* vel cum Etymologia, seu origo nominis ostenditur, ut, *Si homo* *definiatur.*

*definiuntur, quia ex humo factus est.*

**Realis.**

Realis definitio est, quæ rei essenti-  
am & naturam declarat, de qua hoc  
loco potissimum agitur.

**Realis du-  
plex.**

Realis hæc defini-  
tio est duplex, vel

Germana & es-  
sentialis quæ pro-  
priè Definitio di-  
citur.

Accidentalis  
quæ vulgò De-  
scriptio appella-  
tur.

**Essentialis.**

Essentialis definitio est, quæ ex ge-  
nere proximo, & differentiâ constitu-  
tivâ conflatur; ut, *Homo est animal ra-  
tionale, Animal est corpus animatum  
sensibile.*

Et quia ex genere constat, necesse est  
ut quicquid rectè definiatur sit species  
quoniam verò differentiam constituti-  
vam habet adjunctam, non potest non  
esse convertibilis cum Definito.

**Accidenta-  
lis.**

Definitio accidentalis, seu Descriptiva  
est, quæ ex proprietatibus aut acciden-  
tibus cum genere unitis conflatur; ut  
*Homo est animal bipes, loquendi po-  
tentia imbutum.*

**Regula.**

In omni definitione observandum  
ut sit brevis, perspicua, & cum definito  
convertibilis.

Cap. II. De Defin. & Divis. & c. ¶ 67

Ut per Definitionem quid sit, ita per Divisionem quosuplex res sit intelligatur.

Est autem Divisio, totius in partes Divisio resolutio, vel (ut alii definiunt) est latius patentis in membra angustiora deductio; ut, si animal dividatur in rationale & irrationale. *quid.*

Divisio a- } Perfecta, seu substan-  
lia est } tialis.  
          } Imperfecta, seu acci- *Duplex est.*  
          } dentalis.

Divisio perfecta, seu substantialis est Substanti- totius propriè dicti, & perfecti, in par-  
tes propriè dictas resolutio. *alis.*

Divisio substantialis tribus modis Tribus mo-  
fiat. Primò, quando totum universale *dis sit divi-*  
dividitur in partes subjectivas, id est, *sio substan-*  
cùm genus in species, aut species in *tialis.*  
Individua distribuitur; ut, si animal di-  
vidatur in hominem, aut brutum, aut  
homo in Socratem, Platonem, Aristot-  
elem, & reliqua individua.

Secundò, quum totum essenziale in  
partes essentielles discinditur; ut, homo  
in corpus & animam rationalem.

Tertiò, quando totum integrale in  
partes integrantes secatur, ut, si equus  
dissecatur in truncum, & artus; aut  
urbs in domos, templa, & plateas.

Ex

Ex dictis divisionibus prima maxime omnium meretur Divisionis nomen; reliquæ magis Partitiones, quam Divisiones sunt appellandæ.

Imperfecta Divisio est, cum totum per accidens in partes resolvitur.

*Accidentalis quorundam fit.*

Accidentalis divisio trifariam fiat, vel enim

Subjectum per accidentia dividitur; ut, homines aut liberi sunt, aut servi.

Accidens per subjecta; ut, bonorum aliud est animi, aliud corporis.

Accidens per accidentia; ut, bonorum aliud honestum est, aliud vile.

### C A P. III.

#### De Distinctione & Limitatione.

**V**OX complexa, re tantum est, vel Ambiguum, quod Distinctione, vel Obscurum, quod Limitatione indiget.

*Distinctio.*

Distinctio est declaratio, seu enotatio vocis ambiguae in varia sua significatio; ut, Si lupum distinguamus in hominem rapacem, quadrupedem, & piscem; aut taurum, in montem, animal, & fydus.

Distin-

Distinctio in omni rerum confide- *Regula.*  
ratione primum est adhibenda.

Distinctioni affinis est Limitatio, *Limitatio.*  
quæ est determinatio alicujus vocabu-  
li, cum multa possunt simul ipsi at-  
tribui, sic, *homini vita, sensus, & intel-*  
*lectus attribuantur*; sed limitandum  
quomodo hæc accidentia huic subje-  
cto conveniunt, non enim homo quæ  
homo vivit, sed quæ corpus animatum,  
sentit quæ animal, & quæ homo intel-  
ligit.

C A P. IV.

De partibus Propositionis.

**V**Ox complexa re & voce, quæ ex  
pluribus vocibus conflatur, vocatur  
Oratio.

Oratio est vox significans ex in- *Oratio.*  
finito, cujus partes aliquid separatim  
significant, ut, *quæ te de mentis ce-*

**P**erfecta, quæ perfectum  
sensem in animo audientis  
significat. *Duplex est.*

**I**mperfecta, quæ sensum  
imperfectum parit, ut, *homo*  
*bonum.*

Perfecta

**Perfecta oratio duplex.**

Perfecta rursus duplex est, vel n<sup>on</sup> Enuntiativa, quæ licet perfectum sensum in animo audientis gignat, non tamen verum quid aut falsum significat; & ejusmodi sunt omnes orationes deprecatoria, optativa, admirativa, & imperativa, ut, *Vive memor quamvis vis brevis.* Quid faciam Roma? vel Enuntiativa, quæ à Logicis enuntiatio, seu Propositio dicitur.

**Enuntiatio**

Enuntiatio autem est oratio indicativa, verum aut falsum significans; ut, *Homo est animal.*

**Ejus partes signata.**

Ejus partes signantes sunt vel

{ Signantes.  
{ Signatae.

Partes signatae sunt Prædicatum, Subjectum, & utrumque conjungens Copula.

**Prædicatum.**

Prædicatum est totum illud quod sequitur Copulam.

**Subjectum.**

Subjectum est illud quod præcedit.

**Copula.**

Copula est verbum utraque partes connectens, ut in hac propositione *homo est animal*: Homo est subjectum, Est copula, Animal prædicatum.

**Observatio.**

In his summopere observandum, quod non semper unum vocabulum, sed aliquando Oratio, nec quod descriptione seu loquutione, sed quod ordine syntaxeos verbum præcedit, pro

sub-



# Cap. IV. De Propositione.

71

subiecto, & quod ipsum sequitur pro  
predicato est habendum, sic in hac  
propositione, *Ardua ad virtutem via*  
*est*, via ad virtutem est subiectum, Est  
copula, ardua predicatum.

Partes signan- } Categorematicæ,  
tes sunt vel } Syncategorematicæ. *Signantes.*

Partes Categorematicæ seu per se  
aliquid significantes sunt nomen, &  
verbum.

Nomen est vox simplex ex institu- *Nomen.*  
to significans, cum nullo temporis di-  
scrimine, finita, recta, cuius nulla  
pars quicquam separatim significat, ut,  
*homo.*

Verbum est vox simplex, finita, re- *Verbum.*  
cta, tempus adsignificans, cuius par-  
tes nihil se junctim designant: ut, *curro*  
*non solum cursum significat, sed tempus*  
*presens quo quis currit.*

Nomen à verbo differt, quòd illud  
sine tempore, hoc tempus adsignifi-  
cat; ambo verò ab Oratione, quòd O-  
ratio est vox complexa, istæ verò vo-  
ces simplices; Orationis partes aliquid  
separatim significant, non autem No-  
minis, aut Verbi.

Casus nominis & verbi, id est, om-  
nes præter casum rectum, & modum  
indicativum, sicut etiam nomina &  
D verba

verba infinita, enuntiationem, imperfectam faciunt; ut Socrates est, imperfecte aliquid enunciat, nisi addatur *Domus, liber, aut aliquid tale*, sic etiam non animal currit, nihil indicat, nisi explicamus quid sit illud non animal.

*Synecategorematica.*

Partes syncategorematicae quae nihil nisi aliis adjunctis significant, sunt signa quae non rem aliquam, sed rei modum ostendunt, ut *Omnis, nullus*.  
 Signa vero sunt duplicia, *Universalis*, ut *Omni, quilibet, unusquisque*, et *Particularia*, ut *Aliquis, quidam, non Omnis*.

Notandum verò, quòd Adverbia quandoque horum Adjectivorum, & pronominum vicem supplent: sic nunquam idem sonat, quod Nullus: Semper idem quod Omnis: Aliquando quod Aliquis.

*Observatio.*

Ultimò observandum, quòd partes propositionis non semper expressè reperiuntur, sed aliquando implicite includuntur, unde duplex oritur propositio, *Explicita*, quando quaelibet pars explicatur, ut *homo est Animal*, aut *Implicita*, ubi una aut plures partes reticentur, ut *ningit, Caesar veni*, quam resolvimus addendo copulam.

& transmutando verbum in participium; ut, *cælum est nungens, Caesar est moriens.*

C A P. V.

De prædicatione.

**F**uerunt propositionis partes, sequitur earum partium dispositio, quæ vulgò Prædicatio appellatur, in qua tota propositionis essentia consistit.

Prædicatio est vera prædicati de subiecto affirmatio, aut negatio.

Prædicatio  
quid.

Estque duplex, 1. Ordinata.

Quotuplex

vel 2. Inordinata.

Ordinata prædicatio propriè dicitur, quando illud prædicatur, aut subiicitur, quod revera prædicari aut subiici debet; ut in hac propositione, *homo est animal*. Animal naturaliter de homine prædicatur, quia supra eum ponitur in serie prædicamentali substantiæ.

Ordinata,

Hæc ordinata præ-

1. Essentialis.

dicatio est duplex 2. Accidental.

Essentialis prædicatio est, quando prædicatum est de essentia subiecti, & quinque modis accidit. Vel cum genus remotum de specie prædicatur, ut

Essentialis.

2

3

4

5

*homo est corpus*; vel genus proximum de sua specie, ut *homo est animal*; vel differentia remota de specie, ut *homo est sensibilis*; vel differentia proxima de specie immediatè sibi subjecta, ut *Homo est rationalis*; vel denique species de suis individuis, ut *Plato est homo*; atque omnes hæ prædicationes dicuntur Univocæ; quia prædicatum dicitur de subjecto, & secundum nomen, & nominis rationem.

Acciden-  
talis.

Accidentalis prædicatio est, quando prædicatum ad essentiam subjecti non spectat, ut *Cæsar est fortis*.

Proprium dicatur de suo subjecto, ut *homo est risibilis*.

Tripliciter hæc prædicatio fiat, cui inest prædicetur, ut *homo est albus*.

vel cum Accidens accidenti attribuitur, ut *hoc album est dulce*.

Hæ prædicationes vocantur Paronymicæ, seu Denominativæ, quia prædicatum de subjecto dicitur secundum nomen tantum, & non secundum nominis definitionem.

Inordinata  
prædicatio  
quid.

Inordinata prædicatio est ubi nullus servatur ordo naturalis in prædicando.

cando, ut *Animal est homo*, ubi homo qui est quid inferius de animali prædicatur quod est ipso superius.

Inordinata prædicatio est } Præter ordinem.  
duplex, } Contra

Quotuplex

Prædicatio contra ordinem est, quando inferius de superiore prædicatur, ut *animal est homo*.

Prædicatio præter ordinem est, quando idem prædicatur de seipso, ut *hic homo est Petrus*.

His inordinatis prædicationibus possumus addere falsas & figuratas, sed illæ ab omni arte, hæ à Logica sunt longissimè amovendæ.

CAP. VI.

De Divisione Propositionis secundum Substantiam.

Hactenus de Propositionis partibus, & partium dispositione: sequuntur ejus divisiones tribus modis sumendæ,

1. Substantiam, in Categoricam & Hypotheticam.

Divisio propositionis.

Univ.alem.  
 2 Quantitatem in  
 Particularem.  
 Singularem.  
 Indefinitam.  
 3 Qualitatem, in affirmantem & negantem.

Juxta communem verficat. Quæ  
 cat. vel hyp. quælit. ne. vel aff. Or. quælit.  
 3. 1. par. in. fin.

Divisio  
 propositio-  
 nis secun-  
 dum sub-  
 stantiam.

Primo autem de divisione secun-  
 dum Substantiam, Quæ cat. vel hyp.  
 id est, si queratur quænam sit hæc vel  
 illa propositio, respondere debemus,  
 Categorical vel Hypotheticam; ut qua-  
 renti quænam sit hæc propositio, Homo  
 est animal, respondendum est, Categorical

Categorical

Categorical, seu simplex propositio  
 est, quæ unum prædicatum uni subje-  
 cto attribuitur, aut ab eodem adimi-  
 tur, ut Homo est animal, homo non est  
 sapiens.

Duplex.

Est duplex, Pura, vel Modalis.

Pura propositio est, in qua prædi-  
 catum cum subiecto disponitur sine  
 expresso dispositionis modo, ut Homo  
 est animal. Hæc etiam rursus subdivi-  
 ditur in Propositionem secundæ adjecti-  
 væ, in qua solum verbum substanti-  
 vum [Est] subiecto additur, ut Socra-  
 tes est, Plato est; quæ si resolvantur  
 idem

# Cap. V. De Propositione.



idem sonant, quod *Socrates est existens, Plato est existens, & Propositionem tortis adjecta*; ubi tres enuntiationis partes simul explicantur, ut *Socrates est animal, Plato est animal.*

Modalis est quæ aliquo dispositionis modo afficitur.

*Modalis.*

Modi verò sunt } *Necesse,*  
quatuor } *Possibile,*  
              } *Contingens,*  
              } *Impossibile.*

*Modi quatuor.*

Modus *Necesse* significat ejusmodi dispositionem quæ aliter se habere non potest, sive ea necessitas sit simplex & absoluta ut, *Necesse est hominem esse rationalem*; sive ex suppositione, ut, *Necesse fuit Messiam venire, scilicet ex suppositione promissionis divine.*

*Necesse.*

*Impossibile* notat repugnantiam inter prædicatum & subiectum, sive ea sit absoluta, ut, *Impossibile est Deum esse finitum*; sive ex suppositione, ut *impossibile est nos Deum videre*; hoc supposito quod in carne remanemus.

*Impossibile.*

*Possibile* significat rem, quæ nondum est esse posse, ut, *possibile est lucem de nocte vincere.*

*Possibile.*

*Contingens* notat rem quæ est, posse non esse, ut, *Contingens est hominem stantem sedere.*

*Contingens.*

In his verò propositionibus de Possibili & Com-  
tingente duplex sensus est  
obseruandus.

Compositus.

Divisus.

Sensus  
Compositus.

Compositum sensum voco ejusmodi  
sententiam, quâ res manens talis pos-  
sit uno & eodem tempore contraria  
suscipere; ut, *Possibile est calidum esse  
frigidum*, quasi diceremus, *Possibile est  
calidum manens calidum, esse frigi-  
dum*; & ita sensus compositus est fal-  
sus.

Divisus.

Divisum appello, quando affirma-  
tur, rem, quæ nunc est talis, posse alio  
tempore fieri non talem; & ita *possibi-  
le est calidum esse frigidum*, id est, a-  
quam quæ nunc est calida alio tempore  
frigidam fieri.

Nota.

In omnibus Modalibus, hoc gene-  
raliter notandum, quòd ex duabus  
partibus constant, Dicto & Modo:  
Modus præcedit, Dictum sequitur co-  
pulam; ut, *Necesse est hominem mori*,  
*Necesse est* modus, *hominem mori*, est  
dictum.

Hypotheti-  
ca.

Hypothetica seu composita propo-  
sitiō est, quæ constat ex pluribus pro-  
positionibus aliquâ conjunctione u-  
nitis; ut, *si equum voles habes pen-  
nas*.

Hypo-



Condi-	Condi-	
tionalis,	tionalis,	
quæ	ut si ambulat	
	pedes habet.	
Copu-	Copulativâ,	
lativa,	ut homo est ani-	
quæ	mal, & est ra-	
Hypo-	tionalis.	Quinque
theticæ		Species.
proposi-	Disjun-	
tionis	tiva,	
quinq;	quæ	
sunt spe-	Causa-	
cies,	lis, quæ	
	Tempo-	
	poralis,	
	quæ	

unitur notâ

Condi-

Condi-

ut si ambulat

pedes habet.

Copulativâ,

ut homo est ani-

mal, & est ra-

tionalis.

Disjunctivâ,

ut vel nox est,

vel dies.

Causali, ut

Dies est, quia

Sol lucet.

Temporalis, ut

dum quis cur-

rit movetur.

Quinque  
Species.

Omittitur nonnunquam nodus ve-

notatus grâtiâ, ut obsequium amicos,

veritas odium parit.

Nota.

C A P. VII.

De divisione propositionis secun-

dum qualitatem.

SEcunda divisio propositionis est se-

cundum Qualitatem. Qualis? ne: propositio-

vel affirmativa est, si interrogetur, qualis est nis divisio.

aliqua propositio, respondere debe-

mus, Est affirmativa aut Negativa.

U s

Affir.

**Affirmati-  
va.**

Affirmativa propositio est, in qua prædicatum cum subiecto coniungitur, ut *homo est animal*.

**Negativa.**

Negativa est, quæ prædicatum à subiecto disjungit, ut *homo non est lapis*.

Utraque rursus & Vera, & Falsa.

**Vera.**

Vera id quod res est enunciat, ut *Socrates est homo*.

**Falsa.**

Falsa aliter rem indicat, quam reverà est, ut *Socrates est leo*.

Et quia res in propositione aliquando necessariò veræ sunt, aliquando manifestè falsæ, nonnunquam verò nec planè veræ nec omninò falsæ, hinc triplex oritur propositio, *Necessaria, Impossibilis, Contingens*.

**Necessaria.**

Necessaria propositio est, in qua attributum necessariò subiecto coniungitur, ut *Fortitudo est virtus*.

**Impossibilis.**

Impossibilis est, cum fieri non possit, ut ita se res habeat, ac ipsa oratio declarat, ut *lapis sentit*.

**Contingens.**

Contingens est, cuius extrema nullà necessitate coherant, ut *Socrates est doctus*.

Obiter verò hîc notandum discrimen inter Propositionem Finitam, & Infinitam; atque Affirmantem, & Negantem.

Negans

Negans enim semper habet vel signum aliquod negativum, ut *Nullus*, *neuter*, toti propositioni præfixum, ut *Nullus homo est lapis*; vel notam negantem [*Non*] copulæ additam, ut *homo non est lapis*.

Ad propositionem verò infinitam constituendam sufficit, si [*Non*] subiecto, vel prædicato aut utrisque addatur, non autem copulæ: sic, *Non homo est animal*, est propositio infinita, sed Affirmans; at *Homo non est animal*, est Propositio finita, sed Negans.

CAP. VIII.

De Divisione Propositionis juxta

Quantitatem.

Ultima Propositionis divisio est secundum Quantitatem, Vn. *Quantitas*, par. ind. sing. Quærenti enim Quanta est propositio assignata, respondemus est *universalis*, *particularis*, & *indefinita*.

Universalis propositio est quæ habet universale signum subiecto expressè additum, ut, *Nullus homo est lapis*. *Omnis homo est animal*.

Notandum verò, quòd hoc signum

Tertia divisio propositionis.

Universalis obus modis sumitur.

[Omnis]

*Omnia* aliquando distributivè, aliquando collectivè sumatur.

*Distributivè.*

Distributivè sumitur, quando significat prædicatum posse distribui in ea quæ subjecto continentur, sic hæc propositio, *Omnis homo est animal*, notat animalis naturam Socrati, Platoni & cuilibet particulari homini attribui posse.

Genera singulorum.  
Estque iterum Distributivum, vel in Singula generum.

Prædicatum in singula generum distribuitur, quando singulis individuis subjecto contentis potest communicari, *Omnis arbor est corpus animatum*.

Prædicatum in genera singulorum discinditur, quando non in singula individua, sed individuum ceros ordines & classes distribuitur, ut, *Omnes homines salvabuntur*, est ac si diceret, *Homines ex omni ordine ac genere erunt servati*.

*Collectivè.*

Collectivè sumitur [*Omni*] quando subjectum sub collatione numerica ita distribuitur, ut prædicatum in inferiora distribui non possit: ut, *Omnes planetæ sunt septem, Omnes Apostoli fuerunt duodecem*.

Signum

Signum [omnis] *Collectivum*, ut & *Regula*.  
*Distributum* in genere singulorum  
 imperfectè & secundariò universalem  
 propositionem facit.

Particularis propositio est quæ no- *Particula-*  
 tam particularem subjecto addit ut, *A-* *ris*.  
*liquid in hoc libro est difficile.*

Singularis propositio est, cuius sub- *Singularis*  
 jectum est singulare seu individuum;  
 sive proprio nomine expressum, seu  
 pronomine demonstrativo assigna-  
 tum; ut, *Socrates fuit insignis philoso-*  
*phus, hic homo egregius poeta.*

Hæc à particulari propositione dif-  
 fert, quod particularis semper notat  
 Vagum, hæc Determinatum indivi-  
 duum.

Nota universalis singulari subjecto *Reg.*  
 addita, nihil significat præter indivi-  
 duorum collectionem; ut, *Omnes Hero-*  
*des fuerunt crudeles.*

Indefinita propositio est, quæ nul- *Indefinita*  
 lum signum subjecto expressè additum  
 habet; ut, *Homo est animal: Lapis*  
*non sentit.*

Hæc in materia necessaria æquipol- *Reg.*  
 let Universalis, in Contingenti Parti-  
 cularis; ut, *Homo est animal, idem sonat*  
*quod Omnis homo est animal, Homo est*  
*doctus, idem quod, aliquis homo est do-*  
*ctus.* Hactenus

Hactenus de triplici propositionum  
divisione: tres ejus affectiones proxi-  
mè sequuntur.

## CAP. IX.

## De Oppositorum Enuntiationum.

Oppositio.

Tres sunt propositionum affectio-  
nes, Oppositio, Aequipollentia,  
Conversio.

Oppositio est duarum proposi-  
tionum pugna quæ ex eodem subjecto &  
predicato constant.

Tribus mo-  
di fit.

Tribus modis  
fit hæc pugna,  
vel secundum

Qualitatem solum,  
ut, *Contraria*, & *Sub-  
contraria*.

Quantitatem so-  
lum, ut, *Subalterna*,  
Utramq; simul, ut,  
*contradictoria*.

Contraria.

Contrariæ sunt duæ enuntiationes  
universales, quarum altera affirmat,  
altera negat; ut, *Omnis homo est ratio-  
nalis. Nullus homo est rationalis.*

Subcontra-  
ria.

Subcontrariæ sunt duæ particula-  
res, hæc aiens, illa negans; ut, *Quidam  
homo est justus, Quidam homo non est  
justus.*

Subalternæ sunt duæ propositiones  
univer-

universalis scilicet, & particularis pariter aientes, aut pariter negantes; ut *Omnis amor nescit modum, Aliquis amor nescit modum.*

Contradictoriae constant ex universali & particulari, quarum altera affirmat, altera negat; ut, *Omnia amicorum sunt communia; Quadam amicorum non sunt communia; vel sunt duae singulares; ut, Caesar fuit tyrannus, Caesar non fuit tyrannus.*

Contradictoriae.

Regula.

1. Contrariae ambae possunt esse simul falsae, ut in materia contingenti, nunquam simul verae.

2. Subcontrariae nunquam simul falsae reperiuntur, sed verae quandoque in materia contingenti; ut *Aliquis homo est doctus, aliquis homo non est doctus.*

3. In subalternis si universalis propositio sit vera, vera est etiam eius particularis.

4. Contradictoriae non possunt esse simul verae aut simul falsae.

In tota hac propositionum discordia diligentè videndum, ut iidem termini eodem modo significant. Primò enim cavendum, ne termini sint ambigui, unde *ex nihilo nihil fit, & ex nihilo aliquid*

aliquid fit, non repugnant, quia fieri in  
priori propositione sumitur pro genera-  
ri, in posteriori pro produci; secundo  
adnitendum, ut subiectum & prædica-  
tum intelligantur *ἡ τὸ αὐτὸ*, secun-  
dum eandem partem; unde non oppo-  
nuntur; Minerva est glauca; Minerva  
non est glauca; glauca enim est secun-  
dum oculos, sed non reliquas corporis  
partes. Tercio oppositio fiat *ἡ τὸ αὐτὸ*,  
secundum eundem respectum;  
unde Sol obscuratur, Sol non obscura-  
tur; non sunt oppositæ propositiones,  
quia obscuratur respectu nostris, non sui  
ipsius.

Quarto ut opponantur propositi-  
ones, *ἐν τῷ αὐτῷ χρόνῳ*, ratione ejus-  
dem temporis, ut Paulus fuit Roma,  
Paulus non fuit Roma, non repugnant,  
quia utrumque verum est alio atque  
alio tempore.

Hactenus de oppositione propositi-  
onum; nam de terminorum oppositio-  
ne priori libro tractavimus; quæ inter  
se differunt, quod una simplex, altera  
complexa oppositio dicitur.



CAP. X.

De Equipollentia propositionum.

**E**quipollentia est propositionum  
verbis discrepantium convenientia  
in sensu; ut, *Semper nocuit differre pa-*  
*ratis, & nunquam non nocuit differre*  
*paratis.* Equipol-  
lentia.

Tribus modis fit equipollentia pro  
triplici collocatione notæ negantis, *du fit.*  
*Non; Nam Prae contradicit; post; con-*  
*tra; pra, postque subaltern.*

1 *Prae contradicit:* hoc est, si dentur  
duæ propositiones contradictoriæ, v. g.  
*Omni homo est animal, Aliquis homo*  
*non est animal:* statim equipollent, si  
notam negativam signo universali  
præponamus; ut, *Non omni homo est*  
*animal, aliquis homo non est animal.*

2 *Post, Contrar.* id est, si pronuncien-  
tur duæ contrariæ: ut, *Omne animal*  
*sensit. Nullum animal sensit,* fiant æ-  
quipollentes, si post signum universale,  
nota *Non* ponatur, ut *Omne animal*  
*sensit, Nullum non animal sensit.*

3 *Prae postq; subaltern.* hoc est, si duæ  
subalternæ proferuntur, ut, *aliquis a-*  
*mor nescit modum, Omnis amor nescit*  
*modum:* statimque valebunt, notam

re-

negativam ponendo ante & post signum; ut, *Non omnis non amor nescit modum, Aliquis amor nescit modum.*

Has æquipollentias hisce versibus exprimere conati sunt logici.

*Non omnis, quidam; non omnis non, quasi nullus:*

*Nonnullus, quidam: sed nullus non, valet omnis:*

*Non aliquis, nullus: non quidam non, valet omnis.*

*Non alter, neuter; neuter non præstat uterque.*

*Nota.*

In æquipollentia præcipue observandum, ut subjectum & prædicatum si non verbis, re tamen & sensu semper sunt eadem.

## C A P. XI.

### *De conversione propositionum,*

*Conversio.*

**C**onversio propositionis est permutatio subjecti in locum prædicati, & prædicati in locum subjecti, eadem semper remanente qualitate utriusque propositionis.

*Nota.*

In conversione duæ propositiones occurrunt considerandæ, Prior Conversa, posterior Convertens appellatur,

ut, ut *Nulla ambitio est virtus, Nulla virtus est ambitio*: illa *conversa*, hæc *conversens* nuncupatur.

Con- versio est du- plex,	{	Inæqualis, seu	{	Simplex.	Conversio duplex.
		per accidens in qua		Per	
		Quantitas mutatur.		contra-	
		Æqualis in qua		positio-	
		eadem in utraque		nem.	
		propositione ma-			
		ner Quantitas, est			
		que			

Conversio simplex est, quando ex- Simplex.  
terminis commutatis eadem servatur  
Quantitas. Sic vertuntur. *E. V. univer-*  
*salis negativa & particularis affirmati-*  
*væque Nullus lapis est homo, Nullus ho-*  
*mo est lapis. Aligua largitio est vitium,*  
*aliquod vitium est largitio.*

Conversio per contrapositionem est, Per con-  
quando eadem manente Quantitate, *trapositi-*  
termini finiti in infinitos mutantur, ita *nem.*  
convertuntur. *A. O. universalis affir-*  
*mativa, & particularis negativaque Om-*  
*ne honestum est laudabile, Omne non*  
*honestum est non laudabile. Aliquod*  
*bellum non est utile, Aliquod non bellum*  
*non est non utile.*

Conversio inæqualis, seu per acci- Per acci-  
dens, est quando transpositis terminis dens.  
minuitur quantitas, ita transponuntur

A. E.

*A. E.* universalis affirmans & negans, ut *Omnis homo est animal*, *aliquod animal est homo*, *Nulla perseverantia est pertinacia*; *Aliqua pertinacia non est perseverantia*.

Triplex hæc conversio hoc disticho comprehenditur.

*E. I.* simpliciter convertitur, *A. E.* per accidens.

*A. O.* per contrā, sic fit conversio tota.

Quatuor hæc vocales *A. E. I. O.* Qualitatem & Quantitatem propositionum indicant juxta hos versiculos.

*Afferit A.* negat *E.* sed universaliter ut amba.

*Afferit I.* negat *O.* sed particulariter ut ambo.

**Observatio.** In conversione hæc summo perē observanda. Primò ut nulla sit ambiguitas terminorum, *Ideo Christus est vir*, *ergo homo est species*, non convertuntur, quia illa est figurata, hæc à vocibus primæ ad voces secundæ notio- nis procedit. Secundò ut totum sub- jectum convertendæ fiat prædicatum convertentis, Ex cuius defectu non se- quitur, *Mus rodit panem*, ergo *Panem rodit murem*, sed *aliquid rodens panem est mus*. Tertiò ut nomē, calus, & ver- borum tempora obliqua rectificentur,

Vnde

Unde aliqua arbor est in agro, non sic  
conversetur, Ergo aliquis ager est in ar-  
bore; sed aliquid existens in agro est  
arbor. ita non sequitur, Senex fuit pu-  
er, ergo, puer fuit senex, sed quidam  
qui fuit puer est senex.

Verum satis à me dictum puto de  
essentiâ, divisionibus & affectionibus  
enunciationis: ultimò restat Discursus  
postremo libro pertractandus.

**LIBER**



# LIBER TERTIVS.

## C A P. I.

*De natura & Divisione Discursus,  
cujus ratione hic liber in varias par-  
tes secatur.*

**I**N primo libro de vocibus simplicibus, in secundo de complexis egimus, quatenus per illas prima, per has secunda mentis operatio dirigitur; restat jam tertia Logicæ pars tertiam mentis operationem dirigens, quæ vocatur Discursus.

**Discursus.** Discursus est actus humanæ mentis, per quem à noto ad ignoti cognitionem pervenimus. Est duplex, Inferens, & Ordinans.

**Ordinans.** Ordinans est cum intellectus humanus ab una parte doctrinæ ad aliam procedit,

procedit, adminiculo præceptorum Sect. I.  
Ordinis & Methodi.

Inferens est quando una propositio  
ex alia probatur, & vocatur argumen-  
tatio. *Inferens.*

Argumentatio verò ista duobus mo-  
dis consideratur à Logico, vel quoad  
formam seu optimam singularum par-  
tium connexionem, ut inde fiat bona  
consequentia, atque ita in quatuor spe-  
cies dividitur, *Syllogismus*, *Inductio-*  
*nem*, *Enthymema*, & *Exemplum*, vel  
quoad materiam quæ concluditur; &  
sic in tres partes distribuitur, *Apodicti-*  
*cæ* cuius materia est necessaria, *Topi-*  
*cæ* quæ concludit ex probabilibus,  
*Sophisticæ* quæ ex materia fallaci &  
captiosa argumentatur. *Argumentationis duplex consideratio.*

Hinc est quod tertium hunc librum  
in tres partes distribuimus, prima agit  
de Argumentatione quoad formam,  
secunda de Argumentatione quoad  
materiam, tertia de Methodo & Or-  
dine totidem à nobis sectionibus suo  
quæque loco pertractanda. *Generalis divisio huius libri.*

Sect. I.

## CAP. II.

De Argumentatione & ejus formali  
divisione.Argumen-  
tatio.Tria in ar-  
gumenta-  
tione, no-  
tanda.

**A**rgumentatio est oratio qua quis rei  
de qua loquitur fidem facere con-  
atur, ut, *Homo fatuus tacere nequit, ergo*  
*non est ad consilium vocandus.*

Tria sunt in Argumentatione consi-  
deranda, *Antecedens*, *Nota illativa*,  
*Consequens*.

*Antecedens* notam illationis præce-  
dit, & quandoque ex duabus propositi-  
onibus constat, ut in *Syllogismo*, quan-  
doque ex una, ut in *Enthymemate*.

*Consequens* est posterior pars ar-  
gumentationis notam subsequens, &  
vocatur *Conclusio*.

*Nota illationis* est nodus quidam  
utrasque partes conjungens. Hujusmodi  
sunt, *Ergo, igitur, proinde, itaque*, quæ  
propter concinniores orationis stru-  
cturam nonnunquam reticentur, ut, *Vim*  
*vi repellendo occidere licet, Miso vim*  
*vi repellendo Clodium occidit, [ Misoni*  
*Clodium ] occidere licuit.* Hic *vim vi*  
*repellendo occidere licet, Miso vim vi*  
*repellendo Clodium occidit*, sunt duæ  
propositiones, quæ unum antecedens  
constituunt,



constituunt, *Miloni Clodium occidere Sect. I.*  
*lices*, est consequens, & sequitur, *Ergo*,  
 illationis notam subauditam.

Quatuor ut jam- jam diximus, sunt argumentandi for- mulæ	}	Syllogismus. Enthymema. Inductio. Exemplum.	<i>Divisio ar-                  gumenta-                  tionis.</i>
---	---	--	---

His addunt alii Soritem, Dilemma,  
 Violentum, qui licet argumentatio-  
 nes propriæ non dicantur, quia medio  
 carent, quoniam tamen multum sua-  
 dent non sunt omnimodò negligen-  
 dæ; & proinde quatuor perfectioribus  
 argumentandi formulis peractis, in  
 fine hujus Sectionis de istis pauca  
 dicemus.

Harum omnium Argumentationis  
 specierum perfectissima est *Syllogis-  
 mus*, *Enthymema* verò perfectius *In-  
 ductio*, *Inductio* *Exemplo*. De istis  
 omnibus suo ordine.

### CAP. III.

*De Syllogismi partibus, & Divisione*

**S**Yllogismus est Oratio, in qua qui-  
 busdam rite positis, & concessis ali-  
 mus.  
 quid diversum ab his quæ posita sunt  
 necessariò sequitur, propter ea quæ sue-  
 rpt posita. E Ita

Sect. I.

Ita his duabus  
præmissis positis,

{ Omne triste est fugiendum.  
Omni voluptas est turpis.

Necessario sequitur concludendum,  
Ergo quadam voluptas est fugienda.

In Syllogismo primò principia ex quibus formetur, inde divisionem ejus considerabimus.

Principia  
Syllogismi.

Principia  
Syllogismi  
sunt vel

{ Interna, ut Termini & Propositiones.  
Externa, ut Dictum de Omni & de Nullo.

Termini.

Termini sunt ex quibus propositiones syllogisticæ conficiuntur, & in quos Syllogismus ultimò resolvitur.

{ Duo extremi, quorum  
Tres verò unus Major, alter minor  
sunt termini  
dicitur.  
Unus Medius, qui vulgò Medium appellatur.

Major.

Major terminus est Prædicatum conclusionis, & in Majore propositione cum Medio ponitur.

Minor.

Minor terminus est Subjectum conclusionis, & in Minori unà cum Medio collocatur.

Medius.

Medius terminus in utraque præmissa capitur, & nunquam ingreditur Conclusionem.

Sine medio nihil potest concludi; *Sect. I.*  
 cum enim omnis quæstio duabus par-  
 tibus constet, de re quæ queritur, quæ  
*Quare me-*  
*dium ne-*  
*cessario re-*  
*quiritur.*  
*Subjectum* quæstionis vocatur, & re  
 quæ de subjecto queritur quæ appel-  
 latur *Prædicatum* quæstionis; & cum

nihil seipsam probare possit, hinc est  
 quod tertio opus est termino, qui u-  
 troque priores conjungat & copulet;  
 ideoque à Logicis medium nuncupa-  
 tur, v. g. *Ad probandum omnem libidi-*  
*nem esse malam,* medium aliquod su-  
 merem, puta *ingratum esse Deo,* quod  
 primò cum prædicato quæstionis con-  
 jungerem, dicendo *Omne ingratum*  
*Deo, est malum;* deinde cum subjecto,  
 addendo *Omnis libido est ingrata Deo,*  
 quæ ita secum concordantia facile  
 hanc conclusionem elicerent, Ergò, *li-*  
*bido est mala.*

In terminis syllogismorum inpri- *Cautio pri-*  
 mis observandum, ut nec plures nec *ma.*

participiores sint quàm tres; non pauci-  
 ores, quia sic nulla foret connexio,  
 quum extrema non possint per semet  
 ipsa disponi, nec plures, quia quartus  
 antecessariò perturbat dispositionem;  
 medium enim quàm medium semper  
 refertur ad duo.

Sunt autem quatuor termini vel ex-

*Señt. 1.*

preſſe, quum totidem ſuo ordine in ſyllogiſmo diſponantur; vel implicite, quando unus trium terminorum eſt ambiguus.

*Cautio ſe-  
cunda.*

Secundò cavendum ne iſti termini manci ſint aut mutilati, ſed ut eodem modo inferantur in Concluſione, quo ſumpti fuerunt in præmiſſis; non igitur termini abſtracti cum concretis, obliqui caſus cum rectis, notiones ſe-  
cundæ cum primis confundi debent. Unde hæ Concluſiones non rectè ſe-  
quuntur, *Juſtitia eſt qualitas, homo eſt juſtus; ergò, homo eſt qualitas. Animal eſt genus, Homo eſt animal, ergò homo eſt genus.*

*Propoſitio.*

Propoſitio ſyllogiſtica eſt oratio af-  
firmans, aut negans aliquid de aliquo, in ratiocinatione.

Differt ab Enunciatione priori li-  
bro explicatâ non re ſed ratione, quòd hæc eſt oratio extra argumentatione, illa in argumentatione aliquid affir-  
mat aut negat.

Tres ſunt ſyllogiſmi propoſitiones  
Major, Minor, Concluſio.

*Major.*

Major propoſitio eſt prima ſyllo-  
giſmi propoſitio, orta ex connexione  
Medii cum majori extremo; appella-  
tur *κατὰ τὸ πρῶτον* Propoſitio à proponen-

do

do quoniam in argumentatione pri- *Señ. i.*  
mò proponitur, & prae cæteris præfi-  
gitur.

Minor est secunda Propositio, orta *Minor*  
ex connexionemædii cum minori ex-  
tremo; vocatur à Cicerone *Assumptio*,  
quia ad maiorem in probando assumi-  
tur.

Conclusio est ultima propositio *Conclusio*  
syllogismum concludens, orta ex con-  
nexionemæ majoris & minoris extremi.  
Appellatur inde *Complexio*, quia utra-  
que extrema complectitur.

Hæc si probetur, appellatur *Conclu-  
sio*, si probanda proponatur, *Quæstio*,  
seu Problema dicitur.

In his Propositionibus, primò ob- *Observa-  
tio.*  
servandum, ut omnes non sint negan-  
tes; secundo ut non sint simul particu-  
lares; tertio ut si altera præmissarum  
particularis sit aut negativa, eodem  
modo Conclusio deteriorem partem  
semper sequens colligatur; quarto, ut  
Medium nunquam conclusionem in-  
grediatur; quas leges Logici his ver-  
bis complexi sunt.

*Syllogizari non est ex particulari.*  
*Neve negativis, rectè concludere si vis.*  
*Si qua præst partis, sequitur conclusio*  
*partis.*

Sect. I.

*Si qua negata praeis, Conclusio sit  
que negata.*

*Lex generalis erit, medium conclusio  
donec nescit.*

*Principia  
externa.*

*Principia extrema Syllogismi sunt  
duo Canones certitudinis, quorum al-  
ter respicit Syllogismos affirmantes, &  
vocatur *Dictum de Omni*; alter negan-  
tes concernit, & appellatur *Dictum de  
Nullo*.*

*Dictum de  
Omni.*

*Dictum de Omni* est, quando quic-  
quid de aliquo subiecto universaliter  
affirmatur, etiam ei de quo illud sub-  
iectum dicitur, attribui potest. *Ut om-  
ne animal est substantia, Omnis homo  
est animal, ergo omnis homo est sub-  
stantia*, est syllogismus in quo *Dictum  
de Omni* evidenter cernitur, quia *Sub-  
stantia* quae attribuitur *animali*, de *ho-  
mine* quoque praedicatur, propterea  
quod *animal* sub se *hominem* compre-  
hendit.

*Dictum de  
Nullo.*

*Dictum de Nullo* est, quando pra-  
dicatum universaliter de subiecto ne-  
gatur, & ita removeretur ab omnibus in  
quae subiectum in sua latitudine com-  
prehendit. Sic iste syllogismus, *Nullus  
lapis est animal, Omnis adamus est la-  
pis, ergo, Nullus adamus est animal*,  
habet manifestum *Dictum de Nullo*;

nam

nam prædicatum majoris *Animal*, u- Sect. I.  
niversaliter à subjecto removeretur, sub-  
jectum verò scilicet *lapis* in se ada-  
mantem continet, ergò de illo quoque  
*Animal* rectè negatur.

Syllogismus Categoricalis Syllogismi  
dividitur in Hypotheticum. divisio.

Categoricalis est, qui ex utraque pro- Categori-  
positione categoricâ constat. cus.

Hypotheticus consistit ex altera, Hypothet-  
vel utraque propositione hypotheticâ, cus.

His aliæ syllogismi divisiones pos-  
sunt addi in affirmativam & negati-  
vam, universalem & expositivam, di-  
rectum & indirectum: sed primæ illa  
divisio quam adduximus est maximi  
momenti, scilicet in Categoricalis &  
hypotheticum; cetera igitur divisiopi-  
bus omissis de Categoricali & Hypothe-  
tico syllogismo loquemur, & primo de  
Categoricali, quia ex illo Syllogismi fi-  
unt hypothetici.

## CAP. IV.

## De modis &amp; Figuris Syllogismi.

Syllogismus Categoricalis formaliter  
consideratus ad Figuras & Modos  
tanquam ad certos quosdam concellos

Sect. 1.

&amp; classes redigitur.

Figura.

Figura est debita medii dispositio cum extremis.

Modus.

Modus est index Qualitatis &amp; Quantitatis proportionum. A Figura differt, quòd Figura notat terminorum, modus propositionum dispositionem.

Figura  
tres.Tres sunt Figure quæ oriuntur ex triplici medii dispositione; vel enim medium est subjectum majoris, & prædicatum minoris propositionis & fit *Prima Figura*, vel in utraque præmissa prædicatum, & fit *secunda*, vel in utraque subjectum, & oritur *tertia* juxta istos versiculos.*Sub præ prima,**Sub præ secunda,**Tertia sub.*

Modi vero sunt quatuordecim, quatuor primæ figuræ, &amp; totidem secundæ, sex autem tertiæ, qui omnes his versibus comprehenduntur.

*Barbara, Celarent, Primæ, Darii,**Ferioque.**Casare, Camestres, Festino, Baroco,*  
*Secundæ.**Tertia grande sonans, edit Darapti,**Felapton.**Adjungens Disamis, Darisi, Bocardo,**Forison.*

In



In quolibet horum modorum tres *Sec. I.*  
reperiuntur vocales, totidem propo-  
sitionibus in syllogismo respondentes,  
earum qualitatem & quantitatem pro-  
positam ostendentes, juxta versus prius  
habitos: *Afferit A. negat E. &c.* Sic *A*  
in omni syllaba in *Barbara* reperta,  
notat quamlibet propositionem in illo  
modo universaliter affirmare.

Prima Figura est, quando medius *Prima Fi-*  
terminus medio loco collocatur, ut *gura.*  
subjectum sit majoris, & minoris præ-  
dicatum. Hujus quatuor sunt modi di-  
rectè concludentes.

Bar- Omne animal sentit,  
ba- Omnis homo est animal, Ergo,  
ra Omnis homo sentit.

Ce- Nullum animal est lapis,  
la- Omnis homo est animal, Ergò,  
tent Nullus homo est lapis.

Da- Omne turpe est fugiendum,  
ri Aliqua voluptas est turpis, Ergò,  
i Aliqua voluptas est fugienda.

Fe- Nulli lascivi sunt legendi,  
ri- Aliquis poëta est lascivus, Ergò,  
o Aliquis poëta non est legendus.

Hujus Figuræ major semper est uni- *Regula.*  
versalis, minor ubique affirmans.

Secunda Figura est in qua medius *Secunda.*  
*E S terminus*

Sect. I.

terminus in utraque præmissa prædica-  
tur. Ejus quatuor sunt modi.

Ce Nemo liberalis cupit aliena.

la Omnis avarus cupit aliena; Ergo

re Nullus avarus est liberalis.

Ca Omnis prudens est temperans.

mel Nullus lascivus est temperans.

tres Nullus lascivus est prudens.

Fe Nullum scelus est excusabile.

sti aliqua culpa est excusabilis. Ergo

no aliqua culpa non est scelus.

Ba Omnis fraus est prohibita.

ro Quadam mercatura non prohibetur.

Ergo.

co Quadam mercatura non est fraus.

Major hujus Figuræ semper est u-  
niversalis; major aut minor semper  
affirmans.

Tertia Figura habet medium in u-  
traque præmissa subjectum. Ejus sex  
sunt modi.

Da Omnis homo est rationalis.

rap Omnis homo est animal. Ergo

ti Quoddam animal est rationale.

Fe Nulli electi damnantur.

lap Omnes electi peccant: Ergo

ton Quidam peccatores non damnantur.

Bo Aliquod bellum non est fugiendū.

Omne

car Omne bellum est cruentum: Ergo, Sed. 1.  
do Quoddam cruentum inane est: fu-  
gendum.

Di Quidam vocati saluantur, bonu-  
sa Omnes vocati peccant; ergo,  
mis Quidam peccatores saluantur.

Da Omnis sapiens est beatus,  
ti Quidam sapiens cruciatur dolore,  
Ergo,

fi Quidam cruciatus dolore est be-  
tus.

Fe Nulla se veritas placet,  
ri Aliqua se veritas est bona; ergo,  
lon Aliquod bonum non placet.

Minor hujus Figuræ semper est af-  
firmans, conclusio semper particula-  
ris.

Modales syllogismi eodem modo  
conficiuntur quo isti puri, si Necessè  
pro Omnis, Impossibile pro Nullus,  
Contingens pro Aliquis: inconcluden-  
do substituantur.

## CAP. V.

### De Reductione.

Q'Joniam inter syllogismos jam e-  
numeratos alii alius sunt imperfe-  
ctiores, & propterea reductione e-  
gent

*Sec. 1.* gent, de istis & istorum reductione pauca addemus.

*Reductio.*

Reductio est mutatio syllogismi secundæ aut tertiæ figuræ in syllogismum primæ.

*Duplex est.*

Duplex est reductio, Ostensiva, & Reductio per impossibile.

*Reductio  
per impos-  
sibile.*

Ostensiva est, quando vel conversione tantum, vel conversione & transmutatione simul præmissarum, syllogismus aliquis secundæ vel tertiæ figuræ reducitur ad syllogismum primæ, eadem conclusione vel ejus Conversa remanente.

Reductio per impossibile est ostendere valorem syllogismi, cogendo adversarium ad absurdum; sumptâ conclusionis contradictione cum altera præmissarum.

Modum reductionis literæ initiales, & intermedix ostendunt, nam B. C. D. F. in modorum initio indicant ad quæ modum primæ Figuræ quilibet imperfectus modus est reducendus. C. M. P. S. in medio & fine monstrant, quomodo hæc reductio sit perficienda, C. enim reductionem per impossibile, M. propositionum transmutationem, P. attenuatam, & S. simplicem conversionem designant juxta hos versiculos.

S, vult

*S. vult simpliciter verus. P. verò per  
accus.*

*M. vult transponi, C. per impossibile  
duci.*

Exempli gratiâ, *B. in Baroco & Bo-  
cardo principio notat hos modos ad  
Barbara esse reducendos; eandemque  
reductionem per impossibile fieri, C  
in medio monstrat; & proinde necesse  
est, ut alicujus propositionis contradi-  
ctio substituatur. Exempli gratiâ for-  
metur hic syllogismus in*

*Ba Omnis homo est animal,  
ro Aliqua planta non est animal,  
Ergò,*

*co Aliqua planta non est homo.*

Hujus Syllogismi Major maneat, &  
conclusionis contradictio fiat Minor,  
& Minoris Conclusio, ad hunc mo-  
dum,

*Bar Omnis homo est animal,  
ba Omnis planta est homo, Ergò,  
ra Omnis planta est animal.*

Bocardo eodem modo est reducen-  
dus, nisi quòd in hoc Minor, ut in su-  
periore Major propositio semper est  
servanda, & proinde contradictio con-  
clusionis fiat Major, & Majoris con-  
clusio.

Hi duo modi solùm per impossibile.  
redu-

sect. 1.

reducuntur, reliqui omnes per *ostensivam reductionem*. Reductio verò per impossibile idèd fit, ut eorum ignorantia omnibus patefiat, qui conclusionem probabilem in his modis non admittunt; ut si protervus quisquam non admiserit, *Alquam plantam non esse hominem* illud quod est omnium absurdissimum, reductione factâ, necesse est ut admittat, dum ejus contradictorium concedat, nimirum *omnem plantam esse hominem*, quippe aut hoc aut illud in contradictoriis necessariò verum est.

Reliqui syllogismi per *reductionem ostensivam* juxta literarum ordinem sunt reducendi.

Ita in *Ca-me-stres C.* notat ipsum reduci debere ad *Celarent, M.* indicat propositionum transpositionem; *S.* in medio ostendit fieri debere simplicem conversionem, ut in hoc exemplo patet.

*Ca* Omnis homo est animal,  
*me* Nullus lapis est animal, ergò,  
*stres* Nullus lapis est homo.

*Ce* Nullum animale est lapis,  
*la* Omnis homo est animal, ergò,  
*rent* Nullus homo est lapis.

Ita in conversione *Darapti D.* notat ipsum

ipsum ad Datu esse reducendum P. in Sect. 1.  
medio designat minoris conversionem  
per accidens, ut

Da *Omnis pius est felix,*  
rap *Omni pius est exosus,* Ergo  
ii *Aliquis exosus est felix.*

Da *Omnis pius est felix,*  
ii *Quidam exosus est pius,* Ergo  
i *Quidam exosus est felix.*

Ex his quæ diximus facile patet,  
quomodo reliqui modi secundæ & ter-  
tiæ figuræ ad primam possunt reduci,  
modò discantes id fideliter in memo-  
ria teneant, quod prius in propositio-  
num Conversione didicerunt.

C A P. VI.

*De Syllogismo Hypothetico.*

**H**Astenus de Syllogismi Categorici  
modis & figuris loquuti sumus,  
proximè ad hypotheticum devenien-  
dum, qui ita à Categorico dependet,  
ut nisi ad eum reducatur omninò viti-  
osus est habendus.

Syllogismus *Purè hypotheticus.*  
hypotheticus  
est duplex, vel *Hypotheticus ex parte.*  
Syllogis-

*Syllogis-  
mus hypo-  
theticus  
duplex.*

Sect. 1.

Syllogismus merè  
hypotheticus est,  
qui habet omnes  
propositiones hy-  
potheticas, ut

*Si Animal sit, est  
etiam substan-*

*Si Leo sit, est A-*

*Si Leo sit, est sub-*

Syllogismus ex parte hypotheticus  
est, qui constat ex majori proposi-  
tione hypothetica, & minore catego-  
rica.

Estque Conditionalis.

vel Disjunctivas.

Conditio-  
nalis.

Conditionalis est qui constat majori  
propositione condicionali, ut, *si sol  
luceat dies est, sol lucet, Ergo dies est.*

Tota vis hujus Syllogismi dependet  
à connexionione antecedentis & conse-  
quentis.

Nota.

Reg. 1.

Notandum igitur est, quòd ab as-  
sumptione antecedentis ad assumptio-  
nem consequentis valet illatio, sed non  
à positione consequentis ad positionem  
antecedentis, nisi termini sunt recipro-  
ci; unde non valet, *Si homo est, animal  
est, sed animal est, ergo homo est.* Sed  
potius dicendum, *homo est, ergo ani-  
mal est.*

Reg. 2.

A remotione consequentis ad re-  
motionem antecedentis valet illatio;

non



# Cap. VI. De Syllogismo.

III

Señ. 1.

non autem à remotione antecedentis ad remotionem consequentis, nisi in terminis reciprocis unde invalidus est iste syllogismus, *Si homo sit, animal est, sed non est homo, ergò, non est animal* : valet autem iste, *Si homo sit, rationalis est, sed est rationalis, ergò est homo*; hujus enim syllogismi termini sunt reciproci & convertibiles.

Hic syllogismus ad Categoricalum Reductio est reducipotest, si vis consequentiae loco jus ad Categoricalum ponatur, ut, *si animal est sentit, in Categoricalum resolvitur, dicendo, Omne animal sentit, Homo est animal, ergò, homo sentit.*

Quod si in Majore plures termini se offerant, ad pauciores sunt reducendi : ut, *si Deus irascatur peccatis, Gentiles non sunt justis*, sic reducitur: *Quibus Deus irascitur, si non sunt justis, at Gentilibus propter peccata irascitur, ergò Gentiles non sunt justis.*

Hypotheticus disjunctivus est qui Disjuncti- loco majoris propositionem disjuncti- vus. vam habet, ut, *Aut dies est aut nox, sed dies est, ergò, nox non est.*

Tota ejus vis consistit in membro. Nota, rum disjunctione & oppositione, non enim possunt esse subordinata nec mutilata, sed plena esset eorum reperitio. Valet

Sec. I.

Vale hic Syllogismus quatuor modis.

Quando  
vocalis.

1 Quando ponitur Antecedens, ut tollatur consequens: ut *justus est, aut injustus, sed justus est, ergo non injustus.*

2 Quando consequens tollitur, ut ponatur antecedens: ut, *Dies est aut nox, non est nox, ergo est dies,*

3 Quando negatur antecedens, ut ponatur consequens: ut *aut dies aut nox est, non est dies, ergo est nox.*

4 Quando ponitur consequens, ut negetur antecedens: ut *Aut homo est aut brutum: sed est brutum, ergo non est homo.*

Reductio  
Syllogismi  
disjunctivi  
ad Catego-  
ricum.

Hi syllogismi disjunctivi in conditionales resolvuntur, & ipsi demum in Categoricalos, sic, *aut nox est aut dies, resolvitur in hanc propositionem, Si dies est nox non est, unde rursus Categoricalè concludimus.*

*Nullum tempus nocturnum est diurnum.*

*Hoc tempus est nocturnum, Ergo,*

*Hoc tempus non est diurnum.*

His addi potest conjunctivus syllogismus, ubi major est propositio hypothetica conjunctiva; sed quia in affirmantibus mera est nugatio, ut, *si quis dicit, Socrates est Philosophus, & bonus*

*homo vir*, quid subsumendum? num *Scit*, *i.* hoc quod sit philosophus, vel illud quod sit bonus vir? quorum utrumque antea concessum est, & obinde copulativi syllogismi tantum sunt negativi. Sed quia negativa argumentatio ex copulativa constans, idem infert quod disjunctiva, potius ad disjunctivam ipsam revolvimus, quam distinctam tractationem extruamus.

## CAP. VII.

## De Enthymemate.

**S**ecunda argumentationis species est *Enthymema*, quod est syllogismus imperfectus, in quo alterutra præmissarum reticetur, ut *Homo est animal*, ergo *est corpus*. In Enthymemate prior propositio dicitur *Antecedens*, posterior consequens.

Quæ vero præmissarum sit adiungenda, ex antecedentis & consequentis terminorum inspectione cognoscatur: si enim in antecedente & consequente idem sit subjectum, deest major, si idem prædicatum, minor abest; ut *Temeritas est vitium*, ergo *temeritas est fugienda*, majore caret, quia idem

Quæ vero præmissarum sit adiungenda, ex antecedentis & consequentis terminorum inspectione cognoscatur: si enim in antecedente & consequente idem sit subjectum, deest major, si idem prædicatum, minor abest; ut *Temeritas est vitium*, ergo *temeritas est fugienda*, majore caret, quia idem

Sect. I.

dem est subjectum utriusque præmissæ, quod si propositionem addamus illam, *Omne vitium est fugiendum*, hoc imperfectum Enthymema perfectus fiet Syllogismus. Ita, *Homo est animal*, ergo *Socrates est animal*, est enthymema, in quo minor deest, scilicet, *Socrates est Homo*.

Unde enthymema falsum sit.

Si enthymema sit falsum, accidit vel quoniam una præmissarum est falsa, vel quod consequens non rectè ab antecedente dependet, sic si quispiam argumentaretur, *Homo est animal*, ergo *Homo volat*: argumentum ejus est negandum, quia consequens non rectè ab antecedente dependet, nisi concederemus *Omne animal volare*.

## CAP. VIII.

## De Inductione.

Inductio.

Tertia species est Inductio, quæ fit cum ex pluribus singularibus elicatur generalis conclusio.

Nota.

Per singularia verò hic intelligo & Individua, & Partes, unde evenit, quod Inductio duobus modis fiat, quando procedimus vel à singularibus ad universale, vel à partibus ad totum.

Quod

Quod si singularium aut partium enumeratio sit valde proluxa, addenda est aliqua forma solennis, ut sunt, sic in aliis, non datur aliquid dissimile, sic in ceteris. *Seç. 1.*

A singularibus ad universale.

*Malè perit Dionysius, malè Phalaris, malè Nero, Caligula, nec datur aliquod dissimile exemplum, ergo omnes tyranni malè perierunt.*

A partibus ad totum.

*Plebs Romana optimè de Milone sentit, equester ordo optimè sentit, Senatus optimè sentit, idem de ceteris civibus est dicendum, ergo totus populus Romanus optimè de Milone sentit.*

In hac argumentatione summopere *Cautio* cavendum, ut enumeratio singulorum plena sit & perfecta, & ne qua partium dissimilitudo reperiatur, unde hæc Inductio non valet: *Socrates, Plato, & Themistius fuerunt docti, ergo Omnes homines sunt docti*; Secus enim res se habet in Corydone, & Gryllo.

Inductio ad syllogismum primæ figuræ reducitur, posita loco majoris tali propositione, in qua prædicatum conclusionis de particularibus seu singularibus omnibus, sive enumeratis, sive intellectis tanquam de medio dicatur; *Quomodo ad Syllogismum reducitur.*

&

Sect. 1.

& addetur minor in qua de subiecto conclusionis eadem singularia dicantur, ut *Dionysius, Phalaris, Nero, Caligula* male perierunt.

Sed isti omnes fuerunt tyranni. Ergo, Omnes tyranni male perierunt.

## CAP. IX.

## De Exempla.

Exemplum

**Q**uartæ ratiocinandi forma est Exemplum, quando unum singulare per aliud probatur, ut *Castro de du panam* mota seditionis, ergo, *iste sediciosus punire debet.*

Differt ab Inductione & Syllogismo, quod syllogismus ab universalibus ad particulare, Inductio à particulari ad universale, Exemplum ab uno particulari ad aliud ejusdem naturæ procedit.

Quomodo  
ab Inducti-  
one & syl-  
logismo  
differt.

Dissolvimus exemplum ostendendo partium dissimilitudinem, sic *Laterensis* fuit accusatus quia *consulatum* affectavit, ergo, *Cicero* est accusandus, non valet quia aliter per ambitum, aliter citra ambitum affectavit.

Quomodo  
dissolven-  
dum.

Exemplum ad unum Syllogismum nullo modo reducitur, quia ex quatuor terminis

terminis constat; v.g. si propositum sit Sect. 1.  
 probare, *Periculi plenum esse Anglos*  
*cum Scotis bellum gerere. adferendo si-* *Reductio*  
*mile exemplum de Thebanis & Atheni-* *exemplis ad*  
*ensibus quos finitimi erant, & infelici-* *Syllogismis.*  
*ter bellum gesserunt; necesse est si syl-*  
*logisticè concluderetur, ut quatuor su-*  
*merentur termini, ex quibus duplicem*  
*syllogismum extrueremus.*

*Bellum gerere cum finitimis est me-*  
*dius terminus. Periculi plenum, major.*

*Minor est bellum Anglorum cum*  
*Scotis. Quartus terminus est similis,*  
*tertio, & est bellum Thebanorum cum*  
*Atheniensibus. Ex his terminis duo ef-*  
*ficiuntur syllogismi, quorum prior vo-*  
*catur Prosyllogismus, posterior Syllo-*  
*gismus principalis. v.g.*

*Prosyllogismus.*

*Bellum Thebanorum contra Athe-*  
*nienses fuit malum.*

*Bellum Thebanorum contra Atheni-*  
*enses fuit contra vicinos. Ergo,*

*Bellum contra vicinos est malum.*

*Syllogismus principalis.*

*Bellum contra vicinos est malum.*

*Bellum Scotorum contra Anglos est*  
*bellum contra vicinos. Ergo,*

*Bellum Scotorum contra Anglos est*  
*malum.*

Hi

Sect. I.

Hi duo syllogismi ad hunc modum ad unum Enthymema rediguntur.

*Bellum Thebanorum contra Athenienses fuit malum, Ergò, etiam Scotorum contra Anglos: hujus consequentiæ ratio est, quia utrumque fuit contra finitimos, qualia bella solent esse mala.*

## CAP. X.

*De aliis minùs perfectis argumentandi formulis.*

**Q**Uatuor istæ de quibus egimus argumentandi formulæ sunt magis principales restant jam aliæ imperfectæ quæ ratione materiæ magis quam formæ concludunt.

Inter has primo occurrit Sorites, quæ est concatenatio propositionum & series coacervata, quâ Prædicatum prioris propositionis fit subiectum sequentis, donec primum subiectum cum postremo prædicato componatur: ita ratiocinatur D. Paulus. *Quos præcognovit prædestinavit, quos prædestinavit, vocavit, quos vocavit justificavit, quos justificavit glorificavit, ergo, quos præcognovit glorificavit.*

Hæc



Hæc argumentatio ex paucioribus quam quatuor propositionibus non constat, & valet quando ab ima specie ad summum genus per intermedia ascendimus; vel a causis ad effectus proximos, qui rursus sunt aliorum effectuum causa.

Sec. I.

Nota.

Vitiosa est, quando termini diversarum categoriarum confunduntur, vel causæ per accidens confundantur cum causis per se, vel una propositio sit negativa, vel propositio particularis in secundo aut tertio loco ponatur, vel quando peccat contra unam limitationem primæ regulæ antepredicamentalis, supra quam hoc argumentandi genus funditur.

Quando vitiosa.

In Sorite multi latent Syllogismi, quorum unus principalis dicatur, cuius major terminus est prædicatum, minor est subiectum conclusionis in Sorite, medium vero est subiectum propositionis conclusionem antecedentis; reliqui vocantur prosyllogismi, qui sunt ex terminis intercedentibus: quorum enim termini, tot media repertiuntur ad syllogismos minus principales conficiendos, ubi in prædicta Sorite principalis syllogismus est.

Quomodo ad Syllogismum reducitur.

Qui iustificantur glorificantur,

F

Qui

Sect. I.

Qui praeognoscuntur justificantur,  
Ergo, etiam glorificantur.

Prosyllogismi vero ex intermediis  
terminis ad hunc modum colliguntur.

Qui vocantur justificantur,  
Omnes praesciti vocantur, ergo,  
Omnes praesciti justificantur.

Item,

Omnes praedestinati vocantur,  
Omnes praesciti sunt praedestinati,

Ergo,

Omnes praesciti vocantur.

In Sorite observandum, ut syllogismi in quos resolvitur sint in prima figura, quod in illa ejus consequentia ratio potissime demonstretur.

**Dilemma.**

Post Soritem adjungamus Dilemma, quae est arguendi forma, in qua sic confirmamus nostra, aut impugnamus aliena, ut quaecunque interrogationis partem adversarius accipit, causa cadit; ut, si animus est corporeus, quomodo percipit incorporea? si incorporeus, cur sensu contabescit?

Optimum est Dilemma quod constat ex contrariis inter quae nullum est medium.

**Quando vitiosum.**

Vitiosum est, si disjunctio non sit plena, sed datur tertium, aut quatuor membrum, vel si utraque aut omnes parte

partes adversarium non ferunt, vel si *Sec. I.*  
idem Dilemma contorqueri possit in  
adversarium.

Dilemma in unum syllogismum *Quomodo*  
hypotheticum, & duos categoricos re- *reducitur.*  
solvitur, in illum propter majorem,  
quæ constat ex propositione hypothe-  
tica, in hos propter minorem bifurca-  
tam: exempli gratiâ, *Si datur animus,*  
*tam est corporeus vel incorporeus; sed*  
*non est corporeus, nec incorporeus; Ergo*  
*non datur animus.*

Hujus Syllogismi minor, quoniam  
bimembris est, in duos categoricos ita  
resolvitur.

*Quod percipit incorporea non est cor-*  
*porum.*

*Animus percipit incorporea,*  
*Ergo, Animus non est corporeus.*

Item:

*Nullum incorporeum sensu conta-*  
*bescit,*

*Omni animus sensu contabescit,*  
*Ergo,*

*Nullus animus est incorporeus.*

His adjiciamus Violentum, quod est *Violentum*  
concludendi modus, in quo ex ad-  
versariorum ratione, non quod ipsi  
volunt, sed quod nobiscum facit se-  
qui demonstramus, ut *Nolo Philoso-*

*Seca 2.* *phiz operam dare, quia sum filius Regis;*  
*retorqueri enim potest, Imò eo magis*  
*Philosophia insudandum quoniam ex*  
*regali serpente natus.*  
 Hactenus de formali consideratione  
 argumentationis, sequitur materialis  
 sequenti sectione enucleanda.



## SECTIO SECVNDA LIBRI TERTII.

### C A P. I.

*De Divisione argumentationis.*

<i>Argumen- tationis di- visio.</i>	Argu- menta- tio quo- ad mate- riã dixi- tur in	{	Necessariã seu Apodi- cticam, pro- babile, seu Dialecticã Fallacem seu Sophi- sticam.	{	quæ con- clu- dit ex mate- ria	{	Neces- saria.  Proba- bilis  Capti- vosa.

Inter

Inter has argumentationes de apodictica pro materia necessitate primo dicemus. *Sett. 2.*

Argumentatio necessaria est, quæ in scientiis & artibus ex propriis earum principiis conclusionem probat. *Argumentatio necessaria, quid, quomodo.*

Quum enim disciplinarum alie sunt Theoreticæ, quæ cognitione veritatis consistunt, alie practicæ quæ in rerum actione aut effectione versantur; utraque autem probandi ac docendi ea quæ ipsis subjiciuntur, ex propriis principiis, vim facultatemque habeant; hinc fit quod duplex oriatur Argumentatio necessaria; unam Demonstrativam, alteram Didascalicam appellamus.

Demonstrativa est, quam ad scientiam comparandam accommodamus, ut, si probemus in naturali Philosophia hominem esse risibilem, quia est rationalis, aut lunam pati eclipsin, quia terra interponitur. *Demonstrativa.*

Didascalica est, quâ in arte aliqua utimur ad certum aliquid confirmandum, ut si concludamus in Medicina dulcia calidis naturæ non competere, quia citò vertuntur in bilem. *Didascalica.*

Et licet hæ duæ argumentationes quâdam generali materiâ. *Quomodo inter se differunt.*

Sect. 2.

sunt ex propositionibus necessariis & propriis ; & sine generali, quia simul firmam cognitionem pariunt, consentire videantur : si tamen impensius consideremus, videbimus easdem *dis* *sta* *nuon* dissentire ; nam principia propria scientiarum ex quibus demonstrativè concludimus, sunt res necessariae ; artium verò principia vel hominis industria generantur, aut si sunt necessaria in sua natura, ratione tamen usus & applicationis in artificis manu sunt posita ; præterea, finis Demonstrationis est certa cognitio in qua mens acquiescit, ac Didascalicae argumentationis finis ad actionem aut affectionem dirigitur. Medicus enim non acquiescit in morbi cognitione per suas causas & symptomata, sed procedit ad expulsionem morbi cum sua causâ.

Nos priori loco de argumentatione demonstrativâ, & in illa primò de ejus definitione, secundo de illius divisione, ultimo de affectionibus breviter, & quantum res patitur aperte agemus.

C A P. II.

De Definitione prima demonstrationis.

**D**emonstrationis definitio petitur aut à fine ejus ad quem collimat, vel à materia ex qua constituitur.

Prima ejus est Scientia; unde Demonstratio ab *Aristotele* dicitur syllogismus, qui scientiam parit.

In qua definitione, primò quid Scientia est, inde quomodo acquiritur ostendemus.

*Prima definitio demonstrationis.*

Scire est causam cognoscere, propter quam res est, quòd illius causa fit, & quòd aliter se habere nequit.

*Scire quid:*

Ad scientiam igitur quatuor requiruntur, primò ut causa cognoscatur, secundo, ut illa causa sit proxima, tertio ut cognoscatur, quatenus est illius rei causa, id est, ut connexionem causæ cum effectu cognitam habeamus, quarto, ut certus sit animus rem aliter se habere non posse.

*Ejus conditiones.*

Ex his colligimus duplicem esse Scientiæ certitudinem, unam ratione objecti seu rei scibiles, quando causam ejus proximam apprehendimus; alteram ratione subjecti, seu animi scientis, ut scilicet certus sit, rem aliter se habere non posse, certus autem est,

*Duplex scientiæ certitudo.*

Sect. 2.

quia causam cognoscit, quâ cognitâ  
necessariò cognoscitur effectus.

Præterea quod ad scientiam

*Tria ad scientiam necessaria.*

hæc acquisitionem autem  
nec cognoscendum est. } **Subjectum.**  
} **Principia.**  
} **Affectiones.**  
tria ad omnem scientiam  
necessariò requirunt.

*Subjecti  
conditio-  
nes 4.*

Subjectum cuiuslibet scientiæ qua-  
tuor conditiones requiritur: primò, ut  
sit ens per se, secundo, ut sit præcog-  
nitum, tertio, ut affectiones & pro-  
pria principia habeat, quarto, ut ejus  
consideratio nulla alia sit, quam ut his  
omnibus subternatur, sic corpus natu-  
rale est subjectum physiologia, & in ea  
omnes hæ conditiones simul concurrunt.

*Nota.*

Per subjectum autem scientiæ sub-  
stantiam solam non intelligo, sæpe-  
numerò enim accidentia sunt varia-  
rum scientiarum subjecta, ut, numerus  
*Arithmetica*, magnitudo *Geometria*,  
quæ licet in alia scientia possint de-  
monstrari, ut in *Physica*, propriis ta-  
men scientiis nunquam demonstran-  
tur, sed præcognoscuntur & quod sint,  
& quid significant.

In quolibet subje-  
cto duo occurrunt  
consideranda

Res considerata.  
Modus conside-  
randi.

Una



Una res considerata pluribus scien- Sect. 23  
 tiis potest communicari, at modus Reg. 1.  
 considerandi in iisdem alius est atque  
 alius, sic in scientia naturali naturale  
 corpus est subjectum, & res considerata,  
 modus verò ipsam considerandi est qua  
 naturale, idem etiam est res considera-  
 ta in Medicina, non autem qua natu-  
 rale, sed qua sanabile.

Scientia subalternans & subalter- Reg. 2.  
 nata habent eandem rem considera-  
 tam, & eundem modum considerandi;  
 in hoc solum differunt, quòd scientia  
 subalternans subjectum considerat ab  
 omni materia & sensibili qualitate  
 sejunctum, sed subalternata idem con-  
 trahit ad materiam sensibilem; ut A-  
 rithmetica de numero agit nullam ha-  
 bente sensibilem qualitatem, Musica in  
 eodem sonu adjuncto versatur, quare  
 Musica subordinata dicitur & veluti  
 filia. Arithmetica subalternans &  
 tanquam mater. Hoc autem si ita se  
 habet, talem subalternationem in folis  
 Mathematicis reperire necesse est,  
 quòd in iis tantum res cum sensibili  
 materiâ, nonnunquam existunt, non-  
 nunquam mente & cogitatione sepa-  
 rantur.

Principia scientiarum sunt ea quibus

Principia  
 qua.

Sect. 2.

in aliqua disciplina nihil est prius.

Sunt duplicia, Essendi vel Cognoscendi.

Essendi.

Essendi principia sunt, quæ dant esse rei, sic materia &amp; forma sunt principia essendi in corpore naturali.

Cognoscendi.

Cognoscendi principia sunt, quæ non ad essentiam, sed ad cognitionem rei conducunt.

Quomodo differunt.

Differunt quod principia essendi sunt principia cognoscendi, sed non contra. Præterea, essendi principia sunt res simplices, neque semper cognoscuntur, sed aliquando demonstrantur à posterioribus; *hominem rationalem esse demonstramus, eo quod est resibilis.*

Cognoscendi verò principia sunt voces complexæ, seu propositiones, quæ sine ulla probatione in sua scientia accipiuntur, aut si probanda sunt in alia scientia probantur.

Cognoscendi principia duplicia.

Hæc cognoscendi principia sunt duplicia, Propria, vel Communia.

Communia.

Principia communia sunt quæ omnibus aut pluribus artibus, & scientiis communicantur: sic principium illud contradictionis, *Quidlibet est vel non est*, ubique veritatem obtinet, & omnibus disciplinis accommodatur; item, *si ab aequalibus aqualia demas ea quæ remanent*.

remanent erunt *agnata*, est principium cum Arithmetico tum Geometrico magnitudinibus & numeris commune. Hæc vulgò *agnata* & Dignitates appellantur.

Sect. 2.

Principia propria sunt, quæ ad unam *Propria*. duntaxat scientiam spectant, ut sunt in Geometria, *A quolibet puncto ad quodlibet punctum lineam rectam duci posse*: in Medicina, *Contraria contrariis sanantur*: in Physica, *Ea nihilo ab initio generatur*. Hæc pro diversa ratione Hypotheses, Postulata, & definitiones vocantur.

Principia communia ad Topicam, *Nota*. non Demonstrativam argumentationem spectant, nisi quatenus ex illa demonstrantibus inserviant, ad principia propria confirmanda.

Affectio est accidens proprium, quod per se & essentialiter subjecto scientiæ inhæret.

Tres sunt ejus conditiones, primo, *Affectio*. ut inhæreat, secundo, ut per se inhæreat, id est, ut naturam & essentiam propriam subjecti consequatur: tertio, ut præcognoscatur, quid ejus nomen significat, Quod autem & Cur sit per demonstrationem innotescat.

Quod in una scientia est affectio, in *Nota*.  
alia

Sect. 2.

alia potest esse subiectum; sic *Magnitudines et numeri accidentia sunt in Physiologia, sed in Mathematicis subiectum locum tenent.*

His tribus partibus scientiæ respondent totidem partes demonstrationis; Subiectum de quo demonstratur; Principia per quæ fit demonstratio; & Affectio quæ demonstratur: ut, si demonstremus risibilitatem esse affectionem, qua homini ut primo subiecto inhaeret per rationalitatem, tanquam per causam proximam; tum enim veram risibilitatis scientiam acquiescimus & hac ratione Demonstratio dicatur Syllogismus scientificus.

## CAP. III.

*De secunda definitione Demonstrationis.*

**F**ine Demonstrationis exposito, dicendum est de mediis, quæ ad finem conducunt, seu de materia ex qua demonstratio conficitur, ut scientiam pariat.

Materia ejus quinque notis insignitur, quas omnes Aristoteles in hac secunda definitione sigillatim enumerat.

De

*Materia  
syllogismi  
quinque  
notis con-  
stat.*

Demonstratio est Syllogismus sci- *Sec. 2.*  
entificans, qui constat ex veris, primis,  
immediatis, notioribus, prioribus, &  
causis conclusionis.

Prima conditio est, ut constet ex ve- *Primis*  
ris, seu ut alii addunt, necessario veris. *conditio*

Veræ autem propositiones dicuntur,  
quorū prædicata verè dicantur de sub-  
jecto, & quo ætiori vinculo prædica-  
tum cum subiecto unitur, eò magis e-  
tinefcit veritas. Quum igitur istæ pro-

positiones debent esse summopere ve-  
ræ, inde est, quod habentur apprimè  
necessariæ. Hinc est quod Aristoteles

tres neces- *ἡ τὸ παντὶς, seu de Omni.*  
sarias gra- *ἡ καθ' αὐτὸν, seu per se.*  
dus enu- *ἡ καθόλου καὶ κοινῶς, seu qua-*  
merat: *tenus ipsum.*

*Tres gra-*  
*dus neces-*  
*sariæ.*

*Κατὰ παντὸς.* De omni est quod  
omni semperque convenit: dux igitur  
requiruntur conditiones, ut propositio  
sit de omni, Universalitas subiecti, ut  
prædicetur de omnibus subiecto con-  
tinentis, *ut in vere verum est quod omnis*  
*arbor viret.* Universalitas temporis, ut  
prædicatum subiecto attribuatursine  
ulla temporis aut loci exceptione, ut  
*omnis homo est animal,* si prior condi-  
tio solum adsit, vocatur, *De omni pro-*  
*positum,* si addatur posterior, dicitur

*Primus*  
*gradus.*

*Ejus con-*  
*ditiones.*

*De*

Sec. 2.

*De omni Posterioris. Hoc 2<sup>o</sup> part<sup>o</sup> differt à dicto de Omni in syllogismi regulis, quod istud ad unam propositionem, sed Dictum de Omni ad totum syllogismum refertur: præterea Dictum de Omni solum subjecti universalitatem requirit, sed 2<sup>o</sup> part<sup>o</sup> universalitati subjecti perpetuitatem temporis addit.*

*Secundus  
Gradus.*

*Primus &  
secundus  
modus di-  
cendi per  
se.*

*Kab' autò, per se quadrifariam dicitur. Primus modus est quando prædicatum est de subjecti definitione, ut, homo est rationalis. Hujus quinque statuuntur prædicata, Genus. 1. Remotum, & 2. Proximum, differentia. 3. Remota, & 4. Proxima, & denique 5. Definitio.*

*Secundus modus est, quando subjectum est de definitione prædicati; ut, Homo est risibilis. Huc spectant omnes propositiones quarum prædicata sunt propriae affectiones.*

*Dua con-  
ditiones.*

*Utrique modi duas condiciones requirunt, prima utrique communis est, ut scilicet nexus sit essentialis inter prædicatum & subjectum; secunda facit ipsos à se mutuò differre; nam ad primum modum requiritur, ut prædicatum sit de essentia subjecti, ad secundum, ut subjectum sit de essentia prædicati.*

His

His duobus modis per se opponitur Sect. 2.

unus modus dicendi per accidens, quando scilicet nullus est essentialis nexus inter prædicatum & subiectum, ut, *omnis Corvus est niger.*

Primus modus dicendi per accidens.

Hæc enim propositio est *καὶ πᾶντος*, non autem *καθ' αὐτὴν*, seu per se.

Tertius modus dicendi per se est, quando existentia de substantia dicitur, ut *Socrates est.*

Tertius modus dicendi per se.

Huic opponitur secundus modus dicendi per accidens, cum existentia de accidente enunciatur, ut *Albedo est.*

Secundus modus per accidens.

Sed iste tertius modus ad demonstrandum est inutilis, quod illius termini non sint realiter distincti. *Existentia* enim non est res distincta à *re existente*, nec est accidens reale, sed intentionale.

Quartus modus dicendi per se est, cum causa efficiens, aut finalis de effectu, aut effectus de iisdem causis, prædicatur, ut *Fugulatus interit.* Huic opponitur modus tertius prædicandi per accidens, in quo causa fortuita vel valde remota, de effectu prædicatur, ut *me ambulante coruscavit.*

Quartus modus dicendi per se, & tertius per accidens.

*Καθόλου πρῶτον*, quatenus ipsum est, Tertius in quâ attributum de subiecto non tantum universaliter, & per se, sed cessitatis, etiam

Sect. 2.

etiam primo, immediate, & reciprocè prædicatur, ut *Omne vivens nutritur*.

Hæc necessitas tum reperitur cum prædicatum subiecto conveniat quatenus subiectum est tale, seu cum reduplicatione subiecti; sic, *corvo simul conveniunt volatum & crocissatio*, sed *volatum*, ut est *avis*, *crocissatio* ut est *corvus*; Quocirca *corvus crocissat*, est quatenus ipsum, non autem *corvus volat*.

*Quæ sunt in tertio necessitatis gradu.*

Tria sunt prædicatorum genera in hoc necessitatis gradu. Primum est propriorum accidentium, ut *homo est risibilis*; secundum est, specificarum differentiarum, ut *homo est rationalis*; tertium est proximarum causarum, in quod *vivis nutritur*.

*Reg. 1.*

Inter dictos necessitatis gradus posterior est semper priori perfectior; primus enim solum subiecti universalitatem notat, cum perpetuitate temporis; secundus addit nexum essentialem, tertius reciprocationem. Quum autem Aristoteles dicat, quod *per se*, & *quatenus ipsum* idem sunt, illud intelligendum est de *per se* strictè sumpto, & verum est in primo modo, non nisi differentia proxima, aut tota definitio sit prædicatum; in secundo vero



verò modo semper veritatem obtinet, quod ibidem affectio de proprio sub-  
jecto dicitur; nonnunquam etiam in  
quarto reperitur, si modò sit nexus de-  
finitivus inter causam & causatum,  
ut inter eclipsin & terra objectio-  
nem, cum eclipsi, sine terræ objectio-  
nis mentione causaliter definiri ne-  
queat.

Primus gradus necessitatis in omni  
propositione cujuscunque demonstratio-  
nis discernitur.

Secundus & tertius ubique reperit-  
ur, si medium demonstrationis sit cau-  
sae utriusque extremi; ut, *Omne ratio-  
nale est risibile, Omnis homo est ratio-  
nalis, ergo, omnis homo est risibilis*; ubi  
rationale, non risibilitatis solum, sed  
etiam hominis causa est: quòd si medi-  
um sit causa solius majoris extremi, &  
non minoris, *Propositio & Conclusio  
sunt. Quatenus ipsum*, minor verò  
tantum abest, ut *Quatenus ipsum ha-  
beatur*, ut aliquando non sit per se, v.  
g. *Omne corpus sphaericum recipit lumen  
per incrementum: sed luna est corpus  
sphaericum, ergo, Luna recipit lumen  
per incrementum. Hic luna est sphari-  
ca, est de Omni, non autem per se, nec  
quatenus ipsum, vera tamen est de-  
monstratio*

Sect. 2.

Reg. 2.

Se-

Sect. 2.

Secunda  
conditio.

Secunda conditio demonstrationis est, ut constet ex primis & immediatis. Prima autem seu immediata propositio dicitur, quando inter eas prædicatum & subjectum nullum intercedit medium, quod sit causa inhaerentiae prædicati in subjecto; ut, *Omnis homo est risibilis*.

Immedi-  
tas duplex.

Propositio quobus modis dicitur prima seu immediata, vel ratione causæ, quæ nullam habet mediam causam, per quam demonstrari potest; vel ratione subjecti, quando prædicatum inest alteri subjecto priori.

Nota.

Potest autem propositio esse prima ratione subjecti, quæ non est prima ratione causæ; sic, *homo est risibilis*, est prima ratione subjecti, quia *risibilitas* primo *homini* inest, non autem ratione causæ, quia *risibilitas homini inest per rationalitatem*; nam *rationalitas* in causando est *risibilitate* prior; sed *homo est rationalis*, utroque modo est propositio prima, non solum ratione subjecti, sed etiam causæ.

Reg.

In omni demonstratione major est immediata ratione causæ, quod in illa medius terminus cum maiore extremo (cujus causa est) conjungitur: conclusio autem immediata est immedie-  
tate

est subjecti, quoniam in illâ affectio *Sec. 2.*  
 de subjecto dicitur cui primario con-  
 venit. Minor verò immediata est, si  
 medius terminus utriusque extremi  
 sit causa, aliàs mediata est actu, licet  
 immediata sit potentiâ, quatenus sci-  
 licet resolvi potest in unam immedia-  
 tam, quæ est definitio subjecti, & inde-  
 monstrabilis, ut postea patebit. Hæc  
 clarius elucescent, si exemplum sub-  
 jungamus.

*Omne rationale est risibile.* Est im-  
 mediata ratione causæ.

*Omnis homo est risibilis.* Est immediata ratione causæ  
 & subjecti, quia *rationale* est  
 utriusque extremi, *hominis*, sci-  
 licet & *risibilitatis*, causa.

Ergo, *omnis homo est risibilis*, imme-  
 diata est ratione subjecti, quia *risibili-  
 tas homini primò inest.*

Quod si receptio luminis per incre-  
 mentum de lunâ probetur, per *sphæri-  
 cam figuram*, ut superius demonstravi-  
 mus, minor erit, *Luna est sphærica*, quæ  
 neutro modo est immediata, nec ratio-  
 ne causæ, nec respectu subjecti.

Tertia conditio est, ut constet ex *Tertia con-  
 dicio.* Ignoratum enim per notum  
 semper demonstratur, quocirca ne-  
 cesse est, ut termini sint præcogniti:  
 quod

Sect. 2.

Quod ut melius intelligatur, notandum est, quod quatuor apud Aristotelem recensentur quæ sit, duo simplicia,

Quatuor  
quæstiones.

An sit, & Quid sit, duo complexa, Quod sit, & Cur sit?

An sit.

Quæstio, An sit inquit, rō sitæ vel subjecti, vel prædicati, ut An sit Luna, An sit Ecclipsis.

Quid sit.

Quæstio Quid sit, naturam Prædicati aut subjecti seorsim investigat. Quid est Luna, Quid est Ecclipsis. Estque vel Quid nominis, vel Quid rei. Quid nominis declarat, Quid nomen importat, ut, quid significat Ecclipsis. Quid rei naturam & essentiam quæ sit investigat, Quid est Luna? Quid est Ecclipsis.

Hæ duæ vocantur Quæstiones simplices, quia de terminis simplicibus quærunr.

Quod sit.

Quæstio Quod, seu utrum sit investigat, utrum prædicatum subjecto insit; ut utrum Luna ecclipsin patiatur?

Cur sit.

Quæstio propter Quid, seu Cur sit, inquit ob quam causam prædicatum subjecto tribuitur: ut Cur Luna Ecclipsin patiatur?

Hæ duæ vocantur complexæ, quia de integris propositionibus quærunr.

Quatuor illæ quæstiones ad duas reducuntur.

reduci possunt: nam sub *Quid sit* con- Sect. 2.  
 tinetur. *An sit*, sub *Cur sit* *Quid sit*;  
 proinde *Quid sit* & *Cur sit* sunt per- *Quomodo*  
 fectæ quæstiones, *An sit* & *quid sit* sunt dua  
 imperfectæ. *tantum.*

Subiectum & Principia in omni de- Reg.  
 monstratione præcognoscenda sunt,  
 & *quid nomen significat*, & *quod sint*.  
 Affectio solum præcognoscitur, *Quid*  
*nomen significat*; *Quid enim* & *Cur*  
*fit* demonstratione probantur. Atque  
 hinc est quòd Aristoteles dicit demon-  
 strationem à notioribus procedere;  
 non solum quòd propositiones sunt  
 conclusione notiores, sed quia subje-  
 ctum de quo demonstratur, & princi-  
 pia per quæ demonstratur simul sunt  
 affectione notiora.

Quarta conditio cum tertiâ con- *Quarta*  
 currit, & ex illa consequitur, quia e- *conditio.*  
 nim principia sive causæ sunt notio-  
 res, idè priores sunt conclusionem.

Prius autem & notius aliud alio du- *Prius dici-*  
 obus modis dicitur, *vel nobis*, ut sunt *tur dupli-*  
 omnia singularia, quæ sensibus obji- *citer.*  
 ciuntur; *vel naturâ*, ut universalia, quæ  
 intellectui solum sunt obvia, *sic causa*  
*naturâ*, sed *effectus nobis* sunt notiores.

Demonstratio primariò & præci-  
 pue ex notioribus natura procedit,  
 quia

Sect. 2.

quia conclusionis proximam causam ostendit, & ex consequenti à notioribus nobis: quia omnis demonstratio ob nostram cognitionem fit; quando enim causa semel nobis innotescit, melius apprehendimus effecta. Hinc est quod demonstrationes aliæ procedunt à notioribus nobis ordinem naturæ servantibus, aliæ ex notioribus nobis ordine naturæ contrariis utentibus; illæ procedunt à causis ad effecta, hæ ab effectis ad causas, illæ sunt *directæ*, hæ autem *indirectæ*.

**Quinta  
conditio.**

Ultima conditio est, ut constet ex causis conclusionis, id est, ut medius terminus sit causa affectionis, quæ in conclusione de subiecto prædicatur.

**Quatuor  
causarum  
genera.**

Causarum verò quatuor sunt genera; duo sunt	Inter- na	{	Materialis,	{	quæ in intrinsecis constituuntur
			Forma,		quæ extrinsecis ad subiecti naturam condu- cunt.
	Ex- terna	{	Efficiens,	{	
			Finis,		

**Materialis.**

Causa materialis est, ex qua aliquid fit.

**Formalis.**

Formalis est, quæ dat intrinsecam essentiam substantiis & accidentibus.  
*Sic quando rana fit ex terra putredine,*

dine, putredo terræ materialis, & ranae forma formalis causa dicitur.

Sec. 2.

Causa efficiens est, quæ sua actione aliquem producit effectum, Estque vel externa, quæ semper cum actione aut passione agit, ut, quando ignis aquam calefacit, vel interna, quæ solâ emanatione effectum producit, ut, rationalitas existitatem.

Efficiens.

Finis est, cujus gratiâ res fit.

Finis.

Omnia hæc quatuor causarum genera demonstrationem ingrediuntur, sed duo externa primariò, & eorum ratione interna. Materia demonstrationem illam ingreditur, in qua accidens per causam internam demonstratur, quia medium tale est, quale requirat materialem necessitatem cum forma unitam, unde affectio emanaret, unde materia dicatur *conditio sine qua non*, formam concomitans. Forma verò est medium, quatenus est causa efficiens interna, quæ per fluxionem efficit aliquid. Restat igitur quòd efficiens & finis propriè & primariò sint media demonstrationis: utriusque nos exempla ponemus.

Quomodo omnes causa demonstrationem ingrediuntur.

Inter quod, & solem terram interponitur, id lumina deficit.

Inter lunam & solem terram interponitur

Sect. 2.

ponitur, lumine igitur luna deficit.

Item. Qui vult esse sanus, non vult  
cibum autem ventriculi finire.Ambulans post cenam vult esse sanus,  
non vult igitur finire cibum.Prior demonstratio pro suo medio  
habet causam efficientem, posterior fi-  
nalem.

Corollaria

Ex his quæ de utraque definitione  
diximus, hæc colligenda sunt corol-  
laria.Primo quod ad terminos attinet  
Subiectum in demonstratione semper  
est minor terminus, & aliquando est  
substantia, ut *homo*, aliquando acci-  
dens, ut *numerus*.2. Affectio seu propria passio sem-  
per est major terminus, & accidens,  
aut ab interna, aut ab externa causa  
constitutum; nunquam verò substan-  
tia potest demonstrari: ut enim res  
demonstretur, requiritur primò: ut  
causam extra essentiali habeat; secun-  
dò, ut per se & necessariò substantia  
insit; per utramque conditionem ex-  
cluditur substantia, & per secundam  
accidens commune; solum igitur re-  
linquitur proprium accidens, quod di-  
catur demonstrabile.Quid est  
demonstra-  
bile.3. Principium in demonstratione  
potest.



potissimâ est proxima causa affectio- Sect. 2.  
nis, & nonnunquam minoris extremi  
est causa, quando nimirum affectio  
demonstranda ab interna causa per e-  
manationem fluit; semper verò majo-  
ri, qualiscunque fuerit affectio.

4 Quod autem ad propositiones  
quæ demonstrationem ingrediuntur  
spectat, hoc solum in iis observandum  
majorem & conclusionem semper esse  
immediatam, illam primitate causæ  
hanc primitate subjecti; minorem ve-  
rò tunc temporis reperiri immediatam  
cùm medium est subjecti forma, &  
utriusque extremi causa, aliàs semper  
esse mediatam;

### CAP. III.

#### De divisione Demonstrationis.

Demonstratio, non ut univocum, *Demonstra-*  
sed ut analogum genus primò divi- *tionis pri-*  
ditur in Demonstrationem propter *ma divisio.*  
Quid, & Demonstrationem, Quod.

Demonstratio propter Quid, est *Demonstra-*  
prima & principalis species quam su- *io propter*  
periore capite definivimus. *Quid.*

Demonstratio Quod, est quâ res *Demonstra-*  
quidem esse ostenditur, causa tamen *io Quod.*  
G ejus

Sect. 2.

*Quomodo  
differunt.*

ejus non indicatur, sed effectus.

Hæ duæ species conveniunt, quòd ambæ fiunt à propositionibus veris, prioribus & notioribus conclusionibus: sed differunt quòd *una* procedit à prioribus secundum naturam, & causis proximis conclusionis: at *otra*, vel ab effectu procedit, & sic non erit à causa; vel si à causa procedat, erit remota non proxima, & sic non constabit ex immediatis.

*Demon-  
stratio pro-  
pter quid  
duplex.*

*Simplex.*

Demonstratio propter quid subdividitur in *Simplex*, & *Compositam*.

Simplex demonstratio est, cujus ambæ propositiones sunt indemonstrabiles: ut sunt omnes illæ demonstrationes, quarum medium est pars essentialis subjecti: ut, *cum risibile de homine per rationale demonstretur*.

*Composita.*

Composita est cujus minor propositio est mediata, ideoque eget pro syllogisticâ demonstratione, donec ad ambas propositiones indemonstrabiles pervenimus, ut *si quis probaret ignem tendere sursum, propter summam ejus levitatem, tanquam per causam proximam*, hujusmodi esset ejus demonstratio.

*Quodcunque leve est tendit sursum. Ignis levis est, ergò, tendit sursum.*

Sed

Sed quia hæc minor propositio, non est per se immediata, idèd prior al-  
quâ probatione opus est, quam vocant  
prosyllogisticam, quâ *levitatem de  
igne* demonstremus: ut quod *summè  
calidum est, est summè leve, Ignis est  
summè calidus, ergò, est summè levis.*  
Atqui cùm ad primam causam adhuc  
non sit perventum, ulterior probatio  
est introducenda, in qua caliditatem  
de igne per suam formam nobis ig-  
notam demonstremus: ut, *Quod for-  
mam ignis habet est summè calidum.  
Elementum igni habet formam ignis,  
Ergò, Elementum ignis est summè ca-  
lidum.* Cujus demonstrationis minor  
cùm sit immediata ulteriùs demon-  
strari non potest, & proinde acquie-  
scendum est in ipsa, tanquam in primâ  
causâ jam inventâ.

Inter hos Syllogismos, primus voca-  
tur Syllogismus principalis; reliqui di-  
cantur Prosyllogismi seu Epagogici,  
qui ducunt nos ad primum & princi-  
palem syllogismum ritè intelligen-  
dum. Atque hinc apparet, quomodò  
omnes demonstrationes ex immedia-  
tis constant, vel scilicet actu, ut Sim-  
plex, vel potestate, ut Composita,  
cujus minor per multas resolutiones

Nota.

Sec. 2.

tandem evadit immediata.

*Demonstratio quod duplex.*

Demonstratio quod duplex est, vel enim procedit a

Causâ remotâ, ad effectum.

Effectus ad causam.

*A causa remota.*

Demonstratio à causa remota, plerumque negativa est, & extruitur in secunda figura in *Camestres*, cujus ratio est, quoniam causa remota, ut plurimum, est amplior suo effectui, quare eâ positâ non necessario ponitur effectus, sed ablatâ tollitur.

In hac Demonstratione, effectus est major extremitas, qui cum causâ remotâ in majori propositione conjungitur subiectum est minor, qui in minori à causa remota amovetur, ut ab ipsa non constitutus, v.g. si probandum esset *Parietem non respirare*, quia *non est animal*, ad hunc modum extruere-  
tur Syllogismus.

*Ca Omne animal est respirans,  
me Nullus paries est animal, Ergo,  
fres Nullus paries respirat.*

Fieri tamen potest, ut affirmativè in prima figura concludatur, nempe si contingat causam remotam cum effectui reciprocari, ut *Quacunque animal habet nutriuntur, Planta habet*  
*animam,*

*animam, Ergò, Planta nutritur.* Ani- Sect. 2.  
ma enim non est causa proxima nu-  
tritionis, sed potentia vegetativa ab  
anima dimanans. Sed quia hoc rarò  
contingit, hujusmodi Syllogismos A-  
ristoteles non respexit.

Demonstratio ab effectu ad cau-  
sam locum habet, quando effectus est *Quando da-*  
notior, & causa ignotior: tunc enim *monstratio*  
ostendimus inesse alicui causam, eò *ab effectu*  
quòd eidem inest effectus, ut, in natu- *locum ha-*  
*rali corpore probamus materiam inesse,*  
*quia eidem inest generatio, & natu-*  
*rale corpus motorem habere aeternum,*  
*quòd aeterno cietur motu.*

Hæc Demonstratio potest extrui in *Quomodo*  
prima figura & affirmative, quia po- *extruitur.*  
sito effectu ponitur causa: potest eti-  
am fieri negativa, & in secunda, si ali-  
cui subjecto causam non inesse osten-  
dimus, eò quòd eidem non inest effe-  
ctus.

Ex his quæ de prima divisione de-  
monstrationis secundùm materiam  
diximus, jampridem elucescat quid  
de secunda ejus divisione quoad for-  
mam dicendum sit.

Bifariam { Secundùm Affirman- *Secunda*  
enim divi { Qualita- } tem. *divisio de-*  
ditur, vel { tem in } Negantem. *monstrati-*  
*onum.*

Sect. 2.

Secundum } Universalem  
 Quantita- }  
 tatem in } Particularem.

*Universalis demonstratio.* Universalis demonstratio est, quæ affectionem ostendit de universo sub-  
 jecto, cui primo inest.

*Particularis demonstratio.* Particularis demonstratio est, quæ ostenditur prædicatum non de toto sub-  
 jecto, sed de aliqua ejus parte. Hinc patet, quod universalis & parti-  
 cularis demonstratio longè differunt ab universali & particulari syllogismo, in prioribus Analyticis. Demon-  
 stratio enim universalis dicitur non à sub-  
 jecto, sed à prædicato universalis, quando scilicet prædicatum inest pri-  
 mo & immediato subiecto, quod si affectio quæ demonstratur toti gene-  
 ri competat & demonstretur de specie aut speciei conveniat, & demonstre-  
 tur de Individuo, vocatur particularis; quia affectio de parte sui subiecti de-  
 monstratur & non de toto. Exemplo res fiet clarior.

*Quomodo à particu-  
 lari Syllo-  
 gismo dif-  
 fert.*

*Omne quod habet in se principium motus est mobile.*

*Omne corpus naturale habet in se principium motus.* Ergo,

*Omne corpus naturale est mobile,*

*Hæc demonstratio est universalis*  
 quia

quia mobile de corpore naturali de- Sect. 2.  
monstratur, tanquam de subiecto pro-  
prio & immediato.

Quod si dicam.

Quod habet in se principium motus  
est mobile,

Oratio homo habet in se principium  
motus, Ergò,

Omnis homo est mobilis.

Hic Syllogismus licet in prioribus  
Analyticis pro universali habeatur  
quoniam conclusionis subiectum est  
universale, cuilibet enim homini com-  
petit ut sit mobilis, tamen in Posterio-  
ribus dicitur particularis, quia affe-  
ctio illa mobilis homini non com-  
petit, ut primo subiecto; non enim  
homo quia homo, sed quia corpus move-  
tur.

Demonstrationes particulares pri- Reg.  
mo falsæ sunt, quia propria affectio  
primo subiecto in illis non attribui-  
tur, secundò sunt supervacaneæ, qui e-  
nim novit affectionem suo primo sub-  
iecto convenire, novit etiam ipsam om-  
nibus illius subiecti speciebus attri-  
bui posse; & proinde demonstratio-  
nes particulares sub universalibus con-  
tinentur.

Affirmans demonstratio est, in qua Affirmans,  
pro-

Serr. 2.

propria affectio affirmatur de suo primo subiecto.

Negans.

Negans est, in qua propria affectio removeretur ab eo, quod neque est proprium subiectum, nec illius species.

Reg. 1.

Affirmativæ demonstrationes præstantiores sunt negativis: non enim propriæ affectiones de iis rebus quibus non insunt, sed potius quibus insunt, demonstrari solent & debent.

Reg. 2.

Demonstratio potissima, seu propter Quid semper esset universalis & affirmativa, & proinde aptissimus concludendi modus est Barbara: nam causa quatenus causa semper respicit effectum cum quo prædicationem non facit, nisi universalem affirmativam.

Nota.

Fiat etiam demonstratio propter Quid in secunda figura & in Camestres, quando effectum non inesse ostendimus, quia eius causa non inest, ut bestiam non esse risibilem, quia non est rationalis, sed hoc minus in usu est, & cadit à perfectione demonstrationis: sic enim distrahitur accidens à proprio subiecto, & alii opponitur, cui neque per se inest, nec ullo modo inesse potest.

Reg. 1.

Demonstratio Quid à causa remota est negativa; ab effectu vel affirmativa,



tiva esse potest vel negativa. Hæc ex Sect. 2. iis quæ prius statuimus sat manifestò apparent.

C A P. V.

De Affectionibus Demonstrationis.

DUæ sunt affecti-ones demonstra-  
tionis

Regressus.  
Conversio in  
definitionem.

Affectiones  
duæ.

Regressus est illa demonstrandi ratio, quâ prius causam ignotam ex effectu notiore colligimus; postea verò regredientes ex eadem causa eundem effectum demonstramus.

Regressus

Quum enim semper à notioribus sit progrediendum, effectus verò sæpe-  
numerò elucescit, quando causa est incognita, ideò cum quandoque sumimus, ut levem cognitionem causæ habeamus, causâ autem semel inventâ de ea discurrit intellectus, ut exquisitam ejus notitiam haberet, quâ partâ regredimur rursus ad effectum per eam causam demonstrandum.

Tria igitur in regressu sunt ordine  
consideranda, primò demonstratio  
causæ ab effectu; secundò inuenta  
causæ accurata consideratio; tertio,

Tria in re-  
gressu con-  
sideranda.

## Sect. 2.

demonstratio effectus ex illa causa, ut, cum demonstretur materiam esse in corporibus naturalibus, quia in iisdem reperitur generatio; per Generationem quæ est materiæ effectus, ad materiam cognoscendam pervenimus; sed quia materia confusè tantum adhuc cognoscitur, ideò secundo loco in ejus consideratione paululum insistimus, investigando quid illa materia sit? num à privatione differt? quomodo nulli forma particulari sit addita. Ultimo quidditate ejus cognitâ exploramus tandem essentialem nexum inter causam & effectum, & regrediendo inquirimus quomodo hæc materia generationem producit, atque ita causa & effectus, quæ primo aspectu confuso quodam modo fuerunt cognita, hoc progressu & regressu distinctè nobis innotescunt.

*Exempli gratiâ.*

*A effectu ad causam.*

*Quod non scintillat id propè est,  
Planeta non scintillant, Ergò,  
Propè sunt.*

*A Causa ad Effectum.*

*Quod*

Quod propè est id non scintillat,  
Planeta propè sunt, ergò,  
Non scintillant.

Secl. 2.

Ubi notandum quod in hoc regres-  
su, sicut in quolibet alio, major pro-  
positio simpliciter convertitur, unde  
necesse est mediam quandam interve-  
nire considerationem causæ, utrum  
nimirum proxima sit & immediata:  
nam si effectus latius pateret, cum ipso  
non converteretur; minor verò prioris  
syllogismi est posterioris conclusio, &  
conclusio ejus minor: atque ita perf-  
icitur regressus. Regressus enim pro-  
priè cernitur in posteriori demonstra-  
tione, quando à causa ad effectum re-  
gredimur, sed quia regredi non possu-  
mus, nisi priori modo progressum  
faceremus: utriusque demonstrationis  
respectu Regressus dicitur.

Quomodo  
regressus  
extrahitur.

Conversio Demonstrationis in de-  
finitionem est transpositio termino-  
rum syllogismi demonstrativi in ve-  
ram causalem definitionem acciden-  
tis. Dico [in definitionem accidentis]  
quia ea definitio quæ est demonstra-  
tio positione differens non est Sub-  
stantia, siquidem ejus nulla habetur  
demonstratio, sed Accidentis tantum;  
idcirco

Conversio  
demonstra-  
tionis in  
definitio-  
nem.

Sect. 2. idcirco de ejus definitione dicendum est.

*Triplex definitio.* Definitio verò accidentis est triplex.

*Nominalis* Nominalis quæ genere & subiecto constar, ut *eclipsis est defectus luminis in luna*, *tonitrus est sonus in nubibus*. Vocatur Nominalis, quia causam rei non continet, licet alio sensu appelletur essentialis, quatenus subiectum differentiae seu formæ locum tenet, quod cum genere adjunctum essentialem definitionem constituit.

*Causalis.* Causalis quæ accidentis causam declarat, ut *eclipsis est interpositio terra*, & hæc improprie dicitur definitio, quia non ipsam quidditatem, sed quidditatis causam declarat. Tertia definitio est, quæ ex nominalis & causalis unionem oritur, ut, *Eclipsis est defectus luminis in luna, ortus ex terra interpositione. Tonitrus est sonus in nubibus propter ignis extinctionem.*

*Ex utrisq; conflata.* Prima definitio est demonstrationis conclusio, secunda est ejus principium, tertia est ipsa demonstratio situ terminorum differens. v. g.

*Inter quod ☿ Solem terra interponitur, illud deficit lumine.*

*Inter Lunam ☿ Solem terra interponitur, Ergo.*

LUNA

*Luna deficit lumine.*

Sect. 2.

Hujus demonstrationis Conclusio est definitio nominalis eclypseos. Medius terminus est ejusdem definitio causalis, tota demonstratio est perfecta ejus definitio ex utrisque conflata.

*Circulus  
quid.*

His duabus affectionibus alii Circulum addunt. Syllogismus verò circularis est, quando ex majore conversâ & conclusione minorem colligimus, similiter ex minore conversâ & eadem conclusione majorem, sic enim ex propositionibus conclusionē, & vicissim ex conclusione propositiones ostendimus: ut,

*Omnes illi quos Deus absolvit, sunt absoluti à peccato,*

*Omnes eos qui sunt in Christo Deus absolvit, Ergò,*

*Omnes qui sunt in Christo, sunt absoluti à peccato.*

Iste syllogismus ad hunc modum in orbem reducitur.

*Quos Deus absolvit, ii sunt in Christo.*

*Qui absoluti sunt à peccato, Deus absolvit, Ergò,*

*Qui absoluti sunt à peccato, sunt in Christo.*

Circulus à regressu differit, quòd in regressu

Sect. 2.

*Quomodo  
à regressu  
differt.*

*Cur impro-  
bandus.*

regressu est progressus primo à notio-  
ribus secundum nos, deinde à notio-  
ribus secundum naturam; sed Circu-  
lus est quando uterque processus est à  
causa proxima, quod impossibile est,  
propterea quod sequeretur idem re-  
spectu ejusdem causam esse & effe-  
ctum, notius & ignotius, prius & po-  
sterius, secundum naturam. Licet igitur  
regressum inter affectiones admit-  
tamus, Circulum tamen ut idem per  
idem probantem rejicimus & respui-  
mus.

## CAP. VI.

### *De Inductione Demonstrativa.*

**F**inito syllogismo Demonstrativo ad  
Inductionem procedo, tum quia est  
argumentationis demonstrativæ spe-  
cies, tum quòd ad syllogismum de-  
monstrativum ritè intelligendum ma-  
ximè confert.

*Inductio  
quid.*

Inductio est proprium instrumen-  
tum, quo principia scientiarum quæ  
per se nota dicuntur nobis innotescunt: ut si quis dubitet *utrum totum sit  
majus sua parte* & visibili aliquo ob-  
jecto ostendimus, *hoc totum esse ma-*  
jus

*jus suâ parte, itemque aliud, eod. inque Sect. 1.  
modo tertium, & proinde omne totum  
esse suâ parte majus.*

Ad Inductionem tria præcipuè requiruntur, primò, ut materia sit necessaria; secundò, ut sit essentialis connexus subjeâ cum prædicato; tertio, ut principia Inductione probanda sint naturaliter nota per se, & levi probatione egeant. *Qua ad ipsam requiruntur.*

Per duas priores condiciones Inductio demonstrativa distinguitur à Dialectica, cujus materia non est necessaria, & terminorum nexus est tantùm accidentalis, & probabilis: unde ad principium dialecticum confirmandum multe Inductiones vix sufficiant, ad Demonstrativum verò una aut altera satis superque est propter maximum & evidentem terminorum nexum. Per ultimam conditionem Inductio demonstrativa à demonstratione ab effectu differt; cujus officium est demonstrare principia naturaliter ignota, ad quorum inventionem Inductio parùm habet efficaciz, quia forsitan res inveniendæ non est per se sensibilis, ut, *materia prima qua per Generationem invenitur*, Inductione verò inveniuntur ea principia, quæ sunt nota ab effectu. *Quomodo differt ab inductione*

*Quomodo differt à demonstratione ab effectu.*

ta secundum naturam, & proinde percipiuntur, ut primum ostenduntur.

## CAP. VII.

*De Syllogismo Didascalico.*

*Quæ est u-  
sus Syllo-  
gismi di-  
dascalici.*

**V**T Syllogismo Demonstrativo utimur in scientiis, ita didascalico in artibus & practicis disciplinis, quando in ipsis aliquid probamus ex propria rei de qua agitur natura; & p. r. causam; in iis enim, sicut in scientiis, propria principia & reperiri possunt & explicari; & licet ars res singulares efficit, utitur tamen principiis universalibus per experientiam collectis in operando. Sic in Medicina; qua est ars factiva, probo hac dulcia huic febricitanti non convenire, quia omnia dulcia vertuntur in bilem, item in Ethicis probo felicitatem esse in numero honorabilium, quia principium est cujus gratia omnes omnia agunt, item, virtutem moralem esse laudabilem, quia in mediocritate est posita.

*Quomodo  
differt à  
Demonstra-  
tivo, quo-  
modo à  
Dialectico.*

Differt à Syllogismo Dialectico, quia didascalici principia sunt propria, Dialectici verò communia; à Demonstrativo quia alter circa artes, al-

ter



## Cap. VIII. De Syllogismo Topico. 159

ter circa scientias versatur: aliàs, De- Sect. 2.  
monstrativus & Didascalicus per om-  
nia veniunt, & proinde ab uberiori  
tractatione abstinco, quoniam quæ  
de Didascalico sunt dicenda dilucidò  
satis apparent in iis quæ de Demon-  
stratione jam pridem diximus.

### C A P. VIII.

*De Syllogismo Topico & locorum di-  
visione, imprimis verò de locis  
Personarum.*

**A**rgumentatio *τοπική* seu probabilis *Argumen-*  
est, quæ in utramque contradic- *tatio pro-*  
tionis partem ex principiis communibus *babilis.*  
opinionem parit.

**C**ommunia principia voco vel axi- *Communia*  
omata topica, quæ per omnes disci- *principia*  
plinas se expandunt: ut, *Cui convenit qua dicam-*  
*unum conjugatorum, eidem convenit tur.*  
*alterum; Cui convenit definitio, eidem*  
*competit Definitum*, vel sunt propositi-  
ones probabiles, quæ omnium aut  
plurimorum hominum judiciis consen-  
tiunt, quæ ideò dicuntur Communia  
principia, quia non ex ipsarum rerum  
de quibus agitur naturâ, sed ex com-  
muni opinione trahuntur, vel denique  
sunt

## Sect. 2.

sunt propositiones, quæ uni quidem disciplinæ propriæ sunt, sed pluribus quæstionibus in eadem disciplina sunt communes. v. g. *Omne corpus vi sentiendi præditum est animal*, ad naturalem philosophiam propriè spectat, sed quia probationi plurimam quæstionum inservit, ut quando queratur de homine, leone, equo, an sint animalia, non injuria inter probationes Dialecticas enumeretur.

## Opinionem parere.

Opinionem verò parere est producere incertam & debilem cognitionem eorum, quæ aliter se habere possunt.

## Quomodo argumentatio probabilis differt à necessaria.

Tribus modis argumentatio probabilis à necessaria differt, necessaria unam contradictionis partem statuit, & confirmat; probabilis circa utramvis ejus partem æqualiter versatur: necessaria constat ex principis propriis, probabilis ex communibus, necessaria firmam cognitionem parit, probabilis solummodò opinionem.

## Argumentum.

Hæc autem opinio per certas rationes hominum animis infunditur, quæ vulgò appellantur, *τῶν τε*, seu probabilia argumenta.

## Arguere.

Argumentum est quod ad aliquid arguendum est affectum.

Arguere autem est vim quandam habere,

II. Cap. VIII. De Syllogismo Topico. 161

habere, quâ alterum accipiat aliquam Sect. 2.  
lucem, ut appareat quale sit, & quomo-  
do ejus ratio se habeat.

Hæc argumenta ex Locis Topicis *Locum To-  
depromuntur. picum quid.*

Locus verò Topicus est sedes argu-  
menti, seu index demonstrans ex quo  
fonte sumendum sit argumentum, quo  
confirmanda est propositio, de qua  
dubitatur.

Loci sunt duplices, Personarum, aut *Quotum-  
Rerum. plex.*

Loci Personarum sunt, quibus uti-  
mur in laudibus aut vituperiis perso-  
narum, & licet hi loci Rhetorici appel-  
lentur, & pertineant ad demonstrati-  
vum genus, obiter tamen Dialecticis  
materiis nonnunquam intexuntur, &  
proinde levi penicillo hic breviter sunt  
delineandi.

Undecim sunt personarum loci, à *Loci perso-  
quibus ad earum laudationem aut vi- narum un-  
tuperationem argumentemur. decim.*

1 A Nomine, ut ex *Verrii nomine*  
Cicero ostendit ejus rapacitatem, à  
Chrysogoni ejus avaritiam.

2 A Natura, in qua primò specta-  
mus ejus nationem, ut, *Germanus est,*  
ergò, *ferox Pænus*, ergò, *sedisfragus.*  
Secundò sexum, *A natura enim com-  
parata*

## Sect. 2.

*parata est opera mulieris ad domesticam diligentiam, viri autem ad forensem. Tertiò ætatem, ætatem enim aliam aliud factum decet, ut inquit Plautus: temerè eum ferisse non est mirandum, Puer enim est.*

3 A victu, in quo consideramus primò parentes, quorum mores plerumque in sobolem propagantur: postea præceptores, Magna est enim vis disciplinae & studiorum: ultimò socios, nam bonus vir bonorum consuetudine gaudet.

4 A fortuna, sub qua comprehenditur tum vitæ genus, utrum in otio an in negotio viat, tum mors ipsa, nam qualis vita finis ita.

5 Ab habitu corporis consuetudine laboris comparato.

6 Ab affectione animi, utrum in literis progressum fecit.

7 A studiis, quibus maximè versatus est.

8 A consiliis, utrum nullam inhonestam rem voluit.

9 A factis, quæ plerumque cum vitæ genere conveniunt.

10 A casu, honestæ enim causæ ornantur secundis eventibus.

11 Ab oratione, quæ studiorum & consi-

## Cap. VIII. De Syllogismo Topico. 163

confiliorum est index, ut si dicamus, *Sect. 2.*

*Optimè sensit & loquutus est de religio-  
ne, quamobrem bonis viris nihil ab eo  
periculi est pertimescendum.*

*Loci rerum ostendunt, quod in re- Loci rerum  
bus ipsis sit considerandum, suntque tres.  
trium generum.*

*1 Interni, quia argumenta submi- Interni,  
nistrant, vel ad naturam rei de qua  
quæritur, vel ad ea quæ ipsam comi-  
tantur pertinentia.*

*Loci à substantia rei desumpti  
sunt. A Definitione, A Genere, A  
Differentia, A Materia, A Forma, A  
Toto, & Parte.*

*Loci substantiam concomitantes  
sunt quinque, à Generatione, à Cor-  
ruptione, ab usu, à Proprio, à commu-  
niter accidentibus.*

*2 Externi qui continent argumen- Externi.  
ta, quæ à natura rei, de qua quæritur  
omnino separata sunt; suntque unde-  
cem. 1. A causa efficiente. 2. à Causa  
finali. 3. ab Oppositis. 4. à Disparatis,  
5. à Comparatis. 6. à Circumstantiis,  
7. à Signis. 8. ab Antecedentibus &  
Consequentibus. 9. A Necessario &  
Impossibili. 10. ab exemplis. 11. ab  
Auctoritate.*

*3 Medii qui continent argumen- Medii.  
ta,*

*Sect. 2.* ta, quæ partim conveniunt cum re de qua quæstio est, partim differunt: suntque duo à Conjugatis, à Divisione. Loci igitur viginti quatuor sunt; undecim interni, & totidem externi, duo autem medii, inter quos Exemplum & Autoritas Inartificiales habentur, quia in sua arte vim arguendi non habent, sed extra ipsam in testantis auctoritate omnes eorum vires fixæ sunt; cæteri omnes artificiales, quia ex insita vi & propria quasi arte arguunt.

*Observatio* Denique ubique hoc observandum, quod Locus Topicus nonnunquam sumitur pro notatione seu titulo axiomatis, sic alius est locus à Definitione, alius à Genere, alius à Toto; quandoque pro præcepto Maxima seu problemate dialectico, quod ex loco illo Topico colligitur, & in eodem fundatur: ut, *Cui convenit definitio, eidem convenit definitum. Posito proprioponitur ejus subjectum*, sunt duo axiomata, quorum alterum petitur à Loco seu titulo definitionis, alterum à loco proprii.

Nos in hac tractatiuncula primò titulum proponemus, inde ostendemus quæ Maxima, seu problemata,

ex

ex eodem titulo sunt exhaurienda; à Sect. 2. locis internis exordium sumentes, per medios transibimus, & tandem in externis terminabitur hæc tractatio.

## CAP. IX.

*De locis internis ad rei essentiam spectantibus, scilicet à Definitione, Genere & specie Differentiâ, Materia, Formâ, Toto & Parte.*

**L**Oco à definitione utimur, quando indagare volumus definitionem alterius extremorum, hoc est, subjecti aut prædicati quæstionis, quæ inventa ponitur loco medii, ut cognoscatur, utrum extrema illa conjungi an separari debent; sic, *Petrum hominem esse probamus, quia est animal rationale.*

*Hujus maxima est.*

A definitione ad definitum & vicissim à definito ad definitionem argumentamur & affirmativè & negativè, [nam] cui tribuitur vel adimitur definitio, eidem etiam tribuitur & adimitur definitum, ut *homo est corpus animatum sensibile, ergò, est animal: Simia non est, animal rationale, ergò, non est homo.*

I.  
A defini-  
tione.

Defini.

Sect. 2.

Definitioni affinis est Descriptio, quando enim rei essentia nos latet, sufficit ipsam quandoque describere, & rudi Minerva accidentali aliqua delineatione depingere.

Maxima.

A Descriptione ad descriptum, & à descripto ad descriptionem tum affirmativè tum negativè concludi potest, ut, *Mansuetudo est habitus laudabilis, est igitur virtus. Nullus habitus laudabilis valescere facit possidentem: Ergo non virtus.*

Definitioni & Descriptioni addamus Notationem nominis, seu Erymologiam, quæ ut in omni verbo non reperiatur (plurima enim sunt vocabula primitiva) ita eodem modo non semper deducitur, sed aliquando à causa, ut, *homo ab humo*, aliquando à effectu, ut, *terra dicitur Vesta, quia stat*, aliquando à dissentaneis, ut, *lucum à non lucendo*: nonnunquam à comparativis, ut, *Pyropus quia flammæ similitur.*

Maxima.

A notatione affirmativè aut negativè concludimus; nam cum quocunq; convenit notatio cum eodem convenit notatum, & cum quocunque non convenit, nec istud conveniet; ut *Stridit*

dio



*dis sapientia non incumbit, ergo, non Sest, 2.  
est philosophus, Incumbit, ergo est  
philosophus.*

**A** Genere argumentamur & à Specie, quando probamus aliquod generi non comperere, quia speciei non comperit, aut speciei non convenire, quia Generi non convenit.

2.  
A Genere.

*Maxima.*  
1. Quicquid removeretur à Genere removeretur à Specie, ut, *Nullum animal est incorporeum, ergo, nec homo est incorporeum*; quod autem de Specie negatur non necessario de genere negatur, ut, *homo non latrat, non sequitur ergo, Nullum animal latrat*, quia Species est Genere angustior.

2. Quodcunque attribuitur generi non statim attribuitur speciei, nisi universale signum sit oppositum, ut, *Datur animal rationale, ergo, datur brutum rationale*, non rectè sequitur, quia, *omne animal non est rationale*. Quod si nota universalis addatur, statim sequetur argumentum, ut, *Omne animal est sensibile, ergo, brutum sentit*; Sensibiles enim cuilibet animali conveniunt.

3. Quod non alicui speciei convenit, illud generi non comperit, ut nec

*6. eff. 2.* nota, nec salvia, nec aliqua alia speciei plantarum videri, Ergo, nulla planta videri.

4 Quod uni aut alteri speciei convenit, illud etiam generi competit, sed particulariter. *Temperantia* versatur circa voluptates moderandas, ergo, aliqua versatur circa voluptates moderandas.

3.  
*A Differe-  
ntia.*

**L**ocus à Differentia petendus est, quando probaremus speciem de re aliqua affirmari posse, aut negari, quia de eadem verificatur, aut negatur ejus differentia specifica.

*Maxima.*

Cui tribuitur differentia specifica, eidem attribuitur species, à quo vero separatur ab eodem separatur species, ut, *rationale est, igitur homo est, Non est homo, ergo, non est rationale.*

4.  
*A Matte-  
ria.*

**A** Materia argumentum ducitur quando probamus aliquid fieri posse, quia præsto est materia ex qua conficiatur.

*Maxima.*

1 Posito & affirmato materiato, ponitur, & affirmatur materia.

Notandum autem est, quod duplex est materia, vel permanentis, quæ inter materiam

materiata seu effecta permanet, ut la- Sect. 2.  
pides & ligna sunt materia domus,  
vel Transiens quæ non manet in re  
effectâ, sed mutatur, ita, farina & a-  
qua sunt materia panis. In permanente  
causa valet argumentum ab esse ma-  
teriati ad esse materiæ, ut, annuli aurei  
sunt, ergo aurum est; in transiente  
verò valet ab esse materiati ad fuisse  
materiæ, ut Panis est, ergo farina fuit.

2 Sublato materiato non tollitur  
materia sunde non sequitur, Aurei non  
reperiuntur annuli, ergo nec aurum,  
Panis non est, ergo non est farina.

**R**atio à Forma ducitur, quando 5.  
probatum Formatum actu non da- A Forma.  
ri, quia ejus Forma non potest assignari.

*Maxima.*

1 Posita forma substantiali res ipsa  
ponitur & sublata tollitur. Ut, Terra  
non vi vit quia non habet animam ve-  
getativam. Homo est, quia anima ra-  
tionalis est præditus.

2 Posita forma accidentali ponitur  
res ipsa quæ denominatur, & sublata  
tollitur: ut, hoc lignum habet formam  
mensæ, ergo, est mensa; non habet figu-  
ram navis, ergo, non est navis.

H 2

3 Tan-

Sect. 2.

3 Tantum unaquæque res potest quantum ejus forma permittit; Ignis enim calefacit mediante calore, quo cessante desinit operatio.

6.

A Toto & Parte.

**A** Toto & parte dicuntur argumenta, quum probaremus aliquid parti inesse, quia toti subjecto idem inest, aut toti non inesse, quia nulli parti communicatur.

*Maxima.*

1 Positis omnibus partibus integralibus & essentialibus, totum integrale & essentialiter sigillatim ponitur; unâ verò principali parte destructâ, totum concidit; ut, si fundamenta sint jacta, paries sit structus, & tellus impositum, Domus extruitur. Quod si corpori humano semel præcisum sit caput, aut evolavit anima, non amplius est homo.

2 Quod essentialiter toti subjecto inest, illud partibus inesse dicitur, quod autem nullis partibus inest, nec toti inest simpliciter, ut, *Augmentatio essentialiter corpori vegetanti inest, ergo, cuilibet parti inest. Nec Judæi, nec Gentes justificantur per legem, ergo, nullus homo justificatur operibus legis.*

CAP.

C A P. X.

De locis substantiam concomitantibus,  
ductis à Generatione, à corruptione,  
ab usu, à proprio, à communi-  
ter accidentibus.

**A** Generatione rei locum petimus, 7.  
quando probaremus rem aliquam *A Genera-*  
bonam esse vel malam, quia ejus ortus *tione.*  
bonus erat vel malus.

*Maxima.*

1 Quorum ortus est bonus, ea eti-  
am sunt bona, si ortus per se sit ma-  
lus, ea semper sunt mala; ut, *Institutio*  
*et ordinatio conjugii est bona, ergo ip-*  
*sam quoque conjugium est bonum. A-*  
*liena bona vi detrabere est simpliciter*  
*malum, ergo opes eo modo acquisita*  
*sunt simpliciter mala.* Intelligenda au- *Cautio,*  
tem est hæc maxima de ortu per se, non  
per accidens: ut, *Generatio hominis est*  
*per se bona, per accidens tamen fiat ma-*  
*la, si nimirum sit illegitima, vel homi-*  
*nem improbum, Ecclesia pestem aut*  
*reipub. labem producat.*

2 Si genita sint bona ipsorum ge-  
neratio est bona, si mala, malus erat  
ortus, ut, *Eruditio est bona, ergo, literis*  
*invigilare, doctos praeceptores audire,*

*Self. 2.* *studius incumbere est bonum, quia hi  
mediis acquisitis eruditio.*

*8.* *a Corrup-  
tione.* **A** Comparatione pari ratione argu-  
mentamur ac à Generatione, quan-  
do nimirum res bonas aut malas fuisse  
ab earum exitu probemus.

*Maxima.*

*1.* Quorum corruptio vel interitus  
malus est, ea sunt bona, quorum verò  
corruptio est bona ea sunt mala: ut,  
*Oblivio literarum est mala, ergò, lite-  
ra sunt bona. Carnis & veteris ho-  
minis crucifixio est bona, ergò, veteris  
homo est quid malum.*

*2* Si corrumpenda sint mala, corrup-  
tio est bona; sin corrupta sint bona,  
corruptiones malæ sunt: ut, *Imago  
Dei in homine, fuit quid bonum, ergò,  
corruptio ejus mala est, peccata sunt  
mala, ergò, eorum abolitio est bona.*

*9.* *De Usu.* **A** B usu rerum, argumentum fre-  
quens est & utile, dum ex uniuscu-  
jusque rei usu, ipsius bonitatem aut  
malitiam inquirimus.

*Maxima.*

Quod bonum usum habet id ipsum  
bonum est, & è contra, cuius verò ma-  
lus est usus id ipsum est malum. *Cog-  
nito*

nitio Philosophia bonum habet usum, Sect. 2.  
ergo, Philosophia bona est. Venenosa  
malum est usus, ergo, Venenosa mala sunt. Cautio.  
Quando vero rerum usus ab utenti-  
um voluntate dependet, non semper  
verum est hec maxima, nam miseriae &  
calamitates quidam ad bonum usum  
vertunt, philosophiam etiam alii ad  
errores suos incrustandos pessime exer-  
cent.

**L**oco à proprio utimur, quando  
probaremus rem, quæ in contro-  
versia est, non esse hanc aut illam sub-  
stantiam, quia ejusdem proprietas af-  
signato subiecto non rectè accommo-  
datur.

10.

A Proprio.

Maxima.

Cui tribuitur vel adimitur accidens  
proprium, ei quoque subiectum tribui  
vel adimi necesse est: ut, Christus est  
ab æterno, ergo, non est homo.

**A** Communibus accidentibus argu-  
mentamur, probando subiectum  
illud de quo agitur ita se habere, ut di-  
cimus, quoniam iisdem accidentibus  
imbuitur, quibus imbui solet.

11.

A commu-  
niter acci-  
dentibus.

Maxima.

Postq. accidente inseparabili poni-  
tur ejus subiectum, & reipsa sublato  
tollitur,

Sed, 2.

tollitur, separabili autem accidente negato, non tollitur subjectum; nec posito subjecto, ponitur illud accidens: ut, *Carbones isti sunt summe calidi, ergo, sunt igniti*; non autem sequitur, *purpuratus est, ergo, est rex*; nisi aliorum accidentium congeriem adjiciamus, ut, *quod in solio sedeat, sceptrum teneat, satellites ipsum tueantur, subditi aperto capite ipsum circumstant.*

## CAP. XI.

*De locis mediis, Conjugatio,  
& Divisione.*

12.

A Conjugatis.

**L**Oco à Conjugatis & Casibus utimur, quando ostenderemus abstractum alicui subjecto non inesse, quia concretum non inest, ut, *nigredinem in nive non inesse, quia nix non denominetur nigra.*

*Maxima.*

Limitatio.

Posito uno conjugatorum ponitur alterum, & sublato tollitur; ut, *juste agit, ergo, est justus, ignave pugnatur, ergo, est ignavus*; sed limitatio hujus regulæ ex morali Philosophiâ est petenda; nisi enim quis scienter, volenter, aut constanter actiones eas edat

quæ



quæ ad habitum requiruntur, improprie denominetur secundum illum habitum agere, ut, *justè agit*, ergò *est justus*, rectè concludit, quia justè agere est scienter, volenter, & constanter secundum justitiam agere: sed *justa agit*, ergò, *est justus*, non sequitur, quia quispiam unam aut aliam actionem temerè & inconsultò agat, idcirco ab ea actione non est denominandus justus.

3 Si conjugatorum unum uni conveniat, alterum etiam conveniet alteri: ut, *si album sit coloratum, albedo est color*.

1 Sed hic summo perè cavendum, ut Limitatio prædicatio sit per se, id est, ut prædicatum & subiectum sint ejusdem naturæ; nam si duo concreta per accidens de se invicem prædicentur: ut *album est dulce, & dulce est album*, eorum abstracta de se invicem similiter non prædicantur; non enim dicimus, *albedo est dulcedo, nec dulcedo est albedo*, quia prædicantur per accidens, nec naturam suam communicant, ut, *color albedini, aut, sapor dulcedini*.

2 Secundò observandum, ut vera assignentur denominativa secundum rem & significationem. Non enim sequitur, *Somnolentus est vitiosus*, ergò, *somnus*

**Secl. 2.** *Somnus est malus*, somnolentus enim non est somni, sed somnolentiae denominativum, unde potius ratiocinandum est, *Somnus est bonus*, igitur dormire est bonum. Nihil enim refert utrum significatione tantum, an voce & significatione simul denominatio fiat; quod enim præcipue hic quaeritur est significatio.

**13.**  
**A Divisio-**  
**ne.**

**L**ocus à divisione vim obtinet, Quando aliquid membris dividendibus competere ostenderemus; quia Divisio convenit, aut diviso non convenire, quoniam nullis membris dividendibus conveniat.

*Maxima.*

1. Quicquid affirmatur vel negatur de omnibus membris dividendibus, id quoque de diviso similiter affirmari aut negari oportet; & contra, quicquid de diviso materialiter negatur, illud de membris dividendibus affirmari debet aut negari: ut, si omnia gressilia, reptilia, volatilia, natatilia moveantur, animal ipsum moveri necesse est; & si animal ipsum non sit insensibile, nec aquatilia, nec volatilia, nec reptilia sunt insensibilia.

2. Convidendum uno aut altero sublato

sublato manet reliquum, positoque Sect. 2.  
uno aut altero reliquum tollitur, ut  
*Animalium aliud sanum est, aliud a-*  
*grum, hoc animal sanum est, ergo, non*  
*est agrum.*

Hujus canonis ratio est, quia mem-  
bra dividendi non possunt coincidere.

## CAP. XII.

*De locis externis. A causa efficiente 14.  
& finali ab oppositis, à disparatis, à A causa  
comparatis Circumstantiis, à Signis, efficiente:  
ab antecedentibus, & consequentibus,  
à necessario, & impossibili, ab  
Exemplis, ab autoritate.*

**L**ocus ab efficiente principali & per  
se probat effectum actu existere.

*Maxima.*

Posita causa efficiente proximâ &  
sufficiente ponitur effectus; ut, posito  
sole supra horizontem ponitur dies.

Posita causa remota non ponitur  
necessario effectus, sublata verò tolli-  
tur.

Quicquid efficit tale est magis tale:  
ut, ignis efficit aquam calidam, ergo, est  
magis calidus, sed requiritur primò,  
ut,

Sect. 2.  
Conditiones.

ut, affectio utrique subjecto inesset, unde non sequitur vinum facit hominem ebrum, ergo, est magis ebrum: secundo, ut causa sit per se, tertio ut sit susceptible graduum, unde non valet, lutum à Sole calet, ergo, Sol magis calet.

15.  
A causa finali.

**C**Ausa finalis ostendit & mediorum & destinatorum naturam, juxta finem ad quem præcipue tendunt, & in quo acquiescunt.

Maxima.

1 Qualis est finis, talia sunt quæ tendunt ad finem, & propter finem suscipiuntur, ut, si Princeps florentem omnibus rebus velit esse suam provinciam, necesse est ut sinceros & fideles Ecclesiæ præficiat ministros, leges sanciat bonas, præmia bonis, & improbis supplicia decernat.

2 Posito fine ponuntur media ad finem; ut, posita scientia ponitur demonstratio, sed remoto fine, cessant media: ut, qui non cupit eruditionem consequi, non emet libros.

16.  
Ab Oppos.

**E**X oppositis argumentamur, quum probaremus unum oppositorum subjecto non inesse, quia alterum inest, aut contrariam eorum rationem esse

esse, quia sunt contraria.

Sect. 2.

Opposita sunt quadruplicia ut superius demonstravimus; Contraria, Privantia, Relativa, Contradictoria, & singula habent suos proprios Canones.

*Maxima.*

1 Posito uno relatorum ponitur alterum, & sublato tollitur; ut, *Pater est, ergo, habet filium; habet filium, ergo, est Pater.*

Sed hæc maxima tenet solummodò *Nota.* in relatis secundum esse, non secundum Dici.

2 Posito uno contrariorum remanentur reliqua omnia, ut, *aqua est calida, ergo non est frigida.*

3 Remoto uno contrariorum immediatorum ponitur alterum in subiecto capaci, in mediatis verò posito uno tantum negatur alterum; ut, *hic homo est liberalis, ergo, non est avarus, Non est sanus, ergo, est ager.*

4 Posito habitu in subiecto capaci tollitur privatio, & contrà, ut, *Socrates cæcus est, ergo, non videt; Videt, ergo, non est cæcus.*

5 Posito uno contradicentium tollitur alterum, ut, *homo est doctus, ergo, non potest esse non doctus.*

Locus

Sect. 2.

17.

A Disparati-  
on.

**L**ocus à disparatis est petendus, cum probaremus res non confundi, sed in sua natura dissimiles esse & differentes.

Maxima.

Posito uno disparatorum removen-  
tur reliqua, remoto verò uno non sta-  
tim removenitur reliqua: ut, *hac scientia  
est Logica, ergo, non est Metaphysica;*  
non autem sequitur, *Bucephalus non est  
Bos, Ergo, non est Equus.*

Nota.

Canon verò ille obtinet suam ve-  
ritatem, quando in abstracto loquimur,  
& non in concreto, unde non sequitur,  
*Petrus est Grammaticus, ergo, non est  
Logicus, cum uterque esse possit.*

18.

A Compa-  
rati.

**A** Comparatis argumentum petimus  
cum rerum similitudinem, aut dissi-  
militudinem, quam habent ad se invi-  
cem ostenderemus.

**Compara-** Quantitatis, ut, *par*, vel  
*impar*, quæ sub se majus  
ta dicun- & minus comprehenduntur  
tur vel ra- Qualitatis, ut, *simile*, &  
tione *dissimile*, quibus proportio  
et disproportio referantur.

PARIA.

Paria sunt, in quibus quantitas quâ  
comparantur, neque major, neque mi-  
nor est; sed quanta est in uno, tanta  
est in alio, ut, *si stultus cum luna sit*  
com.

conferendus in inconstancia, si ea tanta est, in stulto, quanta est in luna, ratione mensura illius inconstancia stultus & luna sunt paria. Sect. 2.

*Maxima.*

Si duo sunt æquæ paria & unum erit tale, alterum erit tale, si unum non erit tale, alterum non erit tale, ut, si ratio & experientia sint Medico æquæ necessaria, experientia verò maximè est necessaria, etiam erit ratio.

Imparia sunt, quorum quantitas Imparia non est una.

*Maxima.*

Si quod minus videtur inesse inest, quod magis videtur inesse magis inest, si quod magis videtur inesse non inest, nec id quod minus videtur inesse inest, ut, si ingratitude erga preceptores penam mereatur, majori supplicio vindicandus est contumax eorum contemptus. Item, Quod Demosthenes non persuasit, multo minus persuadebit Crillus.

Similia sunt quæ convenient. Quæ dissimilia sunt quæ differunt.

*Similia & dissimilia.*

*Maxima.*

1 Quod in uno similitum valet aut non valet, illud cæteris convenire, aut non convenire dicatur, ut, Johannes est mortalis,

Sect. 2.

mortalis; ergò, Petrus est mortalis, in utroque enim est eadem verisimilitudo.

2 Dissimilibus dissimilia conveniunt, ut, anima rationalis & anima bruti dissimiliter informant, ergò, hac mortalis est illa immortalis.

Proportio  
& dispro-  
portio.

Sub his contineri videntur loci à proportionem & disproportionem, qui tamen à prioribus differunt, quod illic una res uni cuilibet alii comparatur, hic verò non est rerum similitudo, sed quædam habitudinis comparatio.

Maxima.

1 De proportionalibus est idem iudicium; ut, Quomodo se habet lumen oculi in corpore, sic rationis lumen in anima, oculus verò corpus dirigit, ergò, ratio dirigit animam.

2 De iis inter quæ non est eadem proportio, non idem erit iudicium. Anima in homine non est ut nauta in navi, nauta verò non visificat navem, ergò, anima hominem informat.

19.

A circum-  
stantiis.

A Circumstantiis ducitur argumentum quando à loco, aut tempore rem ita esse, aut non fuisse colligimus.

Maxima.

1 Posito corpore aut alia quacunque re necesse est ei tempus attribui,

&



Cap. XII. De Syllogismo topico. 183

& remoto tempore universaliter res Sect. 2.  
ipsa remouetur, ut, *Pythagoras nondum  
natus fuit Numina tempore*, ergo, *Numina  
non docuit.*

2. Posito corpore aut aliquâ aliâ  
re finitâ necesse est locum poni, neque  
absentis membra aliquid agunt in eo  
loco unde absunt: ut, *Cicero non fuit  
Roma, cum interficeretur Fulius*, er-  
go, *Fulius non interfecit.*

A Signis argumentamur quando pro-  
bamus aliquid esse, quod huic aut  
illi signo est conjunctum. Signa verò  
sunt vel necessaria, ut, *lux astris ortus,*  
*lac conceptionis*, vel non necessaria, sed  
quæ sæpè eveniunt, ut, *Cometa est sig-  
num pestis.*

*Maxima.*

A signis necessariis valet conse- 21.  
quentia perpetuò, & quandoque à non *Ab anteci-  
necessariis*, præsertim si multa signa *dentibus &  
simul concurrant.* *consequen-*

AB antecedentibus & consequenti-  
bus concludimus, quando proba-  
mus essentiam posterioris per prioris  
essentiam.

*Maxima.*

Posito antecedente ponitur conse-  
quens, & sublato tollitur: ut, *Sol est  
ortus*, ergo, *terra est illuminata: Mulier*

non

Sect. 2.

Quando  
valet.*non fuit gravida, ergo, non peperit.*

Valet hæc Maxima, si antecedens sit causa proxima, reciproca, perfecta, totalis & immediata, seu cum effectu conjuncta: item si antecedens sit subiectum universale, primum, aut signum necessarium.

22.

A necessa-  
rio & im-  
possibili.

**A** Necessario & impossibili argum-  
tamur, quando rem nullo modo se-  
aliter habere ostendimus.

Maxima.

Cognita necessitate, aut impossibi-  
litate in artibus & consiliis, sublata  
dubitatione mens assentitur & obtem-  
perat necessariis, rejicit verò impossi-  
bilias ut, *Flumen non potest ponte an-  
vado transiri, necesse est igitur illud  
navigio tranare.*

23.

Ab exem-  
plis.

**A**B exemplis aliquid confirmamus,  
quando ex aliorum factis hoc lici-  
tum aut illicitum esse declaramus.

Maxima.

Valet consequentia ab exemplis,  
cùm ratio similis appareat, non autem  
quando est dissimilis: unde non sequi-  
tur, *Moses & ceteri fecerunt spolando Ægyp-  
tios, quorum hospitio longè usi fuerunt  
Israelitæ, ergo, & nobis fas est spolare  
hospites.*

Dispu-

Cap. XIII. De Syllogismo sophist. 185

Disputatur ex testimonio, quando Sect. 2.  
conclusioni fidem facere conamur 24.

ab auctoritate alicujus ponderis.

Ab Aucto-  
ritate.

Testimonia & Divina.  
verò sunt vel Humana.

Maxima.

Testimonia divina valent tum affir-  
mativè tum negativè: unde sequitur  
credo ex baptizatus sum, ergò, aternam  
vitam fruar. Sacra litera nihil tra-  
dunt de invocatione Sanctorum, ergò,  
Sancti non sunt invocandi.

Testimonia humana affirmativè  
valent, si doctis, & artificibus procedunt,  
non autem negativè, ut Cicero  
dixit, Sapientia est nihil melius, ergò,  
fides est ipsi danda: non autem valet,  
Aristoteles nihil docuit de vita aterna,  
ergò, post hanc mortalem non datur  
vita aliqua immortalis.

CAP. XIII.

De Syllogismi Sophistici seu Falla-  
cis Divisione.

In ista tractatione de Syllogismo tam  
necessariò quàm probabilis ad so-  
phisticum seu fallacem procedendum  
est.

Fallax

Sect. 2.

Fallax verò seu captiosa argumentatio est, quæ speciem & apparentiam veræ rationis habet, cum tamen non sit vera.

Et quia contingit nos tribus modis decipi posse, vel cum argumentatio falsò concludatur ratione formæ, vel quando videtur necessariò ratione materiæ concludere & non concludit, vel quando probabilis apparet cū sit falsa. Secundum triplicem Paralogismū, hunc errorem, captiosum syllogismum triplicem esse volumus } Pseudographum. } Sophisticum.

Paralogismus est, qui falsò concluditur ratione formæ, ut ex merè negantibus, aut particularibus, aut affirmativè in secunda figura.

Pseudographus est, qui ex propriis alicujus disciplinæ principiis non autem veris ratiocinatur, ut si quis ita argumentetur. *Omnes lineæ ductæ ab eodem puncto ad idem, sunt æquales, lineæ recta & lineæ curva tendunt ab eodem puncto in idem, ergò, sunt æquales*; hic Syllogismus est Pseudographus, quoniam malè utitur principio geometrico, verum enim est illud principium de libris ductis per idem spatium, sed non per diversum.

Sophi-

Sophisticus syllogismus est, qui fit ex communibus propositionibus specie probabilitatis animos ferientibus, quando in sua natura non sunt veræ: ut

*Nulla opposita sunt simul vera,*

*Subcontraria sunt opposita, ergo,*

*Non sunt simul vera.* Major enim videtur vera & probabilis, eò quòd multa opposita utpotè contraria, & contradictoria non possunt esse simul vera; absolute tamen vera non est, quia aliter se res haber in subalternis.

Sed quia tyronibus, in cujus usum hanc tractatiunculam conscripsimus, æqua nimis hæc videatur fallaciarum distinctio, ut eorum captui nosmetipsos applicemus, fallacias omnes ex vulgari opinione in duas partes distribuamus, quarum aliæ sunt in Dictione, aliæ extra dictionem, de utrisque pauca adjiciemus.

## CAP. XIV.

### *De fallaciis in Dictione.*

FALLACIÆ in dictione sunt, ubi ambiguitas magis in verbis quàm in rebus hæret.

Earum sunt sex, Æquivocatio, Amphibolia,

*Sett. 2.* phibolia, Compositio, Divisio, Prose-  
dia, Figura dictionis.

*Fallacia a-* Equivocatio est, quando vocabu-  
*quivocati-* lum ambiguum diversas significatio-  
*onis.* nes habens, aliter in una, aliter in alia  
syllogismi parte accipitur.

*Solutio.* Solvitur per distinctionem vocabuli  
equivoci in suis diversas significatio-  
nes; ut, si aliquis ita argumentaretur;

*Qui credunt salvantur,*  
*Diaboli credunt & contremiscunt,*  
*Ergò, salvantur.*

Neganda esset consequentia, quia  
in majori propositione verbum illud  
[credit] implicat fidem salvificam,  
in minore includit fidem historicam, &  
proinde quatuor sunt termini in hoc  
syllogismo.

*Fallacia*  
*Amphibo-*  
*lia.*

Fallacia Amphibolæ est, quando  
ex orationis non vocis multiplici sensu  
oritur deceptio.

Hæc bifariam accidit: primò quan-  
do oratio plures sensus admittit pro-  
prios: ut,

*Quicquid est Aristotelis possidetur*  
*ab Aristotele.*

*Hic liber est Aristotelis, ergò.*  
*Possidetur ab Aristotele.*

Est enim ambiguum & anceps, v-  
trum qui sic loquitur, significat librum  
hunc

**Cap. XIV. De Syllogismo fallaci. 189**

hunc esse Aristotelici ingenii factum, Sect. 2.  
an ab eo possideri. Secundo, cum o-  
ratio alium habeat sensum proprium,  
aliud Metaphoricum & improprium ;  
ut,

*Quisquis arat littus, littus profici-  
dit aratro,*

*At operam perdens, littus perhibetur  
arare.*

*Ergo, operam perdens, littus profici-  
dit aratro.*

*Littus enim arare, principaliter signi-  
ficat, terram quæ juxta mare est arare,  
in apta fiat suscipiendo semini ; Secun-  
dario autem & minus principaliter sig-  
nificat, operam perdere, vel frustra la-  
bonare, propter quandam similitudi-  
nem, eò quòd frustrà fiat labor ille, qui  
impenditur arando littori.*

*Solvenda sunt hujusmodi argumen- Solutio.  
ta monstrando diversam totius oratio-  
nis significationem, & exponendo  
propriam loquendi formulam.*

*Fallacia compositionis est, quando Fallacia  
conjunguntur ea quæ non sunt con- compositionis.  
jungenda, vel ut alii planius definiunt,  
est quando ex propositione vera in  
sensu diviso, & falsa in sensu compo-  
sito, inferitur conclusio falsa, quæ ex eo  
antecedente non rectè colligitur, nisi  
sumpta*

Sect. 2.

sumpta in sensu diviso. v.g.

*Humilis potest esse superbus,**Petrus est humilis, ergo, Petrus est**humilis & superbus.**Adam fuit iustus & peccator, ergo,**fuit iustus peccator.*Hæc dubitatio solvitur ostendendo  
perversam compositionem.

Solutio.

Fallacia  
divisionis.Fallacia divisionis est, quando ea  
quæ disjungenda non sunt in conclu-  
sione separantur: vel, quando ex pro-  
positione verâ in sensu composito, &  
falsâ in sensu diviso, inferitur conclu-  
sio falsa, quæ ex eo antecedente non  
rectè colligitur: ut,*Impossibile est sedentem stare;**Petrus sedet, ergo, impossibile est,**ut stet.*

Item.

*Duo & tria sunt paria & imparia,**Quingue sunt duo & tria, ergo,**sunt paria & imparia.*

Solutio.

Monstratur hæc fallacia quando ea  
quæ dividenda sunt dividuntur, &  
sensus compositus à diviso distingui-  
tur.Fallacia  
Prosodia  
tribus mo-  
dis oritur.Fallacia Prosodiz seu accentus est,  
quando ex vocabulis scripturam aut  
pronunciationem similem habentibus  
oritur deceptio.

Tribus



1. Tribus modis hæc fallacia ori- Sect. 2.  
tur, vel ratione Quantitatis, ut Quando  
eadem vox variis scripta aut pronun-  
ciata accentibus, varium efficit sen-  
sum: ut,

*Omnia mala sunt detestanda,  
Poma sunt mala, ergo, Poma sunt  
detestanda.*

2. Vel ratione aspirationis, quando  
in uno loco vocabulum cum tenui spi-  
ritu proferatur, in altero cum aspirato:  
ut,

*Omnis ara est in templo,  
Porcorum stabulum est hæc, ergo,  
porcorum stabulum est in tem-  
plo.*

3. Vel ratione distinctionis, seu di-  
fractionis, cum simplex verbum in  
duo aut plura dividatur: ut,

*Omnis incuria est reprehendenda,  
Senatus est incuria, ergo, est repre-  
hendenda.*

Differt a fallacia æquivocationis, Quomodo  
quia æquivoca sunt vocabula omni- differt ab  
no una, hæc vero diversum sonum ha- æqui voca-  
bent. tione.

Solvitur hæc fallacia, quando verus  
accentus pro falso, vera scriptura pro  
notha ponitur.

Fallacia figuræ dictionis est, quan-

Sect. 2. de ea similitudine terminationis aut  
 Fallacia si generis ejusdem vocis fallia colligitur  
 gura disti- eadem significandi ratio; ut si dicam,  
 onis, *penna est prima declinationis*, ergo  
*penna. Habeo est secunda conjugationis*,  
 ergo *habeo*, quia eundem finalem ter-  
 minum habens.

Huc etiam referuntur errores, qui  
 oritur aut ex variatione casuum: ut,  
*Tulam est neutrius generis*,  
*Sagitta est velum*, ergo, *Sagitta est*  
*neutrius generis*.

Aut ex variatione predicamenti: ut,  
*Quidam comest*,  
*Crabrum comest*, ergo, *crabrum come-*  
*disti*.

ibidem enim de una categoria in aliam  
 sic transiens, nam prius propositio fi-  
 cit mentionem substantiae; ut illam  
 substantiam ederet, quam emerat, se-  
 cundo *Qualitatem*, ut scilicet ederet,  
 eodem modo quo emerat.

Solutio. Solvenda est haec fallacia cum di-  
 stinctione rerum et predicamentorum  
 cum reductione casuum obliquo-  
 rum ad rectos.

Solutio. Quando verum  
 accipitur pro falso, vera scilicet pro  
 non habent.

fallacia si generis ejusdem vocis est, quia  
 CAP.

CAP. XV.

*De fallaciis extra dictionem.*

Fallacie extra dictionem sunt, quæ non in nudis vocibus, sed in rebus ipsis extra voces latent; & sunt septem. Fallacia accidentis, à dicto secundum quid ad dictum simpliciter, secundum non causam ut causam, Fallacia consequentis, Petitio principii, Ignoratio elenchi, à pluribus interrogationibus.

Fallacia accidentis duobus modis committitur, primò quando illud quod substantiæ soli convenit, attribuitur accidenti, aut contrà: ut,

*Omnia homo est substantia,*

*Hoc album est homo, ergò, hoc album est substantia.*

Secundò quando procedimus à negatione alicujus singularis, quod uni tantum convenire potest ad negationem alterius, quod commune est pluribus: ut,

*Quod ego sum tu non es,*

*Ego autem sum homo, ergò, tu non es homo.*

Solvitur hic decipiendi modus per *Solutio* distinctionem, ubi demonstratur alia per se, alia per accidens, alia generali-

Sect. 21

ter, alia specialitur rebus convenire.

*Fallacia à dicto secundum quid ad dictum simpliciter.*

Fallacia à dicto secundum quid ad dictum simpliciter committitur, cum ex propositione vera tamen aliquo respectu, parte, aut tempore, aliquid tanquam simpliciter dictum inferitur, ut, *Cadaver est homo mortuum, ergo est homo. Merces ejicienda sunt in mare, tempestate urgente, ergo, merces in mare sunt ejicienda.* Huc etiam refertur, illud Sophisma quod tam multos vexat. *Qui dicit Socratem esse animal verum dicit, qui dicit Socratem esse asinum dicit Socratem esse animal, ergo, qui dicit Socratem esse asinum verè dicit.* Hujus Syllogismi major est limitanda, nam qui dicit Socratem esse animal non quodvis in specie, sed vel in genere, vel certâ differentiâ, ut rationali limitatum, dicit verum, & sic minor erit falsa.

Solutio.

Solvitur hæc fallacia, ostendendo diversam propositionum acceptionem, quomodo altera absolute & simpliciter est intelligenda, altera limitata & respectu loci, temporis, aut alterius certæ considerationis.

*Fallacia ex ignorantia Elenchi.*

Fallacia ex ignorantia elenchi seu contradictionis est, quâ quis ex errore fallitur, quod malè redarguat, & quod

quod conclusionem syllogismi contra Sect. 2.  
se pugnantis, sive quæ rationi contradi-  
cere falso existimet.

Elenchus enim sive redargutio ab *Elenchus*  
*Aristotele* definitur Syllogismus cum quid.  
contradictione conclusionis, id est, col-  
ligens contradictoriam alicujus enun-  
tiationis certæ; ut si teneremus, idem  
non posse dici *aquale & inaquale*, &  
aliquis hoc redargueret, exemplo à  
lignis ducto v. g.

*Duo hæc ligna sunt equalia secun-  
dum longitudinem, & inequalia se-  
cundum crassitudinem*, ergo eadem pos-  
sunt esse *equalia & inequalia* : com-  
mittitur fallacia ignorationis elenchi,  
quia putamus hanc argumentationem  
nostræ sententiæ contradicere; duo  
enim ligna diversa ratione equalia  
possunt esse, & inequalia, sed non re-  
spectu ejusdem dimensionis: non enim  
rectè instituitur contradictio, nisi sit ad  
idem secundum idem, & eodem tem-  
pore, ut superius demonstravimus.

Solvitur hæc fallacia distinguendo *Solutio.*  
inter unam & alteram rei considera-  
tionem, quod vel tempus non est idem,  
vel respectus est diversus, vel quod de  
eadem parte, utraq; conditionis mem-  
bra non intelliguntur.

Sect. 2.

Fallacia  
non causa  
ut causa.

Fallacia non causæ ut causæ oritur ex causarum inscitia, quando scilicet causæ aut falsæ, aut per accidens pro veris ponuntur: aut cum causæ non sufficientes enumerentur, vel etiam remotæ, ambientes, partiales, aut minus principales, & quæ stolidæ vocantur; item cum à voluntaria causa ad necessitatem effectûs; denique cum à fine improprio, seu abusu, ad causæ pravitatem argumentamur, & cum vitia personæ imputantur rei: ut, *Mala sunt de vitia, quoniam his abutuntur mali. Vinum malum est, quoniam ebrios facit, aqua mala est, quoniam eâ suffocantur mulis.*

Solutio.

Solvitur negando falsam causam, & adducendo veram.

Fallacia  
consequen-  
tiæ.

Fallacia consequentis est, quando putatur consequens inferri ex antecedente cum non inferitur; ut, *Flavum est, ergo, mel, quia mel est flavum.*

Duobus modis inferitur mala consequentia, vel generaliter, quando negliguntur syllogismorum præcepta; vel specialiter cum argumentatio procedat à genere ad speciem affirmativè, ut, *Civitas est, igitur Athena*, à specie ad genus negativè; ut, *Socrates non est brutum, ergo non est animal.* A causa ad-

adjuvante ad effectum, ut, *Machinas bellorum fecit, ergo, ad bellum est paratus.* ab effectu ad causam adjuvantem, ut, *deditur esse, ergo, Athenis fuit.* A partibus ad totum partitione plena non facta, ut *Alexander Persas & Indos vicit, totum igitur terrarum orbem subegit.*

Solvitur vel ostendendo, quod directus Syllogismus non recte secundum formam concludit, vel demonstrando quod consequentia debilis est ratione materię secundum quam concludit.

**Fallacia** a petitione principii committitur, quando id ipsum quod est in quaestione, ad sui ipsius probationem assumitur, verbis forsitan ad fraudem paululum immutatis, vel quando ad quaestionem probandam præmissæ adducuntur tam incertæ, vel etiam ignotiores, quàm res ipsa controversa, ut *Anima est immortalis, quoniam est mortis experta. Omnis homo est risibilis, quia quicquid homo est risibilis.*

Solvitur ostensa propositionum identitate & negatione.

**Fallacia** plurium interrogationum est, quotiescunque duæ aut plures interrogationes, ita indigestæ & confusæ proponuntur, ut speciem unius

**Sect. 2.** tantum præ se ferant. Hæc duobus modis committitur, primo cum plura sunt prædicata, ut, *Sitne homo animal æternum, particeps, immortale, & disciplinacupax?* secundo, quando plura proferuntur subiecta, ut, *Nomen Virgilii, Propertii, Ovidii fuerunt Poëtarum urpissimi?*

**Solutio.** In solutione hujus fallacie distincte ad quamlibet quaestionis partem respondendum est; sic enim ut alios non fallas impediatur tua integritas, ita ut ab aliis fallaris non permittat tua solertia. Discursu illativo plene & perfecte his duabus sectionibus absoluto, ad ordinativum procedam, quem hæc **postrema Sectione breviter expediam.**

---

**SECT.**

---





# SECTIO TERTIA

## LIBRI TERTII

*Uno capite absolvenda.*

### *De Ordine.*

**S**icut discursus illativus aliud *Descursus*  
ex alio probare docet, ita *ordinati-*  
ordinativus ostendit, quo- *vus.*  
modo definitiones, divisio-  
nes, & reliquæ partes cujuscunque artis  
aut scientiæ rectè inter se connectan-  
tur, ut aliæ præcedant, aliæ conse-  
quantur.

Hic vulgò ordo aut Methodus vo-  
catur: ambo enim vocabula nos pro-  
miscuè usurpamus, quatenus per illa  
res disponuntur, ut faciliùs eas cog-  
noscamus.

Quoniam verò contingit ut aliud  
alio duobus modis notius & ignotius  
dicatur, vel naturâ, vel nobis; hinc du-  
bitatio non levis oritur, utrum iste or-  
do magis à natura, quam à nobis, no-

Sect. 3.

tis procederet : Hanc controversiam  
nos duplici hac distinctione solvamus.

*Notius ali-  
ud alio du-  
obus modis  
dicitur.*

Quando dicimus quod aliud ab ali-  
rerum natura est notius, illa rerum na-  
tura duobus modis potest intelligi  
vel ut est rerum ipsarum natura extra  
omnem nostram cogitationem posita-  
rum, vel ut respicit ad nos cognoscentes  
referuntur, sic Principia in philoso-  
phia naturalis dicuntur composita no-  
tiora secundum naturam, & quia nobis  
noti cogitantibus ex eis composita con-  
stituuntur, & quod nos ducunt in cog-  
nitionem naturae compositae.

*Notius no-  
bis duplex.*

Secundo, Notius nobis etiam (ut  
prius notavimus) bifariam intelli-  
gitur, vel ut servamus naturae ordinem,  
vel ut ordine naturae contrarioputimur;  
ita, in cognitione nostra confusa effe-  
ctum primo cognoscimus, & per effe-  
ctum ducimur in cognitionem causae  
sed haec cognitio adhuc est confusa,  
dum contra naturae ordinem procedi-  
mus; in cognitione vero distincta se-  
cundum naturam progreditur intelle-  
ctus, primo apprehendendo causam, ut  
per causam tandem in distinctam ef-  
fectus cognitionem perveniamus; ut  
generatio materia prima, & prima  
materia generationis alia atque alia  
respectu

respectu nobis notior. Generatio est Sect. 3.

materia prima notior confusa nostra cognitione, dum causam per effectum intellegimus, & materia prima cognitione distincta est generatione notior, quia est ejus causa, quâ cognita effectum cognoscimus.

His distinctionibus pro fundamentis, hæc extruenda sunt corollaria.

I. Totâ ordinis ratio à meliore & faciliore materia cognitione dependet.

Ratio est, quia ordo instrumentum est ad cognitionem, non ad rerum generationem conferens; Ideoque in ordine commodius & facilius cognitioni maxime est querenda; quod si progrediamur ab iis, quæ nobis sunt notiora, ad ea quæ nobis sunt ignotiora.

II. Ordinandi ratio non procedenda à notioribus quoad naturam, nisi quatenus ea sunt nobis notiora; ita enim sequeretur nullum alium esse ordinem præter analyticum. Et licet Aristoteles nonnunquam ab universalibus ad particularia, & proinde à natura ad nobis nota procedere quibusdam videatur, ut, in principio physico-rum, à principiis ad composita, non tamen

Sect. 3.

tamen ita intelligendus est Aristoteles, quasi naturæ notiora primo ordine sunt collocanda, sed potius quia ea quæ sunt notiora naturæ, in sua nuda existentia, nobis etiam in ordinem naturæ sequentibus in cognitione distincta prius se offerunt cognoscenda. Ita enim Aristoteles in primo Physicorum exordium sumpsit à principiis, non quia naturæ priora sunt effectis, sed quoniam aliorum cognitionem allequi non possumus nisi ex principiorum cognitione, itaque ex nostra cognitione rationem illius ordinis accepit, & non ex rerum natura.

Ordo (cum sit cognitionis instrumentum) ex fine diversarum disciplinarum est dividendus; quum enim inter disciplinas aut earum cognitionem propter seipsas quærimus, & eam adepti quiescimus, quod evenit in scientiis contemplativis; aut ipsam cognitionem propter se non quærimus, sed ut acquisitam ad operationem dirigamus, quod in practicis artibus contingit, pro diversitate harum cognitionum ordo in duas partes diversas di-

Ordo in duas videtur.

as partes

dividitur.

Omne enim ordo qualiscunque ille sit, vel est

Subj.

1 Συνθετικὸς, seu compositivus. Sect. 3.

2 Αναλυτικὸς, seu resolutivus.

Ordo Syntheticus, seu compositivus. Ordo Syn-

theticus est, qui à principiis progreditur  
ad ea, quæ constant ex principiis, ut  
fiat perfecta rerum cognitio. Iste in  
scientiis solis solus cernitur: cum e-  
nim resolutivus semper à fine auspica-  
tur, qui in disciplinis contemplativis  
nihil est nisi ipsa rerum scientia, quæ  
à rebus sciendis re ipsa non differt, cer-  
tè in iisdem nullum habeat locum,  
unde relinquitur quod solus ordo syn-  
theticus ad quaslibet scientias traden-  
das est necessarius. Ita physica scien-  
tia quoniam ad contemplationem solum  
inservit, secundum ordinem syntheti-  
cum, primò de communibus rerum na-  
turalium principiis materiâ, formâ,  
et privatione, unâ cum communibus  
rerum naturalium affectionibus agit.  
Ab his ad magis composita, nimirum  
ad corpora simplicia progreditur, ab his  
ad mixta, perfecta, imperfecta, ani-  
mata, inanimata, donec omnium rerum  
cognitionem habeat in qua acquiescit.

Ubi obser-  
vandum.

Ordo analyticus est, qui in proposito  
ultimo fine, five agendo, five à nobis  
efficiendo progreditur, ad prima prin-  
cipia investiganda, quibus finis perfici-  
atur.

Ordo Ana-  
lyticus.

Hic

Sept. 3.

Hic in artibus practicis solum accer-  
nitur: licet enim artes operantes or-  
dine compositivo utentes à principiis  
initium sumunt, & ad compositum  
procedunt; ut, in arte adificatoria, à  
lapidibus & lignis comparandis, ad  
domum extruendam progredimur; in  
artibus vero docentibus, ordine plane  
contrario utimur; cum enim in ipfis  
finis semper proponitur certus, de quo  
fuit nulla consultatio, ut finis exercitus  
est victoria; sequitur quòd tota con-  
sultatio esset de modis ad finem du-  
centibus, & proinde à fine qui nobis  
notus est ad ignota media progredi  
non possumus, nisi ordine resolutivo.  
Hujus ordinis evidentem instantiam  
nobis præbet, *Ars Ethica seu moralis*,  
qua à felicitate, ut à fine, ad virtutes,  
quæ sunt media ad felicitatem ducen-  
tia ἀναλυτικῶς progreditur.

In utroque tam resolutivo quàm  
compositivo ordine summopere vi-  
dendum, primò ne qua pars desit, se-  
cundò, ne qua supersit, terriò ne qua  
inutiliter repetatur, ultimò ut omnes  
partes aptis transitionibus sine  
connectenda.

LECTO.



LECTORIBUS  
DOCTIS &  
INDOCTIS.

**I**Ndocti non damnent  
quod ipsi nesciunt; do-  
cti non invidcant, quod  
ipsi novum putant; ab utrisque  
peto, si alicubi erratum sit, illud  
castigent non culpent, si quid ab  
illis merui, ut Deo, non mihi  
gratias rependerent.  
Valete.

---

FINIS.

---

